





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.32





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.32



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.32




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.32

1 A. 6

1. 6. 32

725

VII 7
ALM




N^o 5

EILERDI ALMÆ
JUNIORIS PHRYSII

B E L L V M
G I G A N T E V M.




A D
ILLVSTRES ET GENEROSOS
COMITES AC DOMINOS
Phrysiæ Orientalis.



LVGDVNI;
Apud Renatum Postelerium.

cIo. Io. LXXXVIII.

1588



A D
ILLVSTRES AC GENE-
ROSOS COMITES, DOMINOS

EDZARDUM ET IOANNEM FRATRES,
Comites & Dominos Phrysiæ Orientalis,
Dominos suos clementissimos



P R Æ F A T I O.

C O E L O tonantem crediderat Iovem
Gravi vetustas territa fulmine,
Virtute Fratres eminentes
Et Phrysiæ Comites Eöæ:
Auxit timorem post quoque numinis,
Vltor subacti cùm patris, impios
Titanas, immanemque turmam
Vindicibus domuit sagittis.
Sed sumtuosis tunc prius hostiis,
Et victimarum cæde bidentium,
Res acta sacris, & Sabæi
Thuris Arabs lacrymas cremavit.
Centum iuventus horrida brachiis
Telluris ira cùm super ardua
Coeli viam crebris paravit
Montibus impositis negatam.
Quos concitatus Iuppiter impetu
Perfregit uno, castraque, fulminis
Per aërem moto tumultu,
Auspiciis pepulit secundis.
Nunquàm diremtum post ope Cœlitum
Inordinati pondus iners Chaüs,
Tanta laborârunt ruina
Tartareæ superæque sedes.

* ij

Non

P R A E F A T I O.

Non trux Echion defuit hostium
 Rebus gerendis, cumque Damasore
 Phæacionatus Phalacro
 Eurymedon dominator audax:
 Immane quodvis in Superos scelus,
 Et quidquid usquam concipitur nefas
 Patrare, commotoque bello
 Omne genus feritatis ausi.
 Quos congregati simul omnibus
 Ab usque mundi finibus acriter
 Ivère contra, nec parente
 Sceptringero minor alma Pallas.
 Hinc, quem columnas orbis ad ultimas
 Vexère tigres, constitit Euhyus,
 Gangetico clarus triumpho
 Et spoliis Orientis auctus.
 Et ipse falso natus Apolline,
 Qui Trismegistum protulit inclytum,
 Asclepius, primus vel auctor,
 Vel medicæ reparator artis.
 Illinc Lacoenæ Castor adulteræ
 Polluxque fratres, & socer Oebali
 Perseus per obstantes catervas
 Explicuit sua primus arma.
 Magnus Creontis nec gener abfuit,
 Virtute sedes qui tenet igneas,
 Victorque turbavit refracto
 Terribiles Acheronte manes.
 Adversus illos nil furor insolens,
 Iunctumque gnatis robur Aloëi:
 Non impotens quid fortitudo
 Centimanivaluit Typhoei,
 Qui nigra fulvæ regna Proserpinæ,
 Qui judicantem spreverat Æacum,
 Et carceri jam mancipatum
 Clauserat ætherium Tonantem.

Cass

P R A E F A T I O.

Casi Deorum seriùs, ocyùs,
Omnes ad unum turbine flammeo:
Aut saxum traxère, visa
Ægide Palladia, rigorem.
Hunc Ætna vasto pondere Trinacris:
Illum cōercet mole Vesevius,
Semperque fumos æstuantes
Faucibus Alcyonêi volutat.
Pars inq̃uieti vi maris obruta:
Pars missa forti sub Styga fulmine,
Vltrice Dirarum flagello
Tartarea cohibetur unda.
Illic trecentis bellua centiceps
Cogit catenâ quotquot ad æthera,
Vi propria, Divûm timore
Posthabito, penetrare nisi.
Quos in ferentes jura silentibus
Mirum severi suppliciij genus
Cudunt, & intorti capillis
Eumenidum reparantur angues.
Vt quid superbum quàm dominum Elidis,
Præterque sævum Tartara plecterent
Corinthium, longeque tractum
Visceribus Tityonnoventis:
Nec semper undis vana fluentibus
Mirentur umbræ dolia Belidum,
Pœnamque se semper sequentis,
Et medio sitientis amne.
Novus sed instat Cœlitibus labor
Ab æris qui munere vescimur,
Secura nec cœlo Mimantis
Parta quies Briarêique fato.
Humana nam gens, omnia perpeti
Audax, superbit per vetitum nefas,
Instar Gigantis cuncta turbans
Iura animo malè pertinaci.

* iij

Radice

P R A E F A T I O.

Radice motum Pindon Olympico
 Non praeliantes vertice subdimus:
 Ad astra non vulias cupressos,
 Nec veteres jaculamur ornos.
 Molitur intus mens quid acerbius,
 Suaque laesum stultitia Iovem
 Irritat, infandisque factis
 Ponerenon patitur furorem.
 Rarus Deorum cultor & infrequens,
 Rarissimus qui degere cogitet
 Ab insolenti temperatam
 Luxuria vitiisque vitam.
 Quin & professi (triste nefas piis)
 Sub Christiano nomina tegmine,
 Vel turpiora insaniente,
 Sacrilegoque patrant Typhoeo.
 Hinc pestis atrox, hinc mala febrium,
 Lethique mundum dura necessitas
 Invadit: hoc punit rebelles
 Fulmine, & imperio coercet.
 Accedit illis victor Arabs malis,
 Nunc Ottomanni roboris impia
 Ut contumax affinitate,
 Sic furiis superans Gigantes.
 Qui Marte vexans nos, tua viscera,
 Irae exequutor iuste Deus tuae,
 Et te simul falso tuumque
 Dedecorat Mahomete Christum.
 Quousque tandem degener irruet
 In nos potenti Sarmata dextera,
 Impune fortunas suorum
 Immerito redimens cruore?
 Ceu tigris atrox littore Caspio,
 Aut aestuosis saltribus Africae
 Lexa saevit, quam furentem
 Per medias rapit ira cades.

Quae

P R A E F A T I O.

Quæ non necatos foeta premit viros
Tellus, & omnes illaerymabiles?
Miseria quæ non gens laborum,
Imperiiq[ue] gravis ruinæ?
Quà Trôis Eösabnurus exserit
Bigas, Idumes est mera servitus,
Et cuncta terrarum subacta
Solis ad Hesperium cubile.
Civilibus dum (prò pudor & dolor)
Nos occupati seditionibus,
Quod gessimus nomen decusq[ue]
Hostibus obruitur sepultum.
Pauci reversi pulvere bellico
Gaudent minaci murmure cornuum,
Sed fulgor armorum fugaces
Terret equos equitumq[ue] vultus.
Virtus repulsæ nescia sordidæ
Elangiit: vis prisca remittitur:
Inutilem jactamus auram
Laudis & antè dati decoris.
Sectamur una mente libidines,
Vanosq[ue] fastus, & Semelëii
Pro Marte lymphatos furores
A tenero meditamur ungue.
Tandem madentes (hoc scelus additur)
Insanientis munere Liberi
Confundimus crateras inter
Prælia sanguineasq[ue] rixas.
Hinc delicato dedita luxui,
Breviq[ue] pubes mollis anhelitu
Evirat hostes, & probrosæ
Militem sequitur juventæ.
Vt sic ab ipso flore brevissimos
Ætatis annos nequiter exigit,
Cogatur aut tristem senectam
Degere, nec lacrymis carentem.

At

P R A E F A T I O .

At interim Thrax aspera cinace
 Nostris ruinas urbibus ultimas
 Impunè spondet, nè qua nostris
 Opprobriis vacet ora mundi.
 Armantur in nos æra Corinthia,
 Prius Scytharum sparsa cruoribus
 Iugisque telum subministrant
 Fraxinus Æmoniis recisa.
 Novum minatur Græcia militem:
 Classẽ minatur littus Achæicum,
 Nos ocio quæ diffuentes
 Excutiatque gravi veterno.
 Hanc fabulosa saxa Capharæi
 Suspecta Grajis, non mare Chalcidis
 Submerget, Ægæoque sparsæ
 Cyclades innumeræ profundo.
 Non Tanarus, non ipse morabitur
 Contrà ruentis ventus Iapygis.
 Aspirat hosti nam secundas
 Pro meritis Deus ultor auras.
 Sparsas Sicani gurgitis insulas
 Iam navigantes, æquor Atlanticum
 Petunt, Abilam transituri,
 Et calidæ freta parva Calpes.
 Vt Gaditanis & Baleâribus
 Prædas agentes, terga domesticus
 Miles laceffet, sive Cresso,
 Sive mari velit Adriano.
 Quid nos? an illis tendimus obvias
 Pinus? an alto brachia remigum
 Vrgemus? haud fervore tali
 Res agitur, populi que languor.
 Vixêre bellis nuper idonei,
 Et militari non sine gloria:
 Fuêre tunc vectes & arcus,
 Opposita que rates Tyrannis.

Auri

P R A E F A T I O .

Auri tenaces nunc malè cogimus
Magnos acervos, nomine pauperes:
Quò favus exstructis in altum
Divitiis potiatur hostis.
O facta muto digna silentio,
Obliviosus vos pudor obruat,
Nè manet in seros nepotes
Opprobrium venientis ævi.
Mutata quantum fama Quiritium
Fulgens Tonantis cùm Capitolium
Stetit, triumphatoque jura
Roma ferox tulit æqua mundo.
Cùm penè metas ad orbis ultimas
Solo tremendi nomine Cæsares,
Et fascibus victi rogatæ
Terga dabant ferienda genti.
Nil fascium nunc efficiunt minæ:
Nil nunc secures: occidit, occidit
Spes omnis & fortuna nostræ
Laudis, & imperii vetusti.
Quis Sole fuscas Seras, ab ultimo
Quis imminentes orbe Quiritibus
Arcebit Indos, antè nostris
Militibus dare terga suetos?
Inhospitalem quis Deus Axenum?
Quis reddet altæ regna Propontidis?
Byzantii tristes ruinas
Quis reparabit, opesque lapsas?
Equis alendis quis dabit Hippium
Argos, vetusti non memorabile
Opus Phoronæi? quæ reducent
Arma Pelethronios jugales?
Nunc ora frenis subdita barbaris
Ægrè ferentes, & sua Concanis
Vectoribus, pictisque terga
Thyssagetum phaleris premenda.

* *

PRÆFATIO.

Arces fuerunt quas satus Atrœo
 Rexit: fuerunt mœnia Cecropis
 Dissecta non leni periclo,
 Taygetesque domus Lacoenæ.
 Accessit olim navita liberè
 Tumultuantis littora Bospori,
 Syrtesque Getulas, & Afros,
 Quæque tumens rigat arva Nilus.
 Mæotin ultra, quâ Tanâis celer
 Cadmi sororem matre Promethëi
 Secernit, explorare terras
 Ausus Hyperboreo sub axe.
 Quas nunc pudendo servitio premens,
 Mîsis in altum classibus occupat,
 Incontinens multa triremi
 Mîsilibusque Getes sagittis.
 Et quis cruenti finis erit mali?
 Quis Marte Thracum protèret impias
 Turmas, ab infanda Ismaëlis
 Progenie scelus omne doctas?
 Non si resurgat Carolus imperi
 Auctor: resurgat quintus ab Austria,
 Qui victor æternos honores
 Barbaricis meruit triumphis.
 Quem vorticosi non furor æquoris,
 Non terruit trux Afer, & Æthiops,
 Iam classe formidandus, acto
 Marte suo è folio Tyranno.
 Non si resurgat, quæ generosiùs
 Vivat, juvenus, nec muliebriter
 Pavescat hostes imminentes
 Pro patria moritura laude.
 Non si resurgat quidquid erit virum,
 Et quidquid ætas antè tulit, queat
 Damno senescentis mederi
 Orbis, & imperii labantis,

Vide-

P R A E F A T I O.

Videmus Atlas quàm malè, & obrutus
Armis Niphates sustineant onus
Hostile, quàm duro laborent
Othrys Athosque jugo subacti.
Iunctos videmus Iazygibus Daäs
Parare nostris fata Quiritibus :
Extraque præscriptum Gelonos
Pannonicis equitare campis.
Omnes fatigant fulminis alitem
Cui rex Deorum Cæsareum dedit
Sceptrumque Germanumque nomen
Vertice bisgemino tueri.
His reprimendis fortiter hostibus
Opus juvantis magna Iovis manus,
Bacchusque qui sævo renatum
Supplicio cruciet Lycurgum.
Desideramus testum adamantino
Thorace Martem: Palladis ægida,
Phœbumque qui Thracem retundat
Auxiliante Sororis astu.
Desideramus cedere nescios
Heroäs acres o Is superis pares,
Qui præferant aris focusque
Militiæ mala destruendis.
Virtusque Tulli nota requiritur,
Qui dissolutos molliter ocio
Ad arma cessantes, ad arma
Concitet, excutiatque somno.
Hæc cuncta solus, summe Deus, potes,
Cui quadriformis machina conditi
Inservit orbis, conditumque
Numine qui regis unus æquo.
Sis immolata lenior hostia,
Gnatique mitis sanguine tradito:
Reatibus tu parce nostris,
Parce gravi metuendus ira.

** ij

Inju.

PRÆFATIO.

Injurioso nè pede proruant
 Parvas popelli reliquias tui,
 Qui continenter te tuamque
 Nocte dieque petunt salutem.
 Compesce tantas, magne pater, minas
 Telotrisulci fulminis alite:
 Vel fractus illabatur orbis,
 Quò reprobum feriant ruinæ.
 Districtus ensis vel super impia
 Cervice pendens, facta redarguat:
 Vel mille blasphemum cohortes
 Aligerum juvenum trucidant.
 Sicut repressus dives Achæmenes,
 Fretus Syrorum robore, non timens
 Formidulosis te tuumque
 Opprobriis onerare templum.
 Quocunquè vertat se, tua numinis
 Vindex eodem scandat & ultio,
 Quò mentis atrox inquietæ
 Carnificina premat fugacem.
 Dum Dacus asper teque tremant Scythæ,
 Gentesque fines orbis ad ultimos:
 Te corda regum barbarorum
 Purpureique colent Tyranni.
 Te vindicem, quâ Sol habitabiles
 Illustrat oras, suspicient tuæ
 Ecclesiæ, ô tutela præsens
 Imperii, dominæque gentis.
 Sed quid relicto Musa procax scopo,
 Nostro retractas nania seculo
 Ingrata? non hoc instituto
 Conveniet, levibusque cœptis,
 Ad vos revertor, quos simul ingeni,
 Heroës ambo, fœtus adit mei,
 Infantiam balbutienti
 Ore suam, velut antè, prodens.

Vi

P R A E F A T I O.

Vt si sinistro natus Apolline,
Tristi sub auras prodierit die:
Vel frigidi semotiores
Obstiterint malè Solis ignes.
Saltem sit illo fidere lætior,
Vestroque crescat numine Principes
Feliciter, seramque vestris
Auspiciis videat senectam.
Nil dente livor detrahat, omnia
Severiori jure redarguens:
Nil expavescat quas inuret
Asper Hypercriticus lituras.
Hoc magna vestri gratia nominis,
Notusque, Fratres, efficiet favor,
Virtute laudem gloriamque
Sanguinis Hæctoræi tuentes.
Nam pars cremato gentis ab Illo
Lactata Tuscis æquoribus, Phryges
Superstites, Divaque natum
Pertulit Ausonias ad vrbes.
Pars acta Ponto, regna binominis
Invasit Istri, pullaque Thracibus
Adusquè Cauchas venit oras,
Pro Phrygibus Phrysi vocati.
Tantum vetustas imminuit, loco
Vt una vero littera cesserit:
Sed nil avitæ dignitatis
Occiderit, veterisque famæ.

Epigramma

AD LECTOREM

De quatuor Belli Gigantei libris.

ACRES *Iliadum* pugnas ultróque citróque
Duris cum Danaïs horrendo Marte peractas
Siquis scire volet, bis sena volumina vatis
Dardanidum volvat: multis primordia belli
Nam diuturna refert, versutas scribit & artes
Et furias Danaum, & misera excidia Troia
Siquis at audaces pugnas montesque Gigantum
In superos non vidit adhuc, cupiatque videre,
Hosce terat libros variis gravibusque refertos
Vocibus & rebus, merito dicatur ut alter
Cum lauro viridi vates, vatumque secundus.
Eia agendum Lector, gratos decerpito flores,
Sopitos curis animos, nimitoque labore
Solari poteris: divum reverentia qua sit,
Atque scelestorum qua sint tormenta videbis.

D. P. G.

Ejusdem in Sycophantas.

ALTERIVS famam summa qui mittit ab arce,
Et rapido insontem distrahit ore virum;
Ocyus hinc fugiat vento, celerique sagitta,
Ni velit a claris exul abire choris.
Aut linguam discat frano cohibere procacem
Atque quod est nitida voce referre sciat:
Aut vituperii saltem monstretur origo,
Delator vitii verus ut esse queat.



B E L L I
G I G A N T E I
L I B E R P R I M U S.
❦

Arima virósque cano, Terra omnipotentis alumnos,
Vi magna atherias quondam rescindere sedes,
Devictúmque Jovem superis detrudere regnis
Aggressos, sæva memorem Telluris ob iram.

Tu rege conatus tantos, atque annue coeptis
Phæbe pater, primáque irarum ab origine causas
Tantarum memora, atque animis illabere nostris.
Vos quoque Piærides, sit fas mihi numine vestro
Pandere res alta vatum caligine mersas,
Quæque reposta latent superas efferre sub oras.
Et tu noster amor, parva quem Mincius urbe,
Mincius eduxit vatem, vatúmque parentem,
Adsis, ô, tandem, & tua per vestigia euntem
Desere nè, tenuíque tuas in carmine vires
Inspira, ardentes dum accingor dicere pugnæ.
Non ea vis opis ingenitæ, non indolis hujus,
Ni faveas, nostróque Mæaro te pectore verses.

In primis animæ illustres, insignia nostro
Heroum decora ævo, hoc mecum evoluite bellum,
Non auersati officij præsentis honorem.

A

Aspirate, precor, timido, cursûsque juvate
Incoeptos, pelagóque damus dum vela profundo,
Crebrescant oprata auræ, poriusque pate scat.
Tempus erit quondam, lustris labentibus, atas
Cum matura viri seros indulserit annos,
Ut graviora feram, vestrasque juvantia mentes.

Postquam res Cybeles, primique evertere gentem
Oceani visum Superis, & pulsus Ophion
Eurynoméque, Deum imperiis ad Tartara misit:
Unus erat Coeli terraque aterna potestas
Juppiter omnipotens, genus alto à sanguine prisci
Saturni, totum primus qui legibus orbem
Subdidit, & fratrem contra nova bella parantem
Misit in imperium gnatum, fascésque receptos:
Ille, triumphatis victor Titanibus, arma
Jam desueta poli pro libertate movebat,
Regnâque constituit, crudeli Marte subactis
Centibus innumeris, supra Garamantas & Indos,
Auræque evicto reparavit secula mundo.

Sola parens Tellus ira irritata Deorum
Jam pridem, & longo nec- dum exsaturata dolore,
Tristia molitur Superis infensa, Jovisque
Successu dolet, & felicibus invidet armis.
Ingeminant curæ: manet alta mente reposta
Titanum strages, tantique injuria belli.
Tympana nil buxusque juvant, Corybantiâque ara:
Idæi jûga non montis, non Dindyma cordi:
Non Curetis humus centum digesta per urbes
Delectat tales jactantem pectore curas,
Quam tamen, ut fertur, terris magis omnibus unam

Posthabito

Posthabito coluit Cybelō. hīc cymbala primū
 Inventa, & tacitis servata silentia sacris.
 Bellum animo movet, hoc fixum immotūque volutat,
 Ultorēque iterū sperat, qui dedecus armis
 Expiet illatum: qui rupe Promethea fixum
 Eripiat Scythica, volucrisque immanis ab ore:
 Assiduis tantū immortalī corde diebus
 Tundentis, quantū brevior mora nocte reponit,
 Omnis in illius caræ stat cura parentis
 Supplicio, vellētque Deos qui vertice fulcit,
 Axem humero torquens, oneri succumbere Atlas
 Miscerētque sua coelūque Erebusque ruina.
 His commota super, magnōque incensa dolore,
 Talia flammato effundit de pectore dicta.
 Heu cælum invisum, & satis contraria nostris
 Fata Jovis: num, cū primò prodiret in auras,
 Ingluviem pauisse patris, lethōque futurum
 Prævertisse nefas potuit? num deinde seniles
 Insidiæ, sceptrique timor nocuere? coactis
 Millibus an (riusque acer fortisque Hyperion
 Effecere aliquid? fauces artēsque per ipsas
 Arte viam invenit: se fraudibus ipse Promethei
 Erui, ut toto narremur fabula coelo.
 Nunc quid agam? gnatio ne semel densa priores
 Ulciscar? poterōne iterū me offerre periclis?
 Possem equidem, ast aliud vereor: nam notus Adulter
 Cum spuris tenet imperium, atque accumbere Divū
 His epulis donavit, & insuper addidit astris.
 Parrhasis hinc Arctos, materque Lycaōne creta
 Successere polo, clarōque in lumine Perseus:

A ij

Quâque novus Tyriis aperitur cornibus annus
 Oebalida gemini, & metuenda Atlantides ortu.
 Illinc ense minax vicinos territat Austros
 Orion, centumque alia atque biformia monstra.
 Quid referam imbellem sexum, atque ignobile vulgus
 Cassiopen, Danaësque nurum, atque Hyadas pluviolas,
 Totque nothos, & scorra Deorum in jura recepta,
 Omnes quæ vetitum Jovis ascendere cubile.
 Nos sperata seges vacuus eludit avenus.
 Ipse scelus patrio exutos Titanas honore
 Fulmine sub Stryga detrusit: Saturnia turpes
 Ultra toros sauis Ió exercuit oestris:
 Mæsta soror Pelopis natorum funera cernens
 Marmore dirigit: Pythonem sternere Phæbo
 Posse datum, atque inimico à sanguine sumere pœnas.
 Pellice quod tantum scelus est, sacrisque negatis?
 Quid potuit, dum jussa facit, meruisse Typhaon?
 Ast ego magna poli conjux, & prima Deorum,
 Nil possum infelix: illi Cocythum, Erebumque
 Terribilemque movent Acheronta, nefasque parentis
 Auspiciis requiesse Jouem, ni quidquid ubique est
 Sub ditione premat, de victo que imperet orbi:
 Non cælum rapuisse satis, ni & perfidus Indis,
 Hyrcanisque, Arabisque paret lacrymabile bellum.
 Nos spes vana tenet, regnumque fovemus inane.
 Tales illa suo rumpebat pectore questus
 Tristior, inque nemus Phrygium indignata refugit,
 Multa movens, nullamque dedit per membra quietem.
 Precipue magni Aimonis, fortisque Meno & I,
 Atque Anyti casum indignum, & crudelia secum

Fata

Fata gemit Crii, atque Epimethea luget ademtum:
 Quàmque cupit placida ut composti pace quiescant,
 Tam vellet, possent iterùm se evolvere ab umbris,
 Aut ipso posuisse animas in limine vitæ.
 Spes sed adhuc superest: Nam ex se labentibus annis
 Venturam, auxilio quondam omnipotentis Olympi,
 Progeniem, excidio Superis, sic volvere Parcas
 Audiêrat, sacras quæ cæli everteret arces.
 Ergo diversis per noctem exercita curis,
 Proposuit sibi manè preces descendere in omnes,
 Et pectus tentare viri, defessa relinquat
 Nè quid inexpertum, aut animos submittat amor.
 Talibus intentam, vatum monumenta priorum
 Dum legit, & quidquid Phæbo cortyna loquente
 Prodidit, insomnem Pallantias invenit Eos,
 Primus ubi summa surgebat Lucifer Ida,
 Ducebátque diem miseris mortalibus almam.

Illa rotas currûsque parat, frenis que leones
 Impedit, utque magis possit placuisse marito,
 Regalem ex humeris chlamydem suspendit, acûque
 Pictum opus induitur, funditque per ora ruborem
 Candida purpureum. Ceu fœmina Neæonis ostro
 Tingat ebur, niveo ve crocum intertexat amictu.
 His iuga montis adit Phrygii turbata, virumque
 Suppliciter petit, & vultum demissa modestum,
 Alloquitur, lacrymas verba inter singula fundens.
 Gnate torique simul consors, mea sola voluptas,
 Ad te confugio curæ casûsque levamen
 Solus enim infandos poteris lenire dolores.
 Scis certè quàm me miseram sors improba verset,

A ij

Cùm primùm infelix Lucinae experta labores:
 Quid Divùm per jura cohors, qua fraude nepotes
 Exuerint regno, & rerum sibi sumere habenas.
 Contra jù,que fidemque ausi, sceptrisque potiti
 Urit atrox factum: sedet alto pectore vulnus,
 Coeptaque concedit placidam vix ira quietem.
 Ipsa meos hausit cineres, hausit ipsa cruorem
 Gnatorum, & moestum præbere coacta sepulcrum.
 Sic thalamos celebramus, & incoeptos Hymenaeos.
 Demens, heu, placuit tibi cùm servire marito,
 Dotalisque tua terras permittere dextrae.
 Dulcius, heu, prolem, Veneris nec gaudia nôsse,
 Expertemque tori letam extraxisse juventam.
 Prisca queror: vereor quò se Saturnia vertant
 Pectora: nam dudum subolet mihi tanta potestas,
 Aut ruitura, aut altiùs erectura superbos
 Ingratosque animos. sine nulla potentia fastu.
 Quod ramentum inferni, lacus, alta ostia Ditis,
 Pallentisque Erebi manes, rùque optime conjux
 Verte malum, & propius generis res aspice lapsas.
 Nam, modò vera canunt afflatæ numine sortes,
 Præscia me veterum firmant oracula vatum,
 Atque orbis dominam prolem, rerumque potentes
 Promittunt populos, qui nos in sceptrâ reponant.
 Sustinui hac equidem spe mentem animùmque labantem:
 Effice tu nè me dubiam sententia fallat:
 Et merui: per me conjux nam vesceris aura
 Aethenâ, per me simul es gnatusque paterque,
 Tèque ipsum generas, geminato ut foedere noster
 Crescat amor, socii crescat fortuna cubilis.

Per te

Per te ergò, & nostrum nunquàm delebile numen,
 Virgineasque oro vitras, ignesque perennes,
 His, si notus amor, si quid connubia mentem
 Coepta movent instat, gremioque illabere nostro,
 Aeternumque genus, spem posteritatis, & alti
 Progeniem ultricem coeli da maxime conjux.

His lachrymis dubium prius inflammavit amore,
 Inflexitque animum: non auersatus ab alto
 Conjugis in gremium foecundis imbribus Aether
 Descendit, magnòque immixtus corpore, Vestam
 Molliter amplexus, fudit per membra soporem.
 Illa dolis gaudet, maternaque tempora complens,
 Progeniem horrendam sub luminis edidit auras,
 Omnes Terrigenas, omnes immanibus ausis
 Aggressos domito Superos excludere Olympo.
 Tristior haud illis, dum res stetit integra mundo,
 Pestis in hanc lucem Stigiis sese extulit undis.
 His Furia cedant, atque agmina saeva sororum,
 Lurida quas poenis Hecate praefecit Avernis:
 Ipse Erebi cedat custos, pelagòque creata
 Virgineae volucrum facies, & belua Lerna,
 Quos & inane Chaos tenebroso Acheronte creavit,
 Terribiles visu formas, Dirisque ministras.

Interea secura Jovis Berecynthia mater
 Leta virum partu, successu leta secundo,
 Imperium terris magnòque affectat Olympo.
 Moliri iam bella manu, iam fidere pugnae
 Audet, & egregia totidem de stirpe nepotes
 Promittit sibi, qui perfecto temporis orbe
 Supra omnes virtute Deos armisque resurgant.

Hac spe corda fovens, hac capta cupidine regni,
 Conventus venit in medios, ubi pinguis purus
 Irrigat arva Melas penitus convalle virenti.
 Protinus acciti strepitu simul undique magno
 Terrigenæ cœunt: fremit omnis murmure campus,
 Vicinûmque nemus, refluitque exterritus amnis.
 Illa capit tumulum, undè omnes longo ordine possit
 Illustres animas, magnûmque in nomen ituras
 Titanum legere, & certam spem discere vultu,
 Quæ sit cuique animo cœpti fiducia belli,
 Conticuere omnes, & facta silentia linguis:
 Indè parens Cybele tumuli super aggere totum
 Concilium circûspiciens, his vocibus infit.
 Vos, mea progenies, coeli quibus annuit arcem
 Fatorum series, & stamina fixa Sororum:
 Nunc olim quorum auspiciis iterûm aurea condens
 Secula posteritas, victis dominabitur astris:
 Quæ modo Titanes (vestras si forè per aures
 Nomen iit Titanum, & notæ injuria cædis)
 Omnia sub pedibus lata ditioe premebant.
 Non illo majus, vastoque potentius orbe
 Imperium toro Sol aspiciebat Olympo.
 Sed meminisse dolor prohibet, luctuque refugit,
 Coelestes ut opes, & lamentabile regnum
 Eruerint Superi: longa est narratio, longæ
 Ambages: ferus in sceleratos Juppiter omne
 Transtulit imperium spurios, & ad infima misit
 Tartara Titanas fratres, quos propter & ortus
 Nunc odit vestros, totâmq; ab origine gentem.
 Sed cûm fata novis promittant ducere bellum

Auspiciis,

Auspiciis, superásque domos, fataliáque astra
Imperio subdant, vos hæc in fœdera natos
Eduxi, fratrum quò continuare labores
Positis, nostrásque animi componere curas.
Imperjurata testor stagna alta paludis,
Non venti cuius jurare & fallere numen
Egregius cum prole senex, hæc regna domósque
Esse mihi proprias sedes: his author Ophion
Eurynoméque fuit, quæ regnis exsul ademptis
Arma Rheæ fugiens, patriis se immiscuit undis.
Nunc ea regna manent, & nostros sceptrâ nepotes
Æternum, & sine finè: nec illis tempora, rerum
Nec posuit metas favor omnipotentis Olympi.
Sed scelus heredem exclusit: tenet astra Tyrannus:
Dedecus hoc, mea progenies, patiere, Jovique
Nostra peregrino transcribi sceptrâ, vetustis
Tradita a vis atavisque? in regnum admittitur hæres
Externus, sibi qui rapuit vi, fraude, dolóque
Imperium, fusoque extorsit sanguine fascēs?
In casumne animæ tot fratrum morte jacebunt,
Ausæ omnes patrium per vulnera quærere cælum?
Gratia non facti, non vos hæc cura remordet?
Hoc Juno velit, & magno mercetur adulter.
Creditis ánne etiam manes sperare sepultos
Fraternas acies, & debita jura parentum?
Imperium quale, & quæ surgere regna viderem
Robore conjuncto, & fratrum comitantibus armis,
Hoc igitur volo: vos iterum fraudisque dolique
Sentiat ultores, atque experiatur in armis.
Vel, sitantus habet mentes & pectora terror,

B

*Ne quocunque prius miseram consumite letho:
 Si pereō, Superis me non periisse iuvabit
 Talia, in expletum lacrymans, effundit, & orsis
 Substitit in mediis. (uncti simul ore fremebant
 Terrigenæ, & dictis commoti erumpere in altum
 Jam dudum ardebant, gratamque exposcere pugnam.
 Omnibus idem animus Superos insurgere contra
 Securos, veteresque redintegrare labores.
 Ipsa inter medios inuicta leonibus instat,
 Sanguineam torquens aciem, tum colla caputque
 Turrigerum quassat, furis que accendit, & iras
 Exacuit, cæptique serit noua crimina belli.
 Nec satis immanes Terra irritauerat ausus,
 Adsunt Tartareis excita sedibus, atra
 Nocte sata Eumenides, grave & implacabile numen,
 Quas idem dolor iratas curæque coquebant
 Perpetua, cælum propter lucemque negatam:
 Illæ augent furiale malum, penitusque medullis
 Vipeream inspirant animam, falluntque veneno.
 Non latuere Jouem fraudes Telluris & iræ,
 Ingentesque alto voluit sub pectore curas,
 Haud fati ignarus, quo tristia bella parari
 Unius ob furias toto cognoverat orbi,
 Parcarum nec posse trium decreta revelli.
 Ergo animum in diuersa rapit, perque omnia versat,
 Sollicitus quid tanta ferant incendia belli,
 Humanumque genus mortaliaque arma tremiscit.
 Quò tamen immanes quæ causa accenderit iras
 Rectius inquirat, qua spe parer arma, nefandis
 Quid struat incæptis Tellus, cælumque laceffet:*

Mercu-

Mercurium acciri mandat, Zephyrisque vocatis,
 Ire iubet Penei primos ad fluminis ortus
 Quæque Canastræ sunt proxima littora Phlegæ.
 Ut cum prima dies lustrarit lampade mundum
 Quæ loca terrigenæ teneant, hominésne feræne
 Gentis in auxilium veniant, exploret, & omnes
 Vestiget saltus, Superisque exacta reportet.

Arcas iussa patris parat, & talaria plantis
 Aurea, quæ vectum ventis per inania portant,
 Induit, & magnis tranat clangoribus auras.
 Prosequitur surgens à tergo ventus euntem,
 Intenditque Notis celeres felicibus alas.
 Jamque per Aethiopas, pluvio de vectus ab Austro,
 Transierat Thebas, & nigri Memnonis arces,
 Cumque Parætonio calidas Mærotidos undas.
 Segnior auditur sedato murmure Nilus,
 Aërioque Casos se vertice nubibus abdir:
 Est post terga Pharos: terraque urbésque recedunt,
 Effugiuntque aciem: cælum undiquè & undiquè pontus.
 Nusquam terra patet: subito cum vespere ab atro
 Consurgens Boreas sese contrarius offert,
 Emitteritque hiemen, tempestatesque sonoras,
 Ne meminisse viæ possit, retróque coactum
 Excutiat cursu stridens Aquilone procella.
 Mercurius contrà nunc huc nunc vertitur illuc,
 Obliquatque sinus pennarum, ut tendere contrà
 Possit, & aduersas eludere flexibus auras.
 Tentatum succedit opus, longéque jacentes
 Despectat terras, liquidisque supervolat undis.
 Cyprus habet dextram, Minoia regna sinistram:

B ij

Carpathus & Rhodos in medio, geminaque Calydna.
 Pone Lebinthus adest: hinc Melos & alta Cythera:
 Inde ferax Anaphe, cretosáque rura Cimoli.
 Illic Myrtoö jacer Astipalea profundo:
 Hic domus Eurypili, Herculeo direpta furore,
 Laomedontea postquam perjuria Trojæ
 Ultus, & hospitio Coáque repulsus arena.
 Nec procul Icariis aperitur fluctibus Andros,
 Acteóque sinu tellus, ubi Juppiter olim
 Luferat AEginam falsis Asopida flammis.
 Nulla sed Arcadia succurrit gratior ora,
 Quà sibi prima puer natus cunabula legit,
 Primus & insano Dryopis succensus amore.
 Sapiùs hanc flexo post tergum respicit ore,
 Et fors omne datum traheret per talia tempus,
 Naturare viam ni magni jussa parentis
 Urgerent, monitúsque moras suspenderet omnes.
 Jamque volans apicem procul alti cernit Olympi,
 AEmoniásque nives, & celsa cacumina Pindi:
 Cum subito mugire solum, visúmque sub altis
 Montibus audiri fragor, & resonantia longè
 Murmura misceri, & toto increbrescere cælo
 Armorum sonitum: sonitum Deus auribus haurit
 Jam propior certum, & pulsa caliginis umbra,
 Ecce Typhoeos habitus, suspectáque cernit
 Arma procul: primo aspectu conterritus alas
 Sustinuit, cupiènsque oculos explere videndo,
 Miratur molem ingentem, auditúque tremendam
 Impexámque comam, & pendentes pectore crines.
 Nuper ut Hesperias gentes pèrque æquora vectas

Barba-

Barbaras hominum facies stupuere Cacicum
 Barbara gens, procul à nostro disjuncta Boöte
 Et matutino Phoebi surgentis Eoo.
 Tandem Terrigenas, dum singula lumine lustrat
 Rectius, agnoscit turmas, metuensque pericli,
 Obscuris circum nebulis atque aëre septus,
 Infert se, totamque avidus cognoscere gentem,
 Per medios graditur cuneos, neque cernitur ulli.
 Omnes, arma fremunt, omnes simul arma requirunt,
 Sollicitantque urbes bello, Martemque fatigant.
 Nec mora, correptis concurrunt undique telis,
 Argos, & Ormenios, Pagasaëque littoris ora,
 Phyllacidaeque viri, Meliboeaque rura tenentes:
 Vosque Pheræ, Cererique tuos qui Pyrrhaselucos
 Religionem sacros habitant, & moenia Boebes,
 AEqueamque Antronia, & Phthia, & Hellados urbes
 Quique Cyphon liquere, & pulcra fluenta Pharybi,
 Methonesque domos: Superis movet undique bellum
 Vulgus, & Emathia totis discurritur oris.
 Maximus Eurymedon primus de stirpe Phalacri,
 Jam senior, sed adhuc cruda viridique senecta,
 Tercentum adducit pedites, lectissima pubis
 Robora, se regem patria tellure sequuros.
 Nulle viros turrata Same, subjectaque jungunt
 Littora Dulichii: centum nemorosa Zacynthos
 Expertos belli juvenes, sudibusque praeustis
 Expedit armatos: totidem scopulosa ministrat
 Neritos: hos Taphii paribus comitantur in armis.
 Tum necdum mediis Achelöus Echinadas undis
 Fecerat: erepro nec adhuc Perimela pudore

B ij

Senserat offensas patris Hippodamantis, in altum
 Præcipitata fretum: non navita noverat ambas
 Antiquo Strophadas dictas cognomine Plotas.
 Quæ tamen intonsæ nymbose cacumina servat
 Gens Ithacæ, scopulis & duro robore nata,
 Ingenita arma parat feritate, altumque reductis
 Convellit remis, rostrisque tridentibus æquor.
 Porphyrio Alcyoneusque pari virtute sequuntur,
 Sisyphide fratres, sævi patris impia proles,
 Contemtrixque Deum. quibus omnis Achaïa promtis
 Viribus addit opem, belloque Menesthius acer,
 Virgine Cymothoë & genitore creatus Araxo:
 Quique Helicen, Buramque, & oliviferam Sicyona,
 Turrigeramque habitant Aegiram, & prima superbum
 Aegion ostentans Jovis incunabula nati.
 His se addunt comites vicinum Apesanta colentes,
 Quos Erasini altis Tellus produxit arenis:
 Quique Cleonæi Nemeæ sub rupe leonis
 Sanguine progeniti, contris sylvestribus omnes
 Uelleribusque horrendi atris, scutisque salignis.
 Ponè duo juvenes, cælo metuenda propago,
 Terrarumque timor, magna virtute sequuntur:
 Iphimedia simul quos est enixa gemellos
 Thessalicas inter forma celeberrima matres.
 Hanc genitor, primis esset cum nubilis annis
 Intactam dederat, sævòque jugarat Aloëo:
 Quam simul ac magni domitor Saturnius alti
 Vidit, & incaluit simul, & succensus amore,
 Vulnus alit venis, insano saucius igne.
 Quid non cogis amor? certum est tentare rapinam,

Aut

Aut versare dolos, aut vim simul addere fraudi,
Æstus erat, steriles cum exurit Sirius agros,
Et medium Phoebus cursu trajecerat axem.
Illa domo patria solo digressa marito,
Nympharum densa circum stipante caterva,
Flumina nota petit, positisque in litroris ora
Vestibus, & leviter primum conspersa liquore,
Nuda sinus, totam gelidis se mergit in undis.
Thesalides circumfusa per gramina pictis
Floribus insidunt: pars candida lilia carpunt,
Sertaque contextunt: veteres pars cantat amores:
Pars choreas plaudunt, plausum nemora alta remittunt,
Non latuit res nota Deum, nulloque tumultu
Accelerat furtim, faciemque indutus Enipei,
Multa malus simulans, densa latet abditus ulva:
Nox se nube cava & tenebroso involvit amictu,
Riparumque toros nebula circundedit atra,
Cernere ne quis eam, nec se quis prodere possit.
Nuda sed insidiis, caecaque exterrita nocte,
Horruit ingenti subito Iphimedia timore,
Atque diu luctans, ulvaque morata sequaci,
Vimina dum genua impediunt, gressusque retardant,
Non potuit fixas alga conuellere plantas.
Tum terrore tremens, famulas simul invocat omnes,
Auxiliumque rogat: meus est ubi, clamat, Aloëus?
Vim patior. Deus at contra: non vim sed amantem
Nympha feres: ne te Neptuni amplexibus amens
Subtrahere: parce fugæ. precibusque inflectere nostris.
Talia commemorans, celeri volat ocyor Euro,
Nec essat, donec se victa volensque remisit,

Infusumque sinu pulso complexa pudore.
 Utque magis tegeret temerari jura cubilis,
 Patris Aloïdas natos de nomine dixit,
 Omnia Orioni similes insignibus armis,
 Et fortes animos, & membra decora juvenæ,
 Cùm nondùm primis decimum natalibus annum
 Addiderant, Craji veluti meminere Poetæ.
 His sese adiungit genitor, sed falsus, Aloëus,
 Solis & Antiopes divino semine cretus:
 Boeotásque acies, totámque in bella coactam
 Ocaleam rapit, & longam Mycalesson & Hylem,
 Thespiæque viros, priscámque Eleöna colentes,
 Cùmque Coroneis fortes adducit Erythras.
 Venit & Alcathei auxilio pulcerrima proles
 Delius Oromedon, Vestæ qui jussa sequutus,
 Liquerat Ortygiæ portus, terrásque propinquas:
 Primus & Euboicum permensus clasibus æquor
 Per mare Penejas primùm est advectus ad oras.
 Olli mille viri, numerosáque turba clientum,
 Grandævúsque Thoon, clarúsque inservit Apathor:
 Quíque Paron niveam, Carthæáque moenia Cea,
 Oliarónque colunt, vicináque littora Cynthi,
 Et Claron, & Naxón, Cyaronque, Seriphon, & Ión.
 Subsequitur Cretæa manus, validæque cohortes,
 Idæi quas rure patres, turritáque Phestus
 Misit, & egregiis celebris Marathusa colonis:
 Omnibus ex humeris splendentes ære sagittæ,
 Lerhiferique arcus pendent, Gortyniáque arma,
 Maximus his præerat Saturni nominis hostis,
 Junctus Aloïdis cognata stirpe Milinus.

Nam

Nam commune genus se sanguine scindit ab uno:
 Neptunus genuit Megaphatum, illòque Milinum,
 Mista viro aëria Dictæi in rupe Cadisci,
 Edidit Alciroë prope flumina Cerathea.
 Ausus & infidum remis impellere marmor
 Besbicus, armatas deducit in æquora classes,
 Besbicus ingenio qui se jam fata putabat
 Subjecisse suo, & non exorabile lethum,
 Dum studet eventus dubio prædiscere cælo,
 Assidueque astrorum obitus speculatur & ortus.
 Ille vehit secum genus insuperabile bello,
 Terrigenasque viros, quos tota Propontidis ora,
 Totaque Threici miserunt littora tractus,
 Usque sub infames Helles Athamantidos undas,
 Sestos ubi contrà posito respondet Abydo.
 Sed frustra tacito labentia sidera cælo,
 Astraque servarat nil se vi conscia fati:
 Non patiens operum, bellisque assueta Juventus
 Eripuere ducem instantis discrimine mortis.
 Nam subito rigidum furiatæ Palladis ira
 In lapidem versus, medio jacet insula ponto,
 Nomina prima tenens, circumque feritur ab undis.
 Eminent ante omnes immani mole Typhoëus,
 Construm horrendum, ingens, centum cûi corpore ventres
 Et numero totidem cælo capita ardua surgunt,
 Omnia vi flammæ, linguisque armata trisulcis,
 Ne sonet humano vox formidabilis ore,
 Sibilet at graviter circum spirantibus hydris.
 Atra fluit mento illuvies, hirsutæque barba,
 Impexisque cadunt nati de crinibus angues.

C

Terga rigent squamis, centenâque brachia jaçtat:
 Alta velut quercus, vel conifera cyparißi.
 Ingentes cælo ramos & brachia pandunt.
 Dextra coloratis longè manus imminet Indis,
 Pallenres Oriens quâ primùm discutit umbras:
 Læva sed Oceâni fines pertingit Iberos,
 Fessus ubi rubro Titan lavit æquore currum.
 Pube tenus nulla humane vestigia formæ,
 Turpiter at ventres, & corporis horrida moles
 Desinit in caudam longam serpentis, & atram
 Uerit humum, spirisque ingentibus implicat orbes.
 Singula Mercurius memori sub pectore condit,
 Longiùs & metuens inimica ingente morari,
 Ad cælum paribus rursum se sustulit alis,
 Visa patri referens: nullis tamen ille movetur
 Terrigenum Terraque minis, Superumque vocari
 Concilium cælo juber: Arcas jussa capeßit.

Tectum augustum, ingens, cæli in regione serena,
 Sidera Phœbeasque vias supra emicat, omni
 Parte auro radians, centumque immane columnis.
 Imminet hic intus Solido ex elephante Tonantis
 Regia, quam pulcra illustrant testudine postes
 Aurataque trabes, veterum decora alta Deorum,
 Omnia regifico luxu: quæ subter utrinquè
 Area lata patet, variisque instrata tapetis
 Effulget, radiosque vomit laquearibus aureis.
 Deviçti hinc currus, foribusque affixa superbis
 Scuta virum pendent, pugnati insignia belli.
 Illinc exuviae hostiles, spolia incluta, & arma
 Parjetibus radiant pictis, quibus æreus Acmon

Suetus

Suetus erat cælum contra pugnare, senemque
 Dejectum patriis Saturnum cogere regnis.
 Circum crebra vacant, atque atria longa pateſcunt
 Conſeſſu in caveæ, centumque ſedilia fulcris
 Nixa ſuis, totidem dependent fornice lychni.
 Maxima ſed pictus eſt gratia rebus, & omne
 Fulget imaginibus non enarrabile rectum.

Illic Titanum veteres ex ordine pugnæ
 Fecerat Ignipotens, magnum & memorabile bellum,
 Rēsque Jovis geſtas, Saturnigenumque triumphos.
 Ipſe ſenex curvam ſervans ſub imagine ſalcem
 Primus erat, cedro antiqua cælatus & auro.
 Emathii juxta ſaltus, quos inter amore
 Captus, equo Phyliram premit, exceptusque doloſæ
 Conjugis inſidiis, hinnitu Pelion implet.
 Hunc poſt progeniem egregiam, factis que celebres
 Lemnius extruderat fratres, Plutona, Jovemque,
 Neptunumque maris dominum, pelagóque potentem.
 Omnibus ad vivum expreſſi vultusque, colorque:
 Ille tenebroſam cinctus caligine frontem,
 Obscuras ſine ſole domos, regna invia vivis,
 Imperio premit, atque animarum crimina diſcit.
 A Equore Neptunus fluit: udam ventilat aura
 Canitiem, glaucusque humeris dependet amiſtus.
 At pater omnipotens mediis eſſulget in aſtris,
 Sceptra manu flammæque tenens, ſclerumque coerces
 Fulminibus furias, rectumque tuetur & æquum.
 Hinc triplices Triviæ vultus, inque Ocea ſævit
 Ira Dea, & dentes Calydonius ex acuit ſus.
 Illinc bis geniti ſunt incunabula Bacchi,

Virtutésque Dei, atque armis ingentia facta:
 Ipse capistratis sedet altus tigribus, omnes
 Quem circum Auroræ populi, virésque Orientis
 Devictæ assurgunt: prius indignatus Hydaspes
 Mollior it, Gangésque Deo se subdit & Indus.
 Quin etiam Tyrrhena ratis, mirabile visu,
 Explicat antennas & circum carbasas vites,
 Humana non arte satas, hederásque comantes,
 Attonitinaute rerum novitate, recurvis
 Puppibus exsiliunt, hærentque labantibus omnes
 Assimiles, fictique natant Delphines in orbem.
 Inde Dryantiades sæva cum falce Lycurgus
 Cernitur, & cælo Alcithoën se credere aperto,
 Nulla licet toto sit corpore penna, nec ales,
 Nec fera sit: miro tamen it per inane volatu.
 Parte alia occurrit Divæ Junonis alumnus,
 Grandibus effulgens squamisque oculis que Typhæon:
 Hunc domat, & flava multa vi extendit arena
 Dejectum Arcitenens: sanie olli immania frustra
 Colla tument, vastósque expandunt guttura rictus.
 Additur his etiam, ut cælestum exutus honore
 Paverit Admeti per devia rura juvencos,
 Præ reliquis unum poteras cognoscere Phæbum,
 Aurea cæsaries olli, lauróque corona
 Nexa comas, cytharámque movet non segnis eburnam.
 Ad numerum saliunt Nymphæ, risúque soluto
 Versibus in comitis ludunt, & carmina dicunt.
 Ipse aures, multa velatus arundine crines,
 Arrigit Amphrysus, Faunos juveniliter inter
 Lascivire senex cupiens, Dryadúmque choreas.

Inde

Inde omnes Superi, & Cælestum turba minorum.
 Dique Deæque omnes fulgent longo ordine: solus
 Partem opere in tanto Mars non habet: illius arma
 Virtutisque silent, pœnâsque expendit adulter.

Hæc omnes coeunt ad limina, quotquot ubique
 Terrarum imperium exercent, & jura subactis
 Gentibus aqua ferunt: aderant ter dena Deorum
 Millia, tercentumque Joves, quibus omnibus aræ,
 Omnibus immensum delubra erecta per orbem,
 Visceribusque hominum, casâque bidente litatum.
 Hic quos tardus Arar coluit, Renusque bicornis,
 Extremique hominum Morini, rigidi que Borusi:
 Hic quos Gangarida, quos Nilus, & altus Orontes,
 Quos Nomadum genus, incinctique caloribus Afri,
 Totaque thuriferis Panchaia misit arenis.
 Quam varii linguis, habitu tam dispare Divi.
 Non Dufarus Arabs, non Eleus Myiagros,
 Sigalionque Aegyptius, & latrator Anubis.
 Jussa Jovis, Grajo nec cum Bove vacca recusant.
 Threicius non Uelsurus, Phœnixque Thaauntus.
 Et Cilicum Cabrus reddens oracula terris:
 A quo Asia populi, & Tauro vicina Phaselis
 In dubiis responsa petunt certissima rebus.
 Nulla tamen pecudum fumant altaria fibris,
 Tergoribusque boum, aut casis de more juvencis:
 Non sacra Meonii libant carchesia Bacchi,
 Panchæisve inopes adolescunt ignibus aræ.
 Pocula dant fontes liquidi, atque exercita cursu
 Flumina, & è scatebris electo purior amnis:
 Sunt sale conditi pisces donaria tanto

C ij

Digna Deo, nullaque superstitione litatur.
 Porrum & Cape aberant radiis nam Sole Leonis
 Signa premente suis, immensa licentia Nili
 Obruerat Pharios effuso flumine campos,
 Ne parere Jovi possent caput imbre gravati.

Ergo quotquot erant, iussu patris, accipit amplis
 Porticibus, stratisque juber discumbere Phæbus
 Aulæis: quos non cæpère fedilia, certo
 Constituit pro sorte loco genitoris & ortus.

Juppiter ipse sedet media inter numina Divûm,
 Subnixus solio aurato, quo sidera, & altum
 Velivolum, quo facta hominum, terrâsque jacentes
 Despicit, & nutu subjectum temperat orbem.
 Illum suspiciunt, illum admirantur, & ore
 Attonitisque inhiant animis, quæ causa serenos
 Mutavit vultus, tantas quæ accenderit iras.
 Udidit ut intentos, arrectisque auribus omnes,
 Ter sceptrum quatens, Divûm agmina circumspexit,
 Terque movens illustre caput, sic farier orsus.

Di cæli indigetes, variisque exercita fatis
 Numina, quos eadem exitio fortuna reservat,
 Nè quando regno, aut optata luce fruamur.
 Nunc iterum veterem nova res oblata timorem
 Auger, & obductum verbis vulgare dolorem
 Cogit: at auditum cunctis rumore, nec ulli
 Obscurum, notumque furens quid fœmina quærat,
 Quæ mare nunc terrâsque metu cælumque fatigans,
 Sævit inexpletum, & vi spes affectat easdem,
 Quas tunc, cum cælo immisit Titanas aperro.
 Insanam: quid si non sceptrâ aliena polumque

Speraret

Speraret veritum, & Titania regna manerent:
Regnane commoto peterentur debita bello?
Non armis iter ad cœlum at ratione paratur.
Scilicet hic labor est, ea cura recursat, ut orbem
Æternum regat, & nostro succedat honori
Progenies nova, nec prius ulli Deorum:
Exitum in cœli, quam nuper cautibus atris
Edidit, haud nostri generis, neque sanguinis huius.
Vos rerum testes: quid in hanc committere tantum,
Quid potui, nullum ut capiat discordia finem.
Non equidem solos tangit dolor ille Gigantes,
Non solos ea cura domat: conjungit & illis
Se mortalis homo, quem nostræ stirpis & ortus
Extudimus Dis a similem, cui in sedimus ignem
Simplicis auræ, mentemque æquavimus astris
Effusus labor omnis, & irrita cœpra, nec usquam
Religionis amor cœli hoc spirabile lumen
Cernitis extinctum, divini que ætheris haustus:
Terrenamque animis viventium inolescere labem.
Cœlicolum despectus honos: temeraria rident
Murmura, & haud quidquam, cum terras fulmine quasso,
Neque meamque manum horrescunt, aut nubibus ignes
Terrificos: metam impietas excessit, & ultra
Quò procedat habet scelerum vix cæca cupido.
Nunc liquidi iactura ignis, furtumque Promethei:
Nunc patris impietas nostras exercuit iras.
Et quis finis erit, quando mecum aspera Tellus
Cœlestes rerum dominos, gentesque forebit?
Numquamne æterno firmabit fœdere pacem?
Non illi imperium cœli terraque jacentis,

*Sed mihi sorte datum: tamen hanc, ne sorte careret,
 Munere concessi, aeterno devinctus amore
 Hic regat, hic dulci aspirans hyacinthus in umbra
 Accipiat gremio, hic genialis amaracus illam
 Floribus invitet: nostra sibi temperet aula.
 Nec metus est, vestrum modo sit mihi certa voluntas,
 Quum nunc qui coeunt in me, excidiumque meorum,
 Supplicia expendant: posthac nè Marte quietos
 Sollicitent, belloque viam super aethera sternant.
 Sic pater omnipotens, intentis omnibus, unus
 Fata retexebat caeli, verbisque quievit.*

*At mentes Superum subito paucior occupat omnes,
 Scindunturque metu studia in contraria Divi.
 Pars hostem adversus stricto decernere ferro,
 Pars terrore fugam suadent, ultroque ruendum
 Cœruleum in gremium, latebrosa que flumina Nili:
 Hocque volunt esse in fatis: alij ora tenentes
 Fixa solo reticent: alij diversa tumultu
 Murmura clamoresque per atria longa volutant
 Non tulit has turbas, dextraque silentia jussit
 Vertice nata Jovis, cunctisque tacentibus infir,
 Non sic aeterni stirps immortalis Olympi:
 Nè trepidare animis, tantasque excludite curas:
 Ardua sunt equidem patrio quæ incumbere cœlo
 Cernimus: abjectis tamen haud diffidite rebus:
 Consilia in melius, fratres, referenda, nec hostis
 Auditus fugiendus, at experiendus in armis.
 Imminet haud cœlo, nec adhuc unius ob iram
 Prodimur, aut semel obsessis excludimur astris
 Tu prohibere minas, talesque avertere casus*

Magne

Magne potes genitor: tibi fortunâsque animosque
Subjicimus, rursûmque tuis nos sistimus omnes
Imperiis, tua jussa olim, tuâque arma sequuti.
Erue, si qua manent, sceleris vestigia tanti
Et preme mortales patriis virtutibus, altum
Qui spirant, Superûmque sibi promittere sedes
Non dubitant: solve à tanta formidine cælum.
Si non magna satis fuerint tua numina, felix
At tu prole virûm, auspiciis quorum omnia vinctes.
Est tibi diuinæ stirpis Tirynihus heros,
Hunc cape bellorum socium, & conjunge volentem:
Ille, ille est, tibi quem promitti sæpius audis:
Illum fata virum poscunt, illum augur Apollo,
Auctoremque Themis cecinit longæva salutis:
Hujus in adventum nunc horrent cœlifer Atlas,
Et radiis Calpes juga subdita vespertinis:
Ille Giganteis spoliis incendet onustus
Sublimis, factis que viam affectabit Olympo.
Sunt alia illustres animæ, patrii que nepotes,
Ætherius quibus est vigor, & cœlestis origo.
Primus equûm domitor, rapidoque insistere curru
Ausus Erichthonius: cû par Asclepius, illo
Patre satus, longum cœlo qui dirigit annum.
His duce Lenæo de victo Oriente profecto
Silenos conjunge, armis genus acre virorum.
Hi mediis palmam revehent ex hostibus: iras
Hi sistunt, pacemque dabunt, certamque quietem.
Omnia quæ Clarias memini prædicere lauros,
Sidereosque ignes cœli, linguasque volantum.
Hæc ubi dicta dedit, rupere silentia cuncti

D

*Cœlicolæ prius attoniti, mentemque resumunt.
 Non aliter moriens, densa aut obducta favilla
 Flamma latens, iterum cinerem exercentibus auris
 Emicat, & sensim clarum effervesce in ignem,
 Dum tandem magno erumpat flamma aucta sonore.*

*Sensu ut expulsum terrorem, animis que receptis
 Fidere jam pugna, atque audere in prælia vidit:
 Ipse pater belli ætheria signum extulit arce,
 Adjecitque animis stimulos, & ad arma vocavit:
 Ardet inexcitum cœlum antè, ducemque requirit,
 Et neglecta prius proprio rapit arma furore:
 Cedit amor pacis, belli subeunte tumultu:
 Pars gladios clypeosque novant: thoracas ahenos
 Parjetibus pars diripiunt, arcusque retractant.
 Ante omnes Jove nata, colis fusi que relictis,
 Cœlatam argento galeam cava tempora circum
 Induitur, pictis quam crista amplexitur alis:
 Loricamque ingentem humeris circumdat, & hamos
 Aere graves, interque manus & brachia versat
 Aegida terribilem visu, crinesque Medusæ
 Explicat anguineos, eademque hastilia crispas,
 Quis horrendum Anytum, sævumque Menoetion olim,
 Titanasque alios magna virtute repressit.
 Ponè subit, primæ vestitus flore juventæ.
 Arcitenens, gradiensque Deos supereminet omnes,
 Pictus acu chlamydem egregiam: tela aurea & arcus,
 Aurataque sonant pharetra, nodoque coactos
 Aurea flavescentes subnectit fibula crines.
 Huic jaculis paribusque Soror se sistit in armis,
 Non pensis calathisque assuectæ, sed arma virago*

Docta

Docta pati, lustrisque feras prosternere opacis.
 Germana insequitur juxta virtute Tuiston,
 Arduus, armipotens, divini signa decoris
 Grandibus ostentans oculis: quis spiritus olli?
 Pectore quàm forti juvenis, quantum instar in ipso est?
 Gradivo aësimilis Narrigaleamque jubasque,
 Et magnos membrorum artus: sed cetera Tuiston,
 Teutonicumque manu binas insigne catejas
 Casaque bina gerens, totaque ex ilice sectas
 Ingentes frameas, & acuta cuspidis hastas.
 Circum humeros operit pellis direpta juvenco,
 Quam lorica bilix auro conferta tegebat
 Desuper, extremas argento discolor oras:
 Ostro intexta chlamys rutilat: per lactea colla
 Cervicemque comæ, myrrhæque crocòque madentes
 Luxuriant, crispòsque movet levis aura capillos.
 Talis ab Oceano, Veneris justissima cura
 Exerit os sacrum cælo, flammæque comantes
 Lucifer astrorumque alios super emicat ignes.

Inter at arma Dei longè admirabile textum
 Effulget clypei, & radios vomit aureus umbo
 Hic res Teutonicas, Germanorumque triumphos
 Mulciber extuderat, primaque ab origine gentes,
 Fluminæque, montesque, & longo littora tractu.
 Omnia nam vates, quid lapsò effluxerit ævo
 Novit, & in serum quæ mox ventura trahantur.

Prima tenent Divum effigies, & in ordine primus
 Egregius forma puer, atque insignibus armis
 Eminent, & numerum Divorum altaribus auget,
 Ore patrem referens & forti pectore Mannus,

D ij

Tyndarides juxta pulcro cum Castore Pollux
 Imparibus fulgent armis, habitantque sacratos
 Religione patrum & prisca formidine lucos.
 Nec procul hinc Trivia nigra nemus undique densum
 Fronde viret, donis opulentum & numine Divæ:
 Sacra Charitinae matres nymphaeque frequentant,
 Undelicaeque nurus flavos regit insula crines,
 Carbaseique sinus, & leni bractea ventro
 Increpitat, peplumque pedes descendit ad imos.
 Surgit & augustum niveo de marmore templum
 Turrigeræ Cybeles, miro quod honore colentes
 Arcanis servant aeterna silentia sacris:
 Ipsa fugit visus geminis invec̃ta juvencis,
 Quæ lentacervice trahunt stridentia plaustra.
 Ponè sacris populus sævi crudelibus Hesi
 Gaudet, & humano tinguntur sanguine cultri,
 Fœdæque mactatis ardent altaria fbris:
 Ipsa domus crudis dapibus fusôque cruore
 Sparsa natat, sanieque atra infuscatur arena.
 Nec non Teutates populis immanior ipsis,
 Objectos avidis discerpit dentibus artus:
 Nec vel amicorum, aut fraterna sorte videres
 Mœrentes, ea visa salus morientibus una,
 Cœlestum ingluviem proprio pavisse cruore.
 Inde cadit viridem Bacchi sacer hircus ad aram,
 Consita quò largo pubescat vinea fœtu:
 Omnes, pampinea devincti tempora fronde,
 Evocæ Bacche fremunt, magnòque strepente tumultu
 Exululant Nemeres, demissaque ab Jove gentes
 Francones Hectorei, flammis erepta propago

Iliacis,

Iliacis, quam per multos fortuna labores
 Jactatam, tandem voluit consistere terris
 Teutonicis, latâque urbes ditioe tenere.
 Parte alia magnum subito consurgere bellum
 Cernere erat Cauchis populis, residésque movebat
 Cimber in arma viros, omnes ingentibus ausis
 Romulidas contra dominos, gentémque rogatam.
 It nigrum campis agmen, peditésque Chamaui
 Gambriuique strepunt, vitaque acrésque Cobandi,
 Cheruscique, Charudésque, Senonésque Suëvi,
 Atque Pharodeni, & longis materibus Ambron.
 Heu quas in terras, quas hic exercitus oras
 Appulerit, quantas acies stragémque ciebit,
 Marte quot occisis viduabit civibus urbes:
 Hinc illinc fora turbari, sævâsque videres
 Collucere faces, & fervere mœnia flammis:
 Syllani primùm occurrit morientis imago
 Lurida, cæde madens, proprioque voluta cruore:
 Occubat AEmilius juxtâ: dat Consul & amens
 Capio terga fugæ: tum corpora luce carentùm,
 Et spolia, & currus pleno vehit Isara fundo.
 Illinc multa meru cunctantem, & multa parantem
 Inclusum vallo Marium, fossâque coronant,
 Irritantque hostem variis clamoribus: olli
 Mens immota manet, voces jactantur inanes:
 Alpinas pars magna nives transcendit, & oris
 Ante exspectatum Ausoniis sua classica cantat.
 Non Catulus, rupésque cavæ, non sæva retardant
 Frigora: vi superant montes, & flumina tranant.
 Heu miseranda manus, si quâ fata aspera rumpas

D ij

Néve Padi ripis, Athesim neu propter amœnum
Languida delitiis, prisca quid laude remittas.

Ultror adest juxtà magno demissus Iulo
Cæsar, & excidium minitans, victis que Suënis
Supplicium, vanis animos terroribus auget.
Ipse indignanti similis. fremit horridus ore
Canitiemque secat Renus, quod ponte parato
Agmina conjunctas transmittant Itala ripas.

Nec procul horrentes aduerso Marte Latinos
Aspiceres, campósque ingentibus ossibus albos,
Fonte suas primo quâ Lupia proluit undas.
Ipse neces inter medias, jam morte futura
Pallidus, ingenti que cruentus vulnere, stricto
Dedecus ob tantum Varus sese induit ense.
Ductor at Harminius fugienti immistus Hetrusco,
Inter & aggestos confusæ stragis acervos,
Vertitur arma tenens, victoque ex hoste triumphat.
Tota viri facies diuinum spirat honorem,
Ceruleæque oculorum orbes, intonsæque mento
Barba prius crescens, & nudo vertice fulvi
Collecti crines in nodum more jubarum.

Parte alia septemgeminam rerumque potentem
Lemnius addiderat, prope ripas Tybridis, urbem:
In medio strepitum admirans, molémque theatri
Marmoream, princeps Phrysius, dum singula lustrat,
Aspicit externos peregrina veste Quiritum
Affixos lateri, procerumque in sede receptos:
Fœdera quòd nunquam contrariaque arma sequuti,
Sæpè sui memorem Romam fecêre merendo.
Æmulus hoc cernens, nè tanto cedat honori,

Exardet:

Exardet: mentem dolor, & benè conscia virtus
 Incitat, & magna testatur voce per omnem
 Confessum. Solos immenso Teutonas orbe
 Supra homines, supra ire Deos armisque fidéque.

Indè senex Lanus per lævia saxa volutus
 Murmurat exundans, fontisque Aganippidos undæ,
 Ab nobisque virent saltus, ubi rustica pubes
 Roboribus findens vallos, furcasque bicornes,
 Linthea continuis circumdat carbasa sylvis:
 Atque volutabris pulsos sylvestribus apros
 Cogit in amenta, aut caesorum horrentia centum
 Corpora cervorum magno clamore reportat.

Atque hîc Hermiones refluente ad Albidos undas
 Alta perunt Angli, rostrisque tridentibus instant,
 Auxilium extremo divisim orbe Britannis
 Spondentes, gentemque antiqua in pace tuendam.
 Ollis mille manus juvenum clamore secundo
 Përque foros & transtra ruunt, laxantque rudentes,
 Et flexis lento luctantur marmore tonsis.
 Ipse senex alta residens in puppe magister,
 Sidera nocturno circumspicit aurea cælo,
 Quid ferat Orion, quid clara Lycaonis Arctos,
 Quod designet iter Boreæ versarilis index,
 At procul è speculis capit admiratio gentes,
 Cùmque pharetratis trepidi per littora Scottis
 Discurrunt Picti, creduntque innare fluentes
 Orcadas, insanisque revulsas Hebridæ undis.

Horrendum juxta specus, & nigri ostia Ditis
 Apparent, flammisque exæstuat atra Mæphitis:
 Hinc exaudiri gemitus, suspiria crebra.

Vinclarecūsantūm, & conatibus æquaferentūm.
 Quisque suum execrantur opus, veterūque rudentes
 Supplicia expendunt scelerum serpentibus atris.
 Ipse Charon servat, penetrali in sede receptus,
 Vestibulum, ultricēsque sedent in limine Diræ,
 Nullus & ad Superos reprobis datur exitus umbris.

Inde sinu maris in medio, summisque sub astra
 Eductam tectis statuunt, & mœnibus urbem
 Concludunt: aliqui tuta statione capaces
 Classibus effodiunt portus: pars ædibus aureis
 Fundamenta locant: opere omnis semita fervet,
 Quadrifidæque trabes, & acuto robore vallos
 Arjetibus subigunt, penitusque infigitur arbor
 Fluctibus, ut muris recto via limire quadret.
 Mitterates circum, spumas salis ære secantes,
 Diversis veniunt externi finibus orbis.
 Hæc ebur, & cannæ miracula dulcis ab Indis,
 Illa coloratis fert thurea dona Sabæis.
 Lenibus hanc Euris, illam sed Iapyge ferri
 Conspiceres, laxisque velut contendere velis,
 Quæ levitate prior: toto natat uncta carina
 Amisio, mediæque minans illabitur urbi,
 Exhaustosque prius centena remige portus,
 Et loca desertis iterum navalibus explet.
 Omnes in speculis cives, in mœnibus omnis
 Plebs ovat, atque animum prospectu pascit inani.
 Ponè, sub Oceani fines Solèmque cadentem,
 Herculeæ surgunt, visu res digna, columna.
 Parvus & antiqui perlabitur arva Phileni
 Laurus, ubi Franci, Troja gens missa, coloni

Fortia

Fortia gramineis exercent membra palastris:
 Hic bellator equus, densa farragine pinguis,
 Ingreditur, setis que pedum tenuis obsitus horret.
 Illic mille greges armenta que candida pascunt,
 Et cibus in tenera pecori gratissimus herba.
 Talia per clypeum divina Mulciber arte,
 Multa que prater ætæ seculi monumenta prioris,
 Calarat, totumque opus insigni verat auro.

Pars Divum exercentur equis: pars pulvere currus
 Quadrijugos domitant, & flexos cursibus orbes
 Impediunt, superantque vias: strepit æreus axis,
 Erigiturque fuga commota nimbis arena,
 Præ reliquis cælo Mavors in vectus aperto,
 Pulverulentus agit currus, clypeumque coruscat
 Sole sub adverso, quem taurorum undique septem
 Terga dabant circum splendenti insuta metallo.
 In numerum exciti strepitu Dimosque Phobosque
 Erecta cervice fremunt, glomerantque superbos
 Arte pedes, oculisque ignes & naribus efflant,
 Sequæ animis referunt Neptuni ab origine gentem.
 Quatuor huic in vectus equis se jungit, & armis
 Promptus Erichthonius: quem juxta animosior urget
 Cyllaron Oebalides: sparsa que insultrat arena.
 Castore nec minor Orion, huic aurea cassis
 Tempus utrumque tegit: scapulis nitor aureus ardet:
 Auratum thoracis opus: sunt aurea bullis
 Cingula distinctis, nitidoque argenteus ensis
 Effulget lateri, & radiis micat ocrea fulvis.
 Insequitur clamantum horror, subitoque tumultu
 Exardet cælum, atque irarum fluctuat æstu,

E

Juppiter at Maja genitum sub tecta vocatum
 Mittit ad Alcidengnatum, quorobore nusquam
 Major erat, nemo egregius illustrior armis.
 Ille parabat iter, jam certus abire: sed auras
 Vix pater ingressum revocat, neglectaque primis
 Adjiciens, ait: Hunc etiam mihi gnate laborem
 Quam primum expedias, gens dura atque aspera cultu
 Alpheos habitat fontes, quam Liber ab Indis
 Duxit, & Arcadicis voluit consistere terris:
 Silenos dixere ducis de nomine: nostro
 His quoque subsidio tota cum gente suorum
 Arma jube capiant, veniantque in fœdera cœli,
 Dixerat. Interpres Divûm mandata capeſſit
 Ocyûs, & cœlo instructus se librat ab alto
 Instar avis, levibus quæ transvolat æthera pennis:
 Mynychiôſque super colles, Actæaque Divæ
 Littora belligeræ properans, ad mœnia venit
 Acrifioneis Danaëſ fundata colonis.
 Hic ante ora Deûm cumulantem altaria donis
 Magnanimum Alciden, sævæque injusta Novercæ
 Jussa exspectantem reperit, dictoque paratum.
 Continuò alloquitur, verbisque affatur amicis.
 Maxime Semideûm Alcida, Junonis ob iram
 Rege sub Eurysthêo duos perpeſſe labores,
 Gens inimica Jovi, nuper Tellure creata,
 Immeritos premit, & cœlum circumsonat armis,
 Affectâtque iterum revocare ad lumina vitæ
 Fulmine dejectos quondam Titanas ad Orcum.
 Ergò tuus tibi me genitor demittit Olympo,
 Dis ut in auxilium, fatus poscentibus, adsis,

Terrige-

Terrigenumque minis Superos tuëaris & astra.
Sic ait, atque iterum celeri per devia lapsu
Evadit, mediòque hominem sermone relinquit.

Horruit Alcides monitis, secumque parentis
Jussa timens, animo bellum crudele revolvit:
Nec mora, terribilem nodis & robore cocto
Clavam versat agens, & circum pelle leonis
Grandibus impexa setis inducitur artus,
Promeritumque petit per mille pericula cælum.

Nunnius at positis paulum Caducifer alis,
Inter odoratas viridi sub tegmine lauros
Substitit, Eurotæ quæ per sata volvitur amnis.
Hinc cæptum decurrit iter, stellisque priores
Silenos petit: hæc sylvis habitabat opacis,
Gens antiqua, potens armis, & munere glandis.
Inscia nam ferro terram proscindere, nunquam
Exercebat humum, flavisque instabat aristis:
Rastrorum non usus erat: grave robur aratri
Ignorum, cum sponte sua daret omnia tellus,
Arboreos fœtus, Alpheæque pocula, nondum
Viribus inventis, dulcèsque sub ilice mensas.
Ut primum patriam vectus devenit Enispen,
Parrhasiæque domos, dispersa mapalia juxta
Pastorale canit signum, & conclamat agrestes
Relligione sacram sub quercum, annosa per auras
Brachia fundentem placidum Eadonis ad amnem.
Protinus accelerant cunctis è sinibus omnes
Certatim exciti socii, Divumque per auras
Arcada suspiciunt portantem jussa, statimque
Undiquè in auxilium coeunt, & fœdera jungunt,

E ij

Finitimáque in bella trahunt rumoribus urbes.

*Interea Juno omnipotens Thaumantida cælo
Tethyos ad sedes mittit, Nympháque sorores,
Quæque omnes latè liquidos sylváque frequentant:
Ut quæ toto instent pandat discrimina mundo.
Illa parat mandata, volans per nubila, molles
Picta sinus, variisque ornata coloribus alas,
Et super immensum leviter suspensa profundum,
Humida regna quatit. Subitò Océanirides omnes
Excitæ thalamis vitreisque sedilibus adsunt,
Ambrosiæ liquidas spirantes crinibus auras.
Prima locum Tethys capit, & Neptunia conjux,
Æmoniique tori consors, quam litore circum
Nereides funduntur, & udis Naiades ulnis:
Notæque cæruleo quotquot sunt numina ponto.
Addunt se comites Dryades, cultæque Napææ,
Limniadumque cohors, & Hamadryas arbore custos
Vix avulsa sua: niveis pellucida Nymphis
Æquora resplendent, undisque resultat imago.
Ipsi cum Faunis Satyri montesque calescunt,
Atque imo turpes ardent sub gurgite Phocæ,
Dumque vident, rapuisse optant, raptisque potiri.
Postquàm facta quies strepitus coràm astitit Iris,
Quidque docet veniat, cœlique pericula narrat,
Et quo quæque modo fugiant: nec pluribus usa
Vocibus assumtis iterum circumdata nymbis,
Ingentem festina dedit sub nubibus arcum.
Obstupere Deæ, & mortem sibi quæque timebat:
Leucothoë in primis parva cum prole furores
Horret adhuc Athamanteos, patriasque videre*

Se

Se putat impelli, nervo stridente, sagittas.

Sed trepidare vetat Tethys, animosque ministrat,

Sollicitasque iterum spaciofa revisere tecta.

Nereidas jubet, atque opera exercere Minervæ.

Jámque erat egregiè instructum cælum omne sub armi

Poscebátque hostem, & grata spectacula pugna.

Undiquè in auxilium, Martis pulcerrima proles,

Sileni properant, omnes Jovis arma sequuti:

Accipit hos genitor dextra, primosque salutat

Ductores, Lycon egregia virtutis, & acrem

Pantharon, extremum ad Gangem Nysæis Arechthis

Quos genuit, Nymphisque Dei sub numine tutos

Tradidit: ille pigri costas agitabat Onisci,

Hic Pelia invehitur fusco: tunc ordine pubem

Roboribus stupet armatam, miratur & ipsos

Tyndaridas geminos: Sed cunctis altior ibat

Maximus Alcides, cui, belli insigne superbum,

Tempora populeæ fulgent innexa corona.

Omnibus his, certis vicibus, concredita cæli

Cura salusque fuit: pars propugnacula cingunt

Excubiis vigilum, & murorum ingentia claustra

Milite circumdant: speculis pars abdita, latè

Singula luminibus lustrant: pars saxa sudésque

Subvectant humeris, & circum turribus altis

Armati servant portasque aditusque viarum.

Nam foret imperium ut securius ætheris, arces

Viribus invictas dextra levâque frequentes.

Æterni statuere Cyclopes, & ardua ferro

Mœnia, quis ipso cedat cum Dite Megæra,

Ferreique Eumenidum thalami, fraudesque Promethei.

E ij

Prima tenet latis castella immania regnis
 Orion, tam tuta loco, quam firma labore:
 Vestibulum ante ipsum, dextróque in limine candens
 Sirius & Porcyon posuere cubilia, fortem
 Hic patriam Epirum referens, patriam alter Amyclas,
 Latratúque ambo invigilant, nè prodita somno
 Castra dolo capiant, & multa cade cruentent:
 Hesperius lævam Eridanus fluvialibus undis
 Occupat, Heliades quem circum in margine ripae
 Pinguia corticibus sudant electra sorores.
 Nève quis aut proram advertat, fluvióque propinquet
 Ante expectatum, aut inopinus terre at hostis,
 Cetus habet ripas, vastósque immanis hiatus
 Pandit adhuc, quondàm Andromede, tibi causa timoris,
 Indè per adversi se semira cornua Tauri
 Tyndaridasque offert, toto notissima caelo.
 Hic arces gemini Heroës, Vulcanius alter,
 Alter Abantiades alterna sorte gubernant,
 Ambo DIs geniti, magnis virtutibus ambo.
 Hinc iter Iasides clara cum conjugè Cepheüs
 Pandit, ubi Cygni simulati affixit adulter
 Exuvias, & se geminas via findit in oras.
 Dextra Coroniden, Phæbo genitore creatum,
 Tertia quem penes est divisi regia cæli,
 Continet, hunc circum longus convolvitur anguis,
 Corporis immensi flexu complexus utrinque
 Cum manibus latera, & spiris ingentibus alvum,
 Phæbigenámque supra cauda & cervicibus exstat.
 Læva per Aemonios Chironis recta sagittas
 Ultima castra aperit, monstro regnata bifor-
 Nubigenum

Nubigenum de gente Pholon quem fama reliquit:
 Ille tenens lato praefixa hastilia ferro,
 Excipit incautos, & sacram mactat ad Aram.
 His via, quae totum complexibus ambit Olympum,
 Est munita viris: contraria regna polosque,
 Quos circum assidua rapitur vertigine caelum,
 Obsedere alii. Nam quae convexus ad arces
 Rhiphaeas polus assurgit, noctesque diesque
 Magna minorque ferae insomnes sicca atria servant:
 Icarus hac Helycen custos defendit: at illa
 Parte tenet socer aurigenae Cynosuran & axem,
 Insidiasque ambo prohibent caelestibus armis.
 Qua sed inaccessos Lybiae devexus in Astros
 Deprimitur nostros horrescens cardo Triones,
 Imbribus assiduisque madent castra humida nymbis.
 Hic, quo vix toto violentior amnis Olympo,
 Stellifer Eridanus sinuosis flexibus errat,
 Trojanusque gerit puer urnam undasque refundit.
 Maxima sed Phaebo caeli concessa potestas,
 Signorum obliquus quae circumvertitur ordo:
 Cynthius hic vacuis solus dominatur in aulis,
 Et paucis fas Divum operosum insistere limen.
 Infima regna tenet, Tropicum depressus ad imum,
 Aegoceros, gelido brumae intractabilis imbre.
 Hinc via sublimis, quae noster surgit horizon,
 Aurea Phryxae depromit vellera Capra,
 Oppositaque pares cum Libra examinat horas,
 Altior at Grajam consurgit Cancer ad Arctan,
 Dilatatque dies, & opacas contrahit umbras,
 Hinc iterum manifesta rotae vestigia ducunt.

Sub Styga, perpetuumque gelu, manesque profundos,
 Haud aliter, quam si summo de vertice montis
 Infima præcipites videas ad Tartara valles.
 Hac cæleste solum custodia cingit, & alti
 Tecta Jovis multo circum munita labore,
 Vis ut nulla queat, vel adacto exscindere ferro.

Juppiter hæc summo dum singula curat Olympo,
 Terrigenæ prisca Phæacum ab origine regem
 Eurymedonta satum, sceptris & honoribus auctum,
 Militiæ pacisque ducem legere: Typhoeus
 Enceladusque pari regem virtute sequuntur,
 Et jam major erat toto æthere Martis imago,
 Astræque terrificæ trepidabant proxima cædi.
 Phocos at læniûsque absunt, opulentæque castris
 Jungere castra parant: hic ex Acamante Cerastras
 Adducit, geminis insignes cornibus omnes,
 Quos genuit rapta Proteus Amathuntide nymphea
 Carpathius, primæva patrum ceu credidit ætas.
 Captus enim A Egriopes insano Cypridis igne,
 Hanc cupit, hanc sequitur Deus, hanc suspirat, & undis
 Expetit in mediis: non illi immania curæ
 Armenta, & turpes Neptuni in gurgite phocæ:
 Quin etiam patriam Emathiam, gratamque relinquit
 Carpathon, & Paphias repetit male sanus arenas:
 Hic curas alit ignis, inardescitque tuendo.
 Illa sed incinctæ studia exercere Dianæ
 Gaudet, & Idalios canibus circumdare saltus,
 Raræque sylvestres in retia cogere damas.
 Ad furtum rude pectus erat: non saucia flammæ
 Noverat, aut somnos rumpebat cura salubres.

At Deus

*At Deus impatiens, veteris non immemor artis,
 Nulle dolos neſcit: veller ſumſiſſe leonis,
 Aut ſpumantis apri effigiem: at nè ex territa monſtris
 Effugiat, pulcri celatus tegmine cervi,
 Vi potitur, ponitque ſuas in virgine flammās:
 Plenāque cūm novies Lucina coſſet in orbem,
 Facta parens (dictu mirandum) enititur hirtis
 Cornibus humana monſtrum ſub imagine formæ,
 Unde genus miræque trahunt primordia ſtirpis
 Cornigeri, & domitam ſibi ſubjecere Tegēſſum,
 Immanēsque armis Golgos, Chytrōſque vetuſtos.
 At centum gemino cives Atabyria Phorco
 Jungit Iälſios, quos fratrum Terra creatrix
 Oſibus ultores genuit, Telchinas & omnem
 Cūm Rhodon æquoreis Neptunus ſubderet undis.
 Verſicolor cunctis maculoſæ lyncis amictus
 Pectore dependet: duo quiſque abjegna coruſcat
 Tela manu, ſcutis protecti corpora nullis.
 His magicos addunt cantus, & plurima Ponti
 Lecta venena jugis, quibus æra ſolvere in imbres:
 Siſtere Dictinnam, & ferrugine condere Phæbum,
 Obſcurāsque valent nebulas inducere terris,
 Ruſſus & in cælum vapor ut ſe purget apertum,
 Imò etiam ternis nodis tria verba profati,
 Fundamenta maris fretāque indignantia miſcent,
 Præſentēque viris intentant æquore mortem.*

F



B E L L I

G I G A N T E I

LIBER SECUNDUS.



H T jam prima dies rutilo surgebat Eoö,
 Obscuramq; Aurora polo dimoverat umbram:
 Cum subito e sylvis certatim & montibus altis
 Excitum ruit in campis genus omne Gigantum,
 Concilium horrendum, cuncti capita alta ferentes
 In cælum, & vastos æquantes corpore montes.
 Antè locum capit Eurymedon, animosq; suorum
 Lustrat, & atherium turmas ad limen ituras:
 Participes creat inde operum, numerumque recenset,
 Et quamcunque ferit sors, æqua mente ferendam
 Fortunam monet: alto omnes clamore sequuntur.
 Nos quò fata trahunt, quò sors vocat ultima belli,
 Te sequimur, dextraq; ducem vitaq; parati
 Afferere: invictos tu regni in parte locabis,
 Præmiaq; emeritis statues: Nec plura loquuti,
 Incumbunt operi pariter: pars robora sylvis
 Fraxineasq; trabes findunt, & montibus ornos
 Devolvunt: montes alii cum quercubus ipsos
 Obnixa tridunt humeris: pars saxa facesq;
 Ardentesq; ferunt pinus. Labor improbus omnes
 Exercet, Audisq; furorem æqualibus augent.
 Rex ipse Eurymedon, opera inter talia primus,

Horta-

Hortatur socios, & nomine quemque vocando,
 Nunc animos dictis stimulat, nunc laudibus ornat.
 Nec mora, festinant: nemorosam Pelio Oſan
 Imponit, saxiſq; involvit saxa Typhoeus:
 His super excelsi caput, & latus arduum Olympi.
 In cœlum, nivibusq; ad opera cacumina tollit.
 Sævus idem molitur Athos, paribusq; sequuntur
 Viribus Alcioneus cum fratre Asiusq; Ximasq;
 Herionesq; acer, socero laturus in armis
 Auxilium, pulcræ Asteries incensus amore.
 Proximus Enceladus campo se turbidus infert,
 Arduus, arma tenens, centenaq; brachia jactat.
 Hinc sese agglomerant Briareus, & maximus annis
 Agrius, Hyppolitusq; ferox, Medonq; Rhysq;
 Myrmidonumq; acies, & Graje stirpis Alemon.
 Nemo parem sibi ferre potest: hic fortior illo,
 Viribus innixus proceras eruit alnos:
 Imensos alii montes radicibus imis
 Avulsos cumulant, & in altum educere certant,
 Astraq; sublimes apices trepidantia tangunt.
 Jupiter hæc oculis sed adhuc pater aspicit æquis,
 Collectamq; premit, simulatis viribus, iram:
 Donec precipiti totum certamine cœlum
 Corripiant, certamq; petant per vulnera mortem
 Primum Terra parens dat signum & conscius Aether,
 Iratosq; animos insani Martis amore
 Incendunt: Ipsi, mediis in millibus, armis
 Ductores longè effulgent, cristisq; decori
 Antevolant, hostemq; alto clamore fatigant.
 Idem omnes simul ardor habet, rapiuntq; ruuntq;.

F ij

*Haud aliter quàm si violentior incubet Eurus
Fluctibus, & pelago malè sæviat ater Orion.*

*Jàmque propinquabant astris, montesque tenebant,
Ut possent notas audire & reddere vocès.*

Cœlicola contrà pro libertate ruentes

Avertunt, primòque vetant consistere cœli

Limine: strictam offert Perseûs venientibus harpen,

Occluditque vias: audacior instat Apameûs

Alcyonèi monitu, & laudis succensus amore,

Uique affectat iter: prohibet Jove natus: at ille.

Quid scelerate paras, poterisne illudere solus

Tot tantisque viris? erit hæc lux ultima victis,

Hæc, Jove sublato, cœlum super ibimus infit.

Acrior Inachides contrà, os oculosque loquentis

Jam dudum observans, trajecit guttur, humique

Transversum rapuit, graviter resonantibus armis.

Illum exspirantem transfixo pectore, celsa

Terrigenæ pendere procul de rupe videntes,

Accelerant, variisque acuunt clamoribus iras,

Hinc Pallenei comites, fortisque Damasor

Accurrunt: ipse ante alios immanior omnes

Infert se socium Aegæon, atque agmina jungit.

Omnia Cœlestium adversus jubet arma parari

Juppiter, & patriis detrudere finibus hostem.

Acer at Aegæon, vitalis prodigus aura,

Interiora poli irrumpit, perque ardua saltu

Mœnia se mittit, subito turbante tumultu.

Hic postquàm exuvias notas, Titaniâque arma

Fixa vider, majora animis & pectore versat,

Respiciensque acies: Vos, ô, lectissima pubes,

Ecquis

Ecquis erit, mecum qui castra exurat opésque?
 Inquit: & accensum primus vi corripit ignem,
 Sublatumque jacet, trabibusque affigit acernis.
 Hoc etiam Alcyoneus facit, adjunctique Gigantes
 Injiciuntque manum, & flammis alimenta ministrant.
 Fit fumus, ventisque volat vapor ater ad auras:
 Pajetibus furit aestus, & altis postibus aucti
 Corripiunt tabulata ignes, perque intima Divum
 Atria volvuntur: recti fastigia adesti
 Vulcano superante labant, stragemque minantur.

Cœlicolæ contrà, tanto in discrimine rerum,
 Undique collecti paulatim incendia sistunt.
 Auxilio madidos Orion convocat Austros,
 Ut pluvias imbrésque ferant: festinat & ipse
 Phryx puer, indomitaque infundit flumina pesti
 Integra: nymboſis rapidus Notus evolat alis,
 Præcipitatque amnes, pluviarumque agmina aquarum,
 Restinctus donec vapor omnis, & uda favillam
 Robora decutiunt, servatque igne penates.

Non tulit hoc animo, & furiiſ majoribus arſit
 Horridus Aegæon, propriasque recurrit ad artes:
 Nec mora, terrificum quinquaginta oribus ignem
 Eruſtat, totumque atra caligine cœlum
 Involvit, tum, fumus agit quâ plurimus æſtum,
 Infert ſe tacitè, & nebula ſpeculatur amiſtus,
 Quem Superum excipiat letho, incautumque trucidet.
 Sed levis ætheriis Hermes delapſus ab oris,
 Aëra dimovir denſatum, & diſpulit umbras:
 Tunc patuère doli, clarâque in luce refulcit,
 Cutture vana movens incendia, Primus in ipſum

F ij

Iuppiter expertus sua fulmina, dejicit uno
 Ora novem jactu, fumantiaq; ignibus atris
 Uulsa rotat capita Anguipedum super agmina, & omnes
 Sanguine conspergit. Veluti cum robora ventus
 Impulit, & teneras turbavit flamine frondes,
 Dispersa per inane ruunt, aurisq; feruntur.
 Ancipiti AEgeon mentem formidine pressus,
 Omnia molitur, Divisq; resistit, & altum
 Dentibus infrendens, miscet clamoribus iras.
 Urget adhuc pater omnipotens, iterataq; mittens
 Fulmina, precipitem jacet in mare, deinde Gigantis
 Navita quod victi AEgeum de nomine dixit.
 Ocyus accurrunt subjecta per aquora nantes
 Oceanusq; senex, Phorciq; exercitus omnis,
 Fortiter & pressum cogunt, nodisq; coercent.
 Tum moles superinjiciunt: Vulcania dextram
 Saxa manum cohibent: Baccho Methymna sinistram
 Clara premit: fauces Tenedos Neptunia: dextrum
 Scyria terra pedem, laevum vineta Phanai:
 Inter utrumque tenet medium Psylla ardua: ventres
 Centum claustra ligant, aeternaq; robora ferri.
 Illudunt capto circum gens humida ponti,
 Canitiemq; udam vellunt: super omnia Nymphae
 Mirantur monstrum aequorea, miratur & ipsa
 Amphitrite, humerosq; manu contingere gaudet.
 Plus quoque ludibriis patitur, rostrisq; natantum
 Impetitur, lateriq; illisa refunditur alga.
 Quidquid agant tandem, jacet aeternumq; jacebit
 Impius AEgeon, fundoq; immobilis haeret,
 Nequidquam pelagi circum latrantibus undis.

Diffugiunt

Diffugiunt socii magno incumbente timore,
 Exceduntq; iterum castris, & tuta capeſſunt
 Non ſecus ac caprea errantes, quas rupibus altis
 Commovère canes, veſtigia nota ſequuti,
 Diffugiunt, denſisq; metu ſe vepribus abdunt,
 Inſtat Erichthonius, curruq; per agmina raptus
 In profugos ſævit, multam ſine nomine plebem
 Excipiens letho, Sthenium, Protumq;, Heliumq;,
 Deinde Neophelum ſe poſteriore regentem
 Parte bovis, Steropen juxta & Biſaltide cretum.

Emicat Enceladus ſociorum indigna ſuorum
 Funera conſpiciens: animus diducitur omnes
 In curas palmasq; ad cælum utraſque tetendit
 Tum quaſſans caput hæc effundit, & increpat ore.
 Quò ruitis timidi, heu, quid voluitis? anne repente
 Perſuſum belli incoepi? ſubſiſtite: quanam
 Veſtra meta fugæ: quò tenditis? en ego veſter
 Enceladus ſum veſter ego, mecum arma moveſte,
 Siſtite mecum hoſtem, & tantum extorquet triumphum.
 Vos decus egregium moveat, roburq; juventa:
 Vos reges atavi, & clavis domus inclita factis
 Erigat, allatumq; neſas impellat ad arma.
 Mentibus his dictis violenti Martis amorem
 Inſnuat: rapit arma furor: malè ſævit Erynnis,
 Extinguiq; fugæ labem ſic poſſe putabant.
 Mox prior Enceladus totum nemus abjete nigra
 Fert in Erichthonium, caſta qua mole quadrigæ
 Procubère ſolo, & ſeries luxata rotarum.
 Exſilit Ignipotente ſatius, telumq; Gigantem
 Torquet in inſtantem, quod lævo umbone repulſum

Pectus in Amphinoi venit, qui fortè sinistro
 Affixus lateri hærebat, tua maxima cura
 Encelade, ah, fatis nequidquàm ereptus acerbis,
 Cùm mistum insidiis, & iniquæ fraude novercæ
 Penè merum nigri biberat cum lacte veneni.
 Palluit aspectu Enceladus, magnòque dolore
 Ingemuit, tantùm ereptum dilexit amicum:
 Tum super incumbens fletu ora rigavit oborto,
 Militiæ atque sui oblitus, verique decoris.

Hoc luctu arrectæ mentes, gavisique corda
 Cœlicolùm, majorque jocosa lite creatus
 Fertur in adversas acies: spes addita mentem
 Suscitât audacem, & belli in discrimina trudit.
 Hûic se offert geminis aurato in vertice cristis
 Conspiciendus Aras, genitor cûi magnus Erechthon,
 Mater Amimonoë Nympharum sanguinis una,
 Altera qua Patris, & tot per Achaidas urbes
 Nulla fuit, vel pingere acu, vel tingere lanas
 Doctior, & tenues radiis percurrere telas.
 Hic levis insultans, prior insit: Non mea casus
 Tela reget, nec cæca dabit fortuna potiri
 Laude necis, velut insperato errore peremptus
 Amphinõus: sed certa feret tibi dextera mortem.
 Sic fatus, diductum altè consurgit in arcum,
 Intentis que oculis, nervo stridente, sagittam
 Impulit, & nodos, & vincula ferrea rupit
 Thoracis, medio at sine vulnere substitit are.
 Acer Erichthonius cernens sine sanguine telum:
 Certius hoc, quod nostra feret tibi dextera, futurum,
 Clamat, & illud frustra altera tela parantem,

Quà

Quà jugulis conjuncti humeri, mucrone petitum
Turbat Aranea solo, & magni de more tropæi
Arma tholis suspendit avo sacrata Tonanti.

Exemplò concussi animis retrò arma tulerunt
Anguipedes, ultrà nec quisquam ex agmine tanto
Ausus adire Deum, & certæ se opponere morti.
Insequitur Sabii, & cœlestibus inclutus armis
Carmelus, Divûmq; alii: quorum ille Phialten
Viribus invictum atque animis, cervice prehensum
Præcipitat sonitu ingenti: hic violentior ira
Ense Palæstino nunc hunc, nunc trahit illum,
Unus haud nece contentus, duplicataq; fundens
Corpora humi, toto ut sanguis pluat undiquè cœlo.
Nec Jovis est levior cades, furit ille coruscis
Ignibus, & letho Mcineum, fortemq; Celestion
Dejicit, insigni qui laude Acmona ferebat,
Seq; ortum antiqua Titanum à stirpe volebat.
His Pharium super addit, illumq; animasq; trecentas,
Fulmine quas omnes Erebi detrusit ad umbras.
Dedecus haud tantum potuit perferre suorum
Palleneus, vastusq; Mcimas: hortatur & ipse
Porphyriion socios, paribusq; accingitur ausis.
Dux etiam Eurymedon acies ultroq; citroq;
Increpat errantes, verbisq; in prælia cogit.
Arma viri, ferre arma viri, tam sera retardat
Quæ mora securos belli instantisq; pericli?
Pellere corde metum socii, vanumq; pavorem.
Degener egregius semper timor obstitit ausis.
Quod genus hoc Divûm, quisve hos dedit esse potentes,
Et rerum dominos? geminâ ne timebimus Urjas,

Obscænosq; canes, & si quæ monstra nefando
 Prodigiosa Jovis: cœli fatalia jactet
 Regna: ferat magnam Hesperiam Saturniaq; arva
 Laudibus: Enathiis quoque sunt regionibus urbes,
 Armaq; Titanumq; à sanguine clarus Aloëus.
 Hæc etiam desint: quis nostros nesciat ortus,
 Virtutesq; virosq; atque incunabula gentis
 Terrigenæ, ad quorum turbant sublimia nutum?
 Et dubitamus adhuc ferro trepidantia castra
 Irruere, atque omnes in cœlum vertere vires?
 Talibus Eurymedon vix ora silentia pressit
 Undiquè collecti cœunt atque agmine denso
 Consistunt: AEgæa armis freta lata relucet,
 Tolorumq; lacesitus sub nubila splendor
 Sole micat, tremuloq; polus fulgore coruscat.
 Nauta velut, medio quem prendit in æquore Caurus,
 Naturare fugam, tutosq; capeessere portus
 Imperat, atque hiemi velorum denegat alas:
 Expediunt subito arma viri, adductisq; lacertis
 Agmina remorum subigunt, altumq; relinquunt,
 Votaq; servatæ servant promissa carinæ.
 Primus ab adversa se in prælia mole Damasor
 Eubæus parat, atque Asopi filius amnis,
 Drives avis atavisq; Menophilus: indè Corinthi
 Ter centum armati, duce Porphyryone, subibant:
 Omnibus ex humeris saga versicolore paratu,
 Corytiq; leves pendent, Ephyreiaq; arma,
 Ipse inter medios molitur cardine postes
 Eruere AEolides, circumq; immania claustra
 Aggreditor ferro, & sævas solido are bipennes.

Ingerit in

Ingerit in portas: ruit alto à culmine præcep
 Sacra Jovis domus, & secreta cubilia divæ
 Junonis, dignumq; opus, artificumq; labores:
 Apparent thalami intus, & atria longa Decorum
 Barbarico insignita auro, spoliisq; superba.
 Utq; stetit mediis victor penetralibus, ipsam
 Opprimit incautam, & haudquidquàm tale timentem
 Junonem, pedibusq; tenet, colloq; monile
 Eripit, & duplicem gemmis auroq; coronam.
 Quò magis illa Jovem inclamat magis angit inharens
 Mœre lupi, siccis prædam qui faucibus haurit.
 Ad gemitum famulæ excitæ per tecta frequentes
 Discurrunt: resonat querulis ululatibus æther.
 Inprimis, fida ante alias, Thaumantias horret,
 Multa gemens, largisq; irrorat fletibus ora:
 Deiopeja Jovem auxiliumq; implorat, & armis
 Poscit opem: magnis responsant quæstibus ædes.
 Sensit id Alcmena primum satus, atque trinodis
 Robora corripuit clava, gemitumq; sequutus
 Fertur, anhelanti suspirans pectore pugnam.
 Porphyrio armorum sonitu sibi fata parari
 Accipiens, firmo bipatentes objice portas
 Fulcit, & inclusus securior omnia spernit.
 Instat vi magna Alcides: non claustra nec ipse
 Sisyphides sufferre valet: nil profuit usus
 Armorum mediisq; inquiri sedibus hostem.
 Non aliter placita tauros præsentia formæ
 Dulcibus illecebris subigit decernere amantes,
 Paulatimq; animos urit cogitq; videndo,
 Alter eat dum victus, & hosti linquat amores.

Substitit his turbis, clamoremq; auribus haurit
 Juppiter, accurrensq; immanes accipit ausus,
 Uix has incensorum pectore voces.
 Tunc audere nefas potuisti, perfide, tantum
 Non veritus nostris tacitus succedere tectis?
 Consortemq; tori affectare, negataq; furti?
 Non te ignotus amor, non vindicis ira, trifulcis
 Effera fulminibus, fœdis deterruit ausis?
 Nunc morere, ut pendat meritas audacia pœnas.
 Dixit, & ora viri allisit trepidantia terræ,
 Altior erigitur Syrio quàm Taurus Amano.
 Hic misere afflictus, membrisq; dolore solutis
 Alitis ora novæ sibi sumit, proq; capillis
 Mutato tenues succrescunt corpore plumæ,
 Et non visa prius fit Comagena volucris:
 Qualis apud Phrygios crepitante Ciconia rostro,
 Ibis apud Pharios: pedibus longissima crura,
 Longaq; porrecto sunt ora rubentia rostro,
 Fulminis afflati rutilas servantia flammæ.
 Nunc quoque contritam exemit de pectore labem,
 Flagitii memor infandi, exhaustiq; pericli.
 Nec satis est odiſſe nefas: socialia cernens
 Jura pudiciæ at scelerato elusa cubili,
 Colla animosa ligans, dictu mirabile, inanes
 Panditur ad ventos, sua per suspendia signans
 Fœdera rupta tori, & scelus admisiſſe maritam.
 Sævus at Alcioneus, nitidis circumdatus armis,
 Respicit, & quæ sit sociis fortuna requirit,
 Porphyryona vocans: sed quem vocat, occidit aſtu
 Herculeo, dextrâq; Jovis sub Tartara miſſus,

Ergo

Ergò animum exercens curis, ultroq; citroq;
 Vertitur ingeminans. Quis te germane Deorum
 Abstulit à nobis, quis funere mersit acerbo,
 Te fore qui bello incolumem subiecta putabam
 Sidera visurum, & promissos matre penates.
 Quò sequar infelix? ubi te germane reliqui?
 Frater, si ò, ubi es? an certa malus abstulit error
 Eregione via, an crudelior ira Tonantis?
 Talibus inclamat, sed nubibus irrita fundit,
 Verbaq; diserpunt venti, certissima cernens
 Signa necis, gladium auratum, generumq; Creontis
 Indutum exuviis fraterna caede receptis.
 Obstupuit primo aspectu, cunctosq; per artus
 Horror it, & motas ingens dolor impedit iras.
 Attamen ut rediit, pulsa formidine, virtus,
 Exardet rabies animo, subit ira nefandum
 Ulcisci scelus, & fratris super addere manes
 Herculeos, cineresq; cruore explere sepultos.
 Nox rapta validis Alciden viribus hasta
 Invadit: fugit illa tremens, & inutile ferrum
 Vix equidem infixum summa tellure pependit.
 Acrior hoc Jove natus in arcum surgit, & arma
 Vasta viri, & clypeum jaculo transverberat: ille
 Volvitur in caput, & nequidquam brachia tendens
 Infelix, pedibus projectas spargit arenas.
 Advolat auxilio Hamaleon, & maximus ultor
 Ligenetes: simul irrumpunt, simul ipse prehensos
 Alcides, animam amplexus circum ilia clausit,
 Prolis ut auctorem, & geminos eliserat angues.
 Eumelium, frustra lethum evitare valentem,

C ij

Gradivus premit, & per trina volumina scuti
 Perforat immani costarum vulnere crates.
 Indè Mycenæus fugientem Ophio dea Perseûs
 Urget agens crebris deserta per a-via telis.
 Tergore in obverso totum cûi protinûs ensem
 Condidit, & ferro secuit morientia colla.
 Tum caput ereptum truncumq; per aëra jecit,
 Quà centum geminæ directo vertice Thebæ
 Plejadas aspiciunt: hîc excepisse cada-ver
 Terra parens fertur, sævumq; animasse cruorem:
 Undè malum virus serpentibus addidit atris,
 Progenitq; novas calido sub sidere pestes.
 Terrigenæ decus & raptum indignantur honorem
 Degeneres, ignominiamq; abolere priorem
 Egregia virtute parant, quia posse videntur
 Laudis amore trahi, & vitam pro laude pacisci.
 Hinc gemini juvenes, divi de semine Enipêi,
 Ante annos animumq; viri curamq; gerentes:
 Indè Thöon ruit: Enceladus, Briareûsq;, Gigesq;
 Tercentum ingeminant jactus, & fulmina contra
 Missa strepunt, cœlumq; atra caligine obumbrant.
 Horridus inprimis ante omnes mole Typhoëus
 Emicat, immanes artus, magna ossa lacertosq;
 Arduus ostendens: densata per agmina latè
 Bellicus exoritur vario certamine clamor.
 Quantus ab occasu, sero cûm proditur astro
 Taurus, & os Plejæ terris ostendit honestum,
 Verberat ater humum crepitanti grandine nymbus
 Ripheoq; furit Boreas densissimus axe.
 At pater omnipotens graviter commotus, & ira
 Exsiliens,

Exsiliens, toto molitur fulmina cælo,
Montanasq; strues motat: fragor horridus altis
Nubibus audlitur, confusaq; murmura longè
Crebrescunt: medium credas discedere cælum,
Non secus ac rimis tellus quassata dehiscit.
Tum telum insequitur, quo se subducere colles
Incipiunt, pronoq; jugum demittere lapsu.
Horrore Anguipedes trepidant, dextramq; residunt
In partem: magis hoc de vexo pondere montes
Procubuere, quibus tremuit tota excita tellus,
Cælumq; tractusq; maris, manesq; profundum.
Senserunt dubios motus, cæcosq; tumultus
Submovet Océano quos terra extrema refuso.
Nec tantam congesta polo traxere ruinam
Culmina, Terrigenæ quantam: vel mille Gigantes
Montibus inclusi summus vix cruribus exstant,
Impositas frustra tentantes pectore moles.
Pars elapsa fugit, pars summa cacumina prensat,
Atque timet lapsum: prona cervice supina
Quædam pendet adhuc similis jam jamq; cadenti,
Ipse etiam vitam sub mole profudit Hyblæres,
Æmonios inter reliquos notissimus augur:
Sed malè tum linguas, & præpetis omina pennæ
Noverat, augurio oblitus prævertere lechum.
Non tamen his furor est belli compressa cupido,
Non animi damnis contusi, iterumq; Tiphœus
Colligere arma jubet, tetisq; incumbere cælo
Imperat agminibus. Procedunt longius iræ
Incenduntq; animis vires nec deficit ingens
Spiritus oblitaq; agitant sublimia mentes.

*Arduus ante alios campo Phœacius heros
 Eminent Eurymedon, longamq; innixus in hastam,
 Increpat attonitos, verbisq; hortatur amicis:
 Nunc animis opus est, nunc forti pectore & armis
 Promite in asuetum vinci, insuperabile robur.
 Hunc mea nē dubita pubes, sufferre laborem,
 Hanc operam, quō noster honos & fama resurgat,
 Nunc morā cedat iners: olim meminisse sinistris
 Jactatos fatis, & bella exhausta juvabit.
 Talia dicta dabat properans, functusq; sagacis
 Principis officio, pugnas insignis obibat.
 Victores contrā in ferrum mortemq; ruentes
 Cœlicolæ accelerant, animosq; in prælia tollunt.
 Mars prior adversas acies, stragemq; ciebat,
 Omnibus antevolans, priscâque à stirpe Pelorum
 Myrmidonum asequitur, quem pulcra Memphilia furtim
 Ediderat, miroq; ad cælum miserat astu.
 Thesalus armorum excitus post terga tumultu,
 Respicit: at validum jam tunc arrectus in ensē
 Fixerat armipotens pectus, gladiumq; cruore
 Spumantem detraxit: hiat sub pectore vulnus,
 Eructatq; atram commisto sanguine tabem.
 Mercurius levibus libratus in aëre pennis,
 Hyppolitum egregium patria Sycione profectum
 Remigio alarum premit, & stricta occupat harpe,
 Dejectumq; simul vita spoliavit & armis.
 Fit sonitus, tum strage virūm, strepituq; ruentūm
 Sub pedibus mugire solum, & juga visa moveri.
 Stant contrā obnixi Divi, stant omnia contrā
 Agmina Terrigenūm, atque ingenti mole Typhoeus*

Vertitur

Vertitur in medios, totumq^{ue} attollere cælo
 Pelion aggressus, tellurem à sedibus imis
 Eruit, & fauces reseat gravèolentis Avernì.
 Fit crepitus, ruptoq^{ue} ingens Acheronte vorago
 Desuper apparet, densusq^{ue} ad sidera fumus
 Erigitur: volitant viræ sub imagine formæ
 Circum claustra umbræ, defunctaq^{ue} corpora vita.
 Tum septi tenebris, immisso lumine, manes
 Insuetam fugiunt lucem: nova vincula custos
 Tartareus, metuitq^{ue} novas Proserpina raptus.
 Prorumpunt, pars imo Erebo, custode remoto,
 Mortales iterum conati a surgere in auras.
 Suspicit haud visum, jam longo tempore, cælum
 Androgeona trahens secum Theseius heros:
 Quàm vellent superas iterum venisse sub oras,
 Tertia sustineant miseræ ut dispendia vitæ:
 Sed Styx interfusa vetat, prohibentq^{ue} Sorores
 Lanificæ: perit medicina talis & artis
 Fulminis afflatus ventis, Epidaurius auctor.
 Hac, turbam imbellem, geminas properare sorores
 Cernere erat Pandionias: crudelem Epicasten,
 Tantalidasq^{ue} omnes: raptam Nyctæida tauro
 Fraude patris, tum fraude Dei Salmonida lusam.
 Parte pii vates: alia telluris hiatu
 Raptus Oicles, longaq^{ue} in veste sacerdos
 Threicius fugit, & modò vir, modò fœmina Mantus
 Corripuens spatium genitor, foribusq^{ue} propinquans,
 Accelerat, gressusq^{ue} aduerso in limine figit.
 Insequitur procul Amphion, rerumq^{ue} magistri
 Innumeri, benè qui, brevis hac dum vita manebat,

H

Artibus ingenuis toti incubuere repertis.
 Hos inter crudele tuens Cadmea propago,
 Ignibus impositam quam flamma inimica diremit,
 In diversa ruit: sequitur tellure repostos
 Cura eadem, nec causæ irarum morte quierunt.

Intremuit cælum, atque aspectu exterritus axis,
 Tartaraq; horrescens immania, Phæbus ad ortum
 Retrò legit iter, nitidoq; expalluit ore.
 Haud secus ac visus Grajis Pelopcius olim
 Cum male fraternis exarsit amoribus Atreüs,
 Progeniem horresco referens) absumere ferro
 Non veritus, patriusq; epulandam apponere mensis.
 Ipsi etiam scelorum auctores timuere: Typhoeus
 Exortis stupuit tenebris, recidivaq; rerum
 In chaos antiquum natura reuersa fuisset,
 Ni celer æternas metuens Saturnius umbras,
 Terrigenis vastum injectis compleßet hiatus,
 Atraq; clausisset nigri spiracula Ditis.

Ergo iterum pulsa toto caligine cælo,
 Rebus ut aßuetum lux reddidit orta colorem,
 Audacem aggreditur dictis Pallanta Damafor.
 Care quid audendum frater, qua praelia inimus?
 Quem Superum aut Silenum illatis sternimus armis?
 Virginis extremam agifera penetremus ad arcem,
 Arcadicamq; manum, & cuneos turbemus agrestes.
 Ipse ego ductor ero, dumq; hinc palantibus inßto
 Cæde viris: illinc securam corripe Diram.
 Aegidaq; ereptam in domine convertito vultus.
 Pallanti placuere doli, primusq; Damafor
 Cum sociis Lycon invadit, Tegeaq; colonos,

Dirum-

Dirūpitq̃, aciem, & perturbat cæde cohortes
 Occiso Pyromante, viros fortissimus inter
 Qui fuit Alpheos, parmaq̃ insignis athena.
 Pantharus auxilio accurrit, vimq̃ addere victis
 Festinat, validoq̃ movet certamine Martem.
 Montibus exiguos credas concurrere colles,
 Sicanioq̃ brevem Melitam se offerre Pachyno,
 Tanta mole altis exstant cervicibus omnes
 Terrigenæ, solaq̃ acies formidine rumpunt.
 Mox Lycus attollens animos, jam viribus æquus,
 Hostibus arma offert, vastaq̃ Damasora quercu
 Fundit humi victum, atque immania membra resolvit:
 Tu quoque Cydne cadis, nec te tua Thasime virtus
 Eripuitq̃ pedum levitas, genitore creatus
 Incerto, sed matre Thya Garamantide, multis
 Autololum quæ rapta procis, compressaq̃ multis.
 Parte alia furto Pallas solertior instat,
 Moliturq̃ dolos, latebrosa per avia lapsus.
 Non secus ac forti veritus concurrere tauro
 Cominus, insidias lupus instruit, atque cruento
 Ore inhians, lateri aut tergo insilit acer aperto.
 Talis erat, taliq̃ animo Tritonida Pallas
 Ibat in incautam, strepitu haud faciente tumultum:
 Divaq̃ ni clypeo sese eripuisset abiectū,
 Laferat, & jugulo sceleratam intorserat hastam.
 Emicuit subito turbatæ virginis ira,
 Et simul ense ferit, simul objicit ora Medusæ,
 Audacemq̃ simul gemina nece dejicit hostem:
 Vulnere pars moritur ferri, pars Gorgone visa
 Saxificum traxit durata per ossa rigorem.

H ij

Obstupuit visu Heriones, eademq₃ tremiscens,
 Aut illis gra viora, statim simul arma virumq₃
 Abiicit: imbellis Dea non ignara timoris,
 Increpat attonitum, exuvias ensemq₃ relictum
 Objiciens, probrisq₃ onerat fugientia terga.

Pantharus hac Meropem insequitur. Peneia nympha
 Quem patre progenuit Tryopa, hūic avus augur Apollo,
 Sacrilegus germanus erat sævusq₃ Erisichthon
 Quem malesuada fames, caesaq₃ injuria quercus,
 Visceribus vastam ingluviem saturare coëgit.
 Ille neces inter medias turbatus inermis
 Constitit, atque oculos partes diffudit in omnes:
 Apparet spes nulla animo, sublata facultas
 Effugit: premit hinc hasta Tegeäticus heros,
 Illinc effusus Tritonia viribus urget
 Bellatrix. fusq₃ perit cum sanguine pœnas.
 Quid faceret? tumidine vias asperrima ponti
 Intercludet hiems, Austerq₃ obstabit eunti?
 Insilit in maria, & quâ se dedit æquor in alrum,
 Elisit vada falsa imo spumantia fundo.
 Sensit id, & motis madidum caput extulit undis
 Ceruleus Triton, profugumq₃ per alta sequutus,
 Sedibus Eurypili claudit, conchaq₃ coactum
 Occupat, & calidum fundit tellure cerebrum.
 Lausq₃ rei gestæ memori quo viveret ævo,
 Indigenas victi Meropes de nomine dixit.
 Sed pater Oceānus, nē immundus olentia fœtor
 Membra, vel infelix dilapsa cadauera tabes
 Carperet, atque auras inimico afflaret odore,
 Esse dedit volucrem, & natis modo sustulit alis.

Præminet

Praeminet ore rigens nullo curvamine rostrum:
 Penna viret, caelo tamen haud se credit aperto,
 Atque humilis terras juxta volat, ardua vitans,
 Criminis haud oblita sui, offensiq³ Tonantis.
 Ira tamen, parvoq³ audacia pectore regnat,
 Dumq³ nocere nequit Superis, alvè aria circum
 Odit apes, & strage furit, miserisq³prehendit
 Crura thymo plenas, nidisq³ immitibus adfert
 Semineces, quod Dictæo sub rupe ferantur,
 Excidio Terra genitis, pavisse Tonantem.

Ergò magis fuso crudescit pugna cruore
 Diversiq³ cadunt: nunchos, nunc excipit illos
 Pantharus, atque acies audentior urget in hostem.
 Non quoque deficiunt animi de parte Gigantum,
 Exercentq³ Deos: Almops iterumq³ reversus
 In pugnam ruit Enceladus, ruit indè Caphareüs,
 Et gemini fratres, Caneüs, vastusq³ Geraestus,
 Concordes animæ, genitor quos Autharus Iltha
 Matre satos, cristis & versicoloribus armis
 Addidit insignes Thracum legionibus: ollis
 Par ut amor, sic par odium cœlestia contra
 Regna Jovis violento irarum exciverat aestu,
 Nysigenūmq³ acies penetrant, atque obvia quæque
 Prosternunt, cumulantq³ ingentem stragis acervum.
 Illorum armipotens occurrit Diva furori,
 Proxima quam casi Pallantis gloria in altum
 Sublimem extulerat, tantiq³ insignia facti
 Nomina posthabita dederat Tritonidos unda.
 Hi jaculis vitam & gravibus defendere saxis
 Communi virtute parant: primusq³ Caphareüs

H ij

Arduus a surgit, saxumq; immane minatus
 Torquet agens, clypeumque Dea tremefecit, & oras
 Collisit, molli quas Mulciber ambiit auro,
 Diva simul timuit: simul arsit: saxa sudesq;
 Diversi circumspiciunt, dumq; omnia desunt,
 Una ingens, toto connisi corpore, littus,
 Haud partem exigua abrumpunt Cadmeidos ora.
 Dat tellus gemitum: subito maria alta fragore
 Implentur: nemora & colles horrore resultant.
 Parte avulsa ruunt disiectis oppida muris,
 Cum patribus, populoq;, Penatibus, & Laribus Dis.
 Cerinthus Chalcisq; tremunt: subsidere in aequor
 Aulida iurasses medium, Boetiaq; arva.
 Parte alia, infusus cursum mutantibus undis,
 Horrescit pater Aegaeus, fugiensq; Ceraestum
 Ad portus Trachyna tuos, in Canea magnum
 Incidit: utq; pedes iterum sine voce repressit,
 Retro carpit iter: sed adhuc cum fratre Caphareus
 Obstat, & attonitis nondum datur exitus undis.
 Hoc magis ergo hostem fugit, & dum incertus eandem
 Sapius itq; reditq; viam, refluensq; fluensq;
 Ambiguus hic error aquis inolevit, & usu
 Instabilis manet Euboicis Euripus arenis.
 Non tulit has tantas procedere longius iras
 Verrice nata Jovis, saeviusq; armata colubris
 Obtulit ara viris visenda: statimq; Ceraestus
 Vim rapuit clypei, atque aspectu induruit: alter
 Insolitum cernens germani in fronte rigorem,
 Hec quid monstra volunt, unde haec tam mira repente
 Exsistit facies? clamat, mox plura volenti

Dicere,

Dicere, durato vox irrita substitit ore:

Mittere tentanti molem, jam agnata cohaerens

Rupe manus, sensim corpus coalescit in unum.

Cænea durities eadem occupat, atque per ima

Membra lapis serpens cava marmore congelat ossa.

Hæc dum Pallas agit toto miracula cælo,

Terrigenum occurrit non infima gloria, magnus

Et metuendus Athos, Ciconum cum millibus ausus

Affectare Jovem Divosq; hunc Thracia virgo

Strymonis Edono conceptum flumine fudit,

Omnia Neptuno similem: sic illius ora,

Sic animum & patrios referebat imagine vultus.

Ille videns quàm primum invisa Palladis arma,

Se necis ultorem Caneî cariq; Caphareî

Promittit, rapta spirans immania pinu:

Thraces idem comites agitant, similiq; furore

Misilia expediunt, omnes in utrumque parati,

Aut scelus ulcisci, aut certæ succumbere morti.

Divæ sed eventus varios, belliq; revolvens

Fortunam, non Marte sed arte occurrere tantis

Tutius esse viris rata: mox vestigia preßit,

Seq; retrovertens, squallentia crimibus atris

Ægide concussit Phorcynidos ora Medusæ.

Vidit id Olyætes, Nymphamq; aversa tuentem

Aggreditur, dirumq; nefas in pectore versans,

Vim parat: illa dolos ridet, discrimine tanto

Non oblita sui, atque instantem cominus hasta,

Trans adigens, lævum ferro latus haurit ad actò.

Tunc animis juvenum furor additus, atque leonum

Instar eunt, quos asper ovilibus ardor edendi.

Cogit, & auditi teneris balatibus agni.
 Sed magis in sua fata ruunt: Nam Spartus, Hemonq̃,
 Ismaridesq̃, Melos, saxo per corpus oborto,
 Diriguere statim. Cephalon, niveusq̃, Galaetes
 Solliciti monstros, consternatiq̃, pavore,
 Lustra metu diversa petunt: Pangæus Agyrtes,
 Qualis erat gladio arrepto, lethumq̃, minanti
 Transiit in silicem assimilis: Rhodopeius heros,
 Attonitus simulacra modis torpescere miris,
 Infremuit, reprimensq̃, pedes, radicibus altis
 Crura cohaeserunt tellure, geluq̃, rigescit
 Marmoreo, atque omnes ligat horror saxeus artus.
 Dumq̃, manus iterum affectat, caeloq̃, minantes
 Erigit, in geminas abierunt brachia cautes:
 Ora movet, vocemque amans molitur, at imo
 Cutture vocis iter clausum, atque allisa palatum
 Lingua ferit mutum, & verba imperfecta profatur.
 Horruit infelix gelido sub gurgite Strymon
 Festinos caricasus & fata nepotis.
 Occultumq̃, gemens canis tegit ora capillis.
 Ipsa etiam patrio genitrix excita profundo
 Indoluit Rhodope, atque iterum caput abdidit undis,
 Assidue irrorans manantibus antra querelis.
 Interea Alcyoneus, quem jam manus Herculis antè
 Straverat, & semel umbroso demiserat Orco,
 Aetherias iterum captavit naribus auras,
 Fortior & solito tacta tellure revixit.
 Non aliter Libycis vastus luctator in oris,
 Alciden stetit adversus, victoria sterni
 Cui fuit, & victus major surrexit arena.

Sed

Sed titubantem, & adhuc retrò persæpe labantem,
 Turbine correptum Jovis alto vertice nata
 Aëra perliquidum patrium coniecit in Isthmum.
 Ille quidem, graviter scopulis allisus acutis
 AEgrè animam trahit, at tantus sine vulnere lapsus
 Officit haud quidquàm, & graviores concipit iras.
 Talis erat turba capitum, damnisq; superba
 Hydria datis, semper geminato immanior ore.
 Talis erat ternis animis Præneste sub alta
 Quondam Herilus, cū vitam Evandrius abstulit ensis.
 Neu quidquam indignum sceleri atque immanibus ausis
 Linqueret, ingenti quingentos fragmine montis
 Silenū oppreßit, nigroq; immergit Averno.
 Vix Therus elapsus dextro pede debilis: Ocnus,
 Et Clytor, & Triphylus, vita sub mole relictæ,
 Oppetièere necem: quorum solertior Arcas
 Incrementa Clytor radiantis menstrua Luna
 Noverat & quando fraternis æmula flammis
 Ore micet pleno, quando inter mæstris in arctum
 Parva senescentis vaneſcant cornua frontis.
 Non tamen his scitis, & rabies expleta cruoris,
 Ipsa animos addit Stygiis emissa tenebris
 Pallida Tisiphone, saxumq; immanius illo,
 Quod pater AEolides semper revolubile trudit,
 Torquet in Alciden, quò pontus & altus Olympus
 Infernaq; domus reboant: venientis at ictum
 Alcmena satus, excepit, clavaq; trinodi
 Reppulit, & Graja fixit tellure, nec illud
 Mille viri, centūve loco movere juvenci,
 Tum contrà arma rapit, nodosaq; tempora circum

Tela rotat, magnisq; invadit viribus hostem.
 Non si Sisyphides, quot fert Sicyonia baccas
 Terra, sinus nautas Criſæus, & æra Corinthus,
 Aut etiam plures animas habuiſſet: at omnes
 Eripuiſſet, atrox tanto Tirynthius æſtu
 Irarum furit, & vi fertur in ora Gigantis.
 Deficit actutum Alcioneus, quaſſatâque anhelant
 Illa ſingultu, & lacero vomit ore cruorem
 Impurum, obſeſasq; premit mors aſpera fauces.
 Deinde cadit, clypeumq; ſuper deſolvitur ingens.
 Non ſecus ac ventis, & fulminis alite jactu
 Ima avulſa ruat quercus radice: resultat
 Omne nemus, magnoq; crepant virgulta fragore..
 Extemplo pavidas natarum allabitur aures
 Nuntia fama, patris crudelia fata recensens.
 Territa cunctarum calor oſa relinquit, & artus
 Occupat atronitos frigus: cecidère remiſſis
 Hinc colus hinc fuſus digitis, excuſſaq; penſa:
 Utq; animus rediit, ſciſſis cum veſte capillis,
 Immemores decoris, tecta alta ululatibus implent
 Una ſed Alcyones inter mœſtiſſima Nymphas,
 Aetherios nondum collapſa receperat hauſtus
 Aſterie, tantus præcordia vicerat horror,
 Utq; reſecta graves oculos, oblitâque vitæ
 Suſtulit ora ſolo, & fædatos pulvere crines.
 Quid queror, aut ubi ſum, prô Juppiter, inquit, an armis
 Occidit Alcioneus genitor cœleſtibus? ultor
 Nec potuit ferro tam fœdum avertere fatum?
 Non Almos, non Porphyrio potuère jacentem
 Eripere, & miſeris ſervare nepotibus? omnes

Exſtinxiſti

Exstinxisti: quid si fugienti obsistere vitæ
 Concessum, calidisq; novissima vulnera lymphis
 Abluere, exsequisq; supremum reddere honorem?
 O patrui, pater ô, nunquàm rediturus abibas?
 Quid sequimur fugimúsve, infelix turba Sororum?
 Occidimus, patriæ luimus facta impia dextra:
 Crudelis, si non eadem quoque fata parârit
 Progenies, nolitq; invisam abrumpere lucem.
 Quid dubitamus? an ut Superûm quis tecta domosq;
 Destruat, aut captas ducat sævisima Pallas,
 Servitiumq; immite, & tristia quæque minetur?
 Aut etiam seros hiberni ad luminis ignes
 Exercenda ferat non æquis stamina iussus,
 Imperiosa, & fæmineas trux exferat iras?
 Quin & erunt, quos insanis scelus efferat ausis,
 Quiq; illibatum ingenuo tentare pudorem
 Corpore non veriti, rapiant, zonamq; recingant.
 Ad peiora reservamus nos nostraq; damnis
 Omnibus his finem statuet mors atra futuris,
 Dixit, & ex alta misit se prima fenestra:
 Dumq; cadit, Drimo labentem nomine clamar:
 Ne comitem spernis? sequor: Alcippenq; prehensam
 Precipitat secum: Phthoniæ placet exitus idem,
 Et Palena tibi: turbata Methona Sorores
 Voce vocans, multumq; gemens miserabilis Anthæ
 Tandem etiam dulcem vitam lucemq; perosa,
 Projecere animas: vidit Neptunia conjux,
 Vidit & ingemuit, nec sivit in æquore mergi,
 Et quot virgineæ fuerant, mira arte volucrum
 Se totidem reddunt facies, sumtisq; Torones

. I ij

Littora nota petunt pennis, semperq³ morantur
 Fluctibus, & scopulos lacrymosis vocibus implent,
 Dilectæ Tetidi Alcyones, nymphisq³ marinis.

Interea Cyprii passim diversa Cerastræ
 Arma movent, altis nemorosa vallibus ossæ,
 Obscuriq³ adsunt dumis, urgentq³ Dianam,
 Arboribus defensi atris, densisq³ salictis.
 Hoc sensit Dictynna, canes sensere sagaces,
 Quos malè Gargaphia Cadmeo visa nepote,
 Nec domini contenta nece abstulit, inq³ triumphum
 Duxit, ut exstarent tanti monumenta furoris.
 Prima Dioxippe, & Cressa de gente Pachitos,
 Dum ramosa vident per apertos cornua saltus,
 Cervos esse rati, ruptis magno impete vinculis,
 Accelerant, prædamq³ petunt: Oresitropus atris
 Distinctus maculis sequitur, geminiq³ Lacones
 Pamphagus & Theron, & truncis auribus Alce
 Truncatusq³ Charops cauda, hirsutusq³ Machimus,
 Albus & Ichnobates humeros, sed cætera fuscus.
 Subridet Diana, novæ spectacula pugnae
 Aspiciens, turbamq³ omnem dissolvit habenis.
 Nec mora, prorumpunt castris: ceu turbine nigro
 Aspera fertur hiems: vel celso vertice montis,
 Humidus immensam cum vim pluit Auster aquarum,
 Ima petit torrens, seseq³ effundit in agros.
 Vidit & Orion animos Lunaq³ labores,
 Quam coluit, quam sapè suis venatibus auxit,
 Extemploq³ cirum Procyona imittit, & acrem
 Lelapa, spumantes quo nemo sagacior apros
 Immanesve lupos, aut celsum in cornua ceruum

Venari

Venari edoctus, lustrisq³ effundere in æquor.
 Fit strepitus, sævitq³ canum latratus in auras:
 Diffugunt Cyprii, qua proxima meta viarum
 Tesqua per & dumos aperitur: fortis Hylætor,
 Nebrophonusq³ premunt vestigia, cumq³ Lycisca
 Matre Lacon: Pterelasq³, Napeq³ Thousq³ sequuntur,
 His se addunt Canache, Leucon, Dromas atque Melamp³
 Theridamasq³, sagax, plantis pernicibus omnes
 Præstantes, unaq³ omnes de matre creati.
 Pæmenis Omphaleum premit ore: Harpya Philacten:
 Theriope Spartana Pelan: ipsa agmine Phæbe
 In medio, chlamyde & pictis conspecta pharetris,
 Clamantis jaculum bacchatur in ora Pharebi,
 Ut tota ceruice tremens cum cuspidē ferrum
 Exstaret: cadit ille cruenta stratus arena,
 Vastaq³ lethali solvuntur, frigore membra.
 Tum Rhetœna petit telo, Cressumq³ Mimartion,
 Ad rapidum nympha Corynide cretus Oaxem
 Qui fuit Idalio Syroâ genitore: statimq³
 Ense ferit Rhetœna: Mimartion odora canum vis
 Fraude loci, & dubia sylvis regione viarum
 Oppressum, rapit, atque immiti eviscerat ore.
 Hinc fugit Aepyceros trepidans, fugit inde Coryptes,
 Quis stipata cohors obstant, cursuq³ cientes
 Pulveream nubem, properant, facto agmine, in hostem.
 Dentibus hunc retinet Aenaleüs, jam calce prehensa:
 Illius ambiguum sed per compendia nota
 Dinomache prævertit iter, rectaq³ minatur
 Fronte necem: Aepyceros sed adactis cornibus alvum.
 Dissecat, & gemino rumpit genitalia sætu

Viscera, nam gravidus labefecerat ilia partus.

*Subvenit auxilio Clytius, vastusq; Erymanthus,
Ordine quem longo quotquot Phæica, Melamq;
Apidanumq; bibunt, animisq; opibusq; sequuntur.
Mox prior aggreditur Clytius, verbisq; profatur
Irridens: Dictynna virum sese inserit armis,
Terrigenis ausa imbelli concurrere dextra?
Egregiam certè te miror Amazona, quiddam
Fæmineam supra ausuram memorabile sortem.
Credo equidem foret illa tuis res digna triumphis,
Amplexu superare virum: sunt hæc spolia altis
Suspendenda tholis: quibus Endymiona bubulcum
Annumerare queas, nec spreta cubilia Panos.
Alpheus tibi verus ero: non oblita cæno
Ora neci eripies: non fata videntia falles.
Noster amor tantum momento crescit in uno:
Utq; scias, hoc sit veri tibi pignus amoris.
Dixit, & excelsè sublatam dirigit hastam,
Aurea quæ cohibent exsertam cingula mammam,
Atque levi tenerum strinxisset vulnere pectus,
Si non mota loco venientem protinus ictum
Cynthia vitasset: furis illa effera, & alto
Corde premens iras: etiam hæc testantia mentem
Sint tibi signa meam, clamat, mittitq; sagittam
Stridore ingenti: illa alis allapsa sinistram
Terrigenæ inq; latus devenit, & ilia rupit.
Tunc conferre manum, & clamore incumbere magno
Cernere erat socios: Triviam circumstetit horror,
Clamantumq; minis, & duro mota tumultu,
Auxilium implorat fratris: sensere Gigantes*

Adventum

*Adventum strepitumq̃ Dei, retroq̃ tulere
Signa pedum, & montes Phœbe petiere relicta.*

*Temporis interea spacium Dea nata nocendi,
Lathmia saxa petit, quondamq̃ reposta cavernis
Pharmaca depromit, vertendis facta figuris
Virginis ingenio Perseidos, arte resectis
Ad Lunam variis terræ pubentibus herbis.*

*Quoq̃ foret melior vis inveterata veneni,
Ipsa Joporiferum Lernæ virus Echidnæ,
Cerberumq̃ aconitum immiscuit, atque cicutam,
Plurimaq̃ Atracis quæ toxica nota puellis
Vertice Peljaco nascuntur & Othryos alti.*

*His iterum umbroso se Diva ferebat ab antro
Jam secura metus: cælumq̃ inuenta tenebat.*

*Accelerant subito Anguipedes, clamoribus acti
Horrendis, solamq̃ petunt super omnia Divam:*

*Illa fugam simulat, bigisq̃ per aëra rapta,
Arcadici placidum Alphei descendit ad amnem.*

*Tum Pholoë insultans, hæc certi signa timoris
Esse ratus: Cessamus, ait, premimusne fugacem?*

*O juvenes, tantis an digna rependimus ausis?
Scilicet hæc cælum spoliis induta Gigantum,*

*Et nostris petet exuviis: tot funera fratrum
Ediderit, socium primos tot miserit Orco?*

*Occiderit ferro Clytius, saltusque Cerastrum
Sanguine sudavint Oßei, & litrus Enipei?*

*Mecum animas offerte hosti, lethumq̃ Dianæ
Instauremus idem, sceleri si digna reposco,*

Talibus accendit, viresq̃ hortatibus addit:

Insequitur fremitusq̃ virum, sonitusq̃ ruentium.

Menalus armatos pedites: Onchestius Azan
Addit equos equitesq;: Lycaus primus ad arma
Concurrit, saltusq; omnes custode coronat.
Dira statim obscuræ convexo in tramite sylvæ
Excipit hunc, sparsumq; cruentitabe veneni
Efficit ingentem sublimi vertice montem.
Nec procul Herionem, insidias post terga parantem,
Pan Deus Arcadiæ sylvestris robore quercus
Arreptum letho domat: hinc Eatoniam fertur
Arvorum pecorisq; Deo sacrasse Lycaum.
Lampeum & Nonacrin idem medicamine miro
Exitum rapuit: celsas Psophidos ad arces
Occupat attonitos Erymanthi frigidus artus
Horror, & in sylvam coma frondentesq; cupressos
Funditur, & fluvium parit, Alpheoq; per imas
Quærit iter valles socio, dum vectus ad oras
Sicanias, Arethusa tuis confunditur undis.
Dein Pholoëon, vastumq; armis Rhipæon, & acrem
Menalon aggreditur, cunctosq; potentibus herbis
Induit in montes gelidos, & lustra ferarum.
Dives inaccessis ceu Solis filia lucis,
Transformata virum medicatis frugibus ora
In faciem mutata novam, vertebat in ursos,
Setigerosve suos, fulvorum aut terga leonum,
Mores feræ clausos miserè præsepibus altis.
Obstupuere animis Styphalus & impius Azan:
Quid faciant? turpine fuga an virtute salutem
Incolument expédiant? timor hanc, pudor impedit illam.
Dum dubitant, Azanis atrox per pectora virus
Cynthia diffundit, sparsosq; liquore furentes

Excitat

Excitat alipedes: illi ut sensere venenum
 Visceribus lapsum, calidisq; hæere medullis,
 In furias fremitumq; ruunt, frenisq; solutis
 Aurigam currumq; simul per celsa volutant.
 Nunc Pholoën, notumq; prius furitate Lycaum
 Transmittunt: timor haud fluvios innare rapaces
 Nuncq; humiles, iterum sublimes surgere in auras
 Non sic durus amor, Venerisq; afflata voluptas,
 Fœmina cum noto nares accendit odore,
 Flumina per montesq; marem rapit, atque fatigat,
 Donec inexpleti stimulos avertat amoris.
 Horruit aspectu Berecynthia mater, & ullo
 Nè quis fortè Deum montem sibi vindicet ævo,
 Ipsa sacras fixit frondoso in vertice sedes.
 Ast lateri avulsum sibi dum malè cernit amicum
 Stymphalus, fugit effusè, Divamq; tremiscens,
 Quod timuit jam torus erat: nemus ilice densum
 Cæsaries dedit, & sparsi per colla capilli:
 Montis apex caput est: humeri juga bina: lacerti
 Ventre coherentes vasta se mole per agros
 Protendunt: tenuem velut attenuatur in auram
 Spiritus: humor aquæ fit simplicis, inq; Pamisum
 Sanguis it: ille cadens raucum per lævia murmur
 Saxa ciet, cultisq; furit damnosus in arvis,
 Sæpius ut gravidis procumbat culmus aristis,
 Spemq; fatigati defraudent rura coloni.
 Hæc quis fortè, cava dum vellit ab ilice glandes,
 Saxa videns subitò sylvestribus horrida dumis,
 Totq; novos vastum montes se effundere in æquor,
 Ignotasq; inter decurrere flumina valles,

K

Extimuit, famamq^{ue} rei, factumq^{ue} nepotes
 Transtulit ad seros, omnis quod credidit ætas.
 Nec jam vana fides: non est dubitabile verum,
 Facta patent, certisq^{ue} licet cognoscere signis,
 Arcadiam servare nigri vestigia succi.
 Hinc Phene; nocturna bibentibus officit unda,
 Lymphaq^{ue} Clytorii calido contraria Baccho,
 Tædia certa parit vini: Hinc gravis horrida taxi
 Umbra nocet: fugias hanc fesse viator ab æstu:
 Hic tibi dira quies, si credas membra cubili,
 Lethæum æterna patieris morte soporem,
 Hinc Nonacrinis qui rupibus effluit humor
 Fit tacta tellure lapis, potusq^{ue} calorem
 Vivificum necat, atque inducit frigora membris.
 Hunc ne fictilibus concluderis inscius ollis:
 Testea vasa gelu, & firmissima rumpit æhena.
 Afficit exesum scabra rubigine ferrum,
 Tàm fera sævit hiems, vis est tàm mira veneni.
 Interea armipotens ingenti cæde peracta,
 Cum spoliis redit, exuviiis induta Lycai,
 Diva, laboranti ut succurreret impigra cælo.
 Namque ubi concèpere iras, victiq^{ue} dolore
 Invenere viam furis, per tela per hostes
 Terrigenæ arma ferunt: Ephialtes Pindon & Ossam,
 Pelion Enceladus vastumq^{ue} Athamanta cohortes.
 Volvit in ætherias Homolen rotat acer Orius:
 Besbicus & Briareüs socio iuga robore vellunt
 Ardua Pangæi: immanis Libethron Alæüs,
 Ismaron Otus agit, Rhedopen Adamastor & Hamum,
 Ææperus Titaron, Meropum trunculentus Echion,

Pieron

Pieron Oromedon. Misſorum involvitur atro
Telorum imbre polus, ſpiſſiſq; offunditur umbris.
Non aliter quàm cum lucem circum ætheris alti
Eripuit volucrum denſis exercitus alii.

Ante omnes rex Eurymedon magnum agmen ad aſtra
Cogit, & imperii pubem venientis amore
Inſtigat Phœacem, animiſque audacibus implet.
Terribilis centum manibus centena Typhœus
Tela regit, totidemq; efflat de naribus ignem.

Aſpera pars gravibus miſcet certamina contis:
Montibus armatur pars maxima: Cœus Olympum
Viribus aggreditur magnis, partemq; revellit.
Saxum immane Mimas, campo quod forte jacebat,
Ad cœlum cum voce rapit, raptumq; Dianam
Torquet in inſtantiem: ſed fruſtrâ, ictuſque ſeſellit,
Deciduumq; ruens, pernitiuſ alitiſ Auſtri
Flamine, vel Parthi jaculis, cadit inter Halæſum,
Ioniumq; Melan, velut actus nubibus imber:

Ardua terrarum reboant: Cinyreia Smyrna
Phocæuſq; ſinus nutant, atque Aſia longè
Pulſa palus, cygniſq; ſonantia prata Cayſtri.
Penè ſimul Pteleon, priſcaſq; involvit Erithræ,
Tanta mole ſilex, hinc Trallibus, atque Tymolo
Imminet, hinc Lebedum protenditur uſque, ſacratam
Religione patrum Phœbo, ſceniſq; Lyæi,
Auctor ſq; tenet cognomina certa Mimantriſ,

Obvia Cœlicolæ, & crudo cum Marte Minerva
Arma ferunt: longè ante alios Tirynthius heros,
Horridus in jaculis, & victi pelle leonis,
Agmina ductor agit, vaſtaq; Apheſtora clava

K ij

Occupat, extenditq̃ solo, quem propter eodem
 Concidit Oromedon fato, ditissimus auri
 Qui fuerat, magnūque alta tellure repostum
 Argenti pondus longo celavcrat ævō.
 Ille quidem poterat lethum evitasse, dedisset
 Antè nisi pectus telo male sanus inermum.
 Tum lucta aggreditur Calarim, Telephumq̃ trucidat,
 Ausum, immane nefas thalamum incestare Sororis
 Enixumq̃ vado Sperchii immergere partum:
 Ille cadit, scelerisq̃ sui dat sanguine pœnas.
 At furis Stheneli mens effera, triste suorum
 Bellum animo versans, magna volat obvius ira,
 Et latus Alcide jaculo rimatur adacto:
 Frustrà equidem, magnisq̃ urgens conatibus hastam,
 Perrhæbi graviter sub mento guttura fixit
 Olyari, dextraq̃ fuit justissimus error.
 Ter conatus idem Litagus: ter maximus armis
 Obstitit Alcides, solusq̃ immota tenebat
 Tela tot adversus, nec quidquàm animosa remisit
 Corda, pedesve retrò pressit, licet undiquè saxis
 Obrutus, & crebris resonarent ictibus armi.
 Haud secus atque canum sylvis latratibus actus
 Sævus aper, multos quem nubifer Apenninus
 Pavit arundineis Vestimū saltibus annos:
 Ille plagas inter, si quando ad prælia ventum est,
 Venantū rapido immissas dente excutit ornos,
 Deterretq̃ canes, spuma s̃q̃ agit ore cruentas:
 Stat Picena manus circum, pubesq̃ Sabella,
 Mirantesq̃ feram, atque horrentes tergoe seras,
 Irritant tutis longè clamoribus Umbrum.

Pergie

Pergit adhuc satus Alcmena, violentior ira,
 Quaq̃ virum globus à tergo densissimus urget,
 Prorumpit, clavaq̃ Cabino Aniene profecti
 Diffidit os faciemq̃ Dari, gladiumque nitentem
 Eripit à victi femore, ereptumq̃ coruscat
 Terribilis, ferroq̃ viam molitur, & urbe
 Osiropum Megara, patriaq̃ Medonta superbum
 Aetola, mediam ante aciem trahit, & per utrumque
 Transadigit gladium: olli alto tellure recumbunt
 Cum sonitu, sparsaq̃ velut luctantur arena.
 Iphinoum, sociis dum vult succurrere lapsis,
 Fata tulere eadem, & stratus prope concidit ambos,
 Suspiciensq̃ iterum cælum, jam mente recepta,
 Palantes inter reliquos gemitumq̃ cadentium,
 Thracia de gente videt, sed terga parantem
 Vertere Stesiarum, projectis turpiter armis,
 Cujus opem implorare volens, frustratur hiantem
 Irrita vox, funditq̃ animam pro voce sub auras.
 Parte alia late metuendus Juppiter atris
 Fulminibus furit, & cælo caeva nubila rumpit:
 Præ reliquis dum bella movet, Martemq̃ fatigat,
 Corripiunt Erinaum ignes, hirtamq̃ repente
 Crinibus exurunt barbam, illapsiq̃ capillis
 Asiliunt, gratumq̃ comæ populantur honorem.
 Ille quidem manibus tentat divellere flammæ,
 Atque avidas inhibere faces, diffusus at ardor
 Exsuperat, sumuntq̃ novas incendia vires:
 Tum demum horrendum frendens, magnoq̃ dolore
 Efferus, in vada se gravolentis rauce Sicendi
 Præcipitat, flagrantiaq̃ ora palude volutat.

K ii

Sed sacer ignis aquis mediis magis ardet, & aestu
 Visceribus sævit, nullaq; domabilis unda,
 Dum quid pinguis adhuc superest in corpore succi,
 Quæq; vorat, flammis alimenta rapacibus exstant.
 Obstupuere animis liquidi gens incola stagni,
 Sæuius imperium Jovis, horrendisq; Tyrannum
 Ignibus armatum metuentes æthere lapsum:
 Moxq; timore omnes veterem pressere querelam,
 Aeternumq; tacent, atque alta silentia servant.

Nec procul hinc Cinnum trepidantem & dira paventem
 Supplicia aggreditur Belus, retrahitq; fugacem,
 Avulsumq; humeris caput, & sine nomine truncum
 Corpus humo tectum, foveis abscondidit, unde
 Nomen habet, quondam raris habitata colonis,
 Sed nunc Cinna potens, Athamanisq; incluta terris.

Diffugiunt reliqui, sylvisq; teguntur opacis:
 Se quoque circumstant quæ deinde pericula Rhæcus
 Aspiciens, fugit, & mota cervice, reflectit
 Retrò oculos, umbræq; sequentis terret imago.
 Tunc etiam immanem videre Typhoea primum
 Turbatum, & Superos cælestiaq; arma timentem:
 Tunc minùs audaci Encelado fiducia cessit.

Instat vi pater omnipotens, solumq; per omnes
 Typhonem petit, in solo Typhone moratur.
 Ille per Aegæum fugiens, Asiamq; propinquam,
 Ad gelidos Scythiæ populos, ubi cautibus horrens
 Caucasus, intonsusq; assurgit ad astra Niphates,
 Se Jovis eripuit conspectu iramque fefellit,
 Segnior haud sequitur per Caspia regna, ferosq;
 Juppiter Hyrcanos, depræsumq; igne trisulco

Sauciat,

Sauciat, atque omnis, si mens non laeva fuisset,
 Terrigenum hoc uno res procubisset adempto:
 Mars nec Aloiden sensit, tale nec unquam
 Imperio Jovis exitium venisset & astris.
 Heu fati ignari Superi: sine fulmine, inermis
 Irruit, immani fretus se offerre Typhoeo,
 O caelum, o Divum domus ardua, & incluta bello
 Aënia caelestium: quater ipso in vertice montis
 Substitit ipse Gigas retrò quater arma repressit,
 Immemorat pergit discriminis, atque furore
 Cæcus, atroci audet lucta contendere monstro:
 Ex illo spes fracta Deum, labefacta q̃ virtus.
 Corripit amplexum Typhon, & fortia circum
 Brachia dat, spirisq̃ in nodum ingentibus arctat,
 Tum sic deivictum alloquitur centenaq̃ solvit
 Cuttura. Venisti tandem exspectate Typhoeo,
 Saturni genus egregium, datur ora tueri,
 Audacesq̃ manus, quis fanda nefanda minatus,
 Et lethum Tellure satis? sic rebar, amice,
 Tempora dinumerans, venturaq̃ fata, futurum.
 Nunc hominum Divumq̃ pater mea regna videbis,
 Misceriq̃ tuo totum sine numine mundum.
 Quid tibi mentis erit cernenti talia, sensus
 Qualis erit? Terragenitos considerare cælo
 Invidia est, astrisq̃ nefas regnare Gigantes?
 Fas equidem illatus justumq̃ parabitur armis:
 Invidiæ mors atra dabit regniq̃ sequestrem.
 Omnia nunc, licet, assumas miracula rerum:
 Victori insulta truculentus imagine Tauri,
 Et, velut Asterien, Aquila luctante teneto:

Cygneas simula pennas, vel sævior anguis.
 Corripe funesti mea pectora rabe veneni.
 Ut corpus redimas, cælo pluat aureus imber,
 Saxa q̃ mutata solvantur in horrida nubes,
 Quid cessas, sceptrone cares, num fulmina desunt?
 Concute sæcundum pectus, tibi mille nocendi,
 Nille artes, nunc una det ut solvare, vetetq̃
 Terrigenis ferro sceleratum excindere cælum.
 Talibus insultat malè sana mente Typhoeüs,
 Multa Jovi objiciens, oneravitq̃ athera probris.
 Est locus, æquoreos Cylicas quæ pontus ad Austrum
 Alluit, inq̃ sinum scindunt se bina recurvum
 Brachia, jactatis statio tutissima nautis.
 Corycus hîc (opus humana haud imitabile dextra)
 Religione sacrum specus est: multisq̃ timore
 Numinis excultum populis: locus ipse videnti
 Horrorem incuteret, tanto celaverat arcum
 Natura ingenio, levibus testitudine tophis,
 Aetheris in morem, educta laquearibus altis.
 Intus aquæ vivæ, & nativo pumice sedes,
 Nympharumq̃ domus: circum genialis odores
 Terra parit varios, casiam semperq̃ rubentis
 Tenuia fila croci: tum sylvis scena coruscis
 Desuper incumbens, obtentu frondis inumbrat.
 Hunc pedibus raptum, ex humeris, ceu turpe cadaver,
 Suspendit: misero cervixq̃ comæq̃ trahuntur
 Per terram, squallentq̃ sereni pulvere vultus
 Et primum indigetes Nymphas, quò testis abesset,
 Ejicit, & longè vulgus sibi submovent omne.
 Semianimem inde Jovem speluncis abdit opacis.

Carceribus

Carceribus clausum circum, atque horrentibus umbris.
Neu quid inexpertum scelerum esset, neu quid inausum
Liqueret, erepto (dolor heu) manuumq; pedumq;
Ense secat nervos: subito convulsa dehiscunt
Vulnera parva prius, contractaq; membra rigescunt,
Tormenti genus infandum, caedesq; Tyranni
Effera, ut inclusum longa sic morte necaret,
Omnia cujus erant, etas quem nulla coactum
Viderat: antè amplius cui non suffecerat orbis,
Terraq; tractusq; maris, cælumq; profundum.
Quem nec Atlas, Criusq; ferox, non arte Prometheus,
Non anni domuere decem, non arma Parentis.

L



B E L L I

G I G A N T E I

LIBER TERTIUS.



EXtemplo totum volitans pennata per orbem
 Fama ruit, captumq; Jovem, vinculisq; coactum
 Nuntiat, & Cœlestum improvida pectora turbat.
 Cernere erat largos omnes effundere fletus,
 Et Jovis indignam sub pectore volvere sortem.
 Luctus ubique ingens, pavor ingens, omnia tristi
 Plena metu: sonitus sylvarum, auræq; strepentes
 Horrificant animos: Non ullo tristior ævo
 Visa poli facies, postquam pater extudit orbem
 Aetheris omnipotens, & prima exordia rerum.
 Junoni inprimis gelida formidine pectus
 Dirigit, scinditq; comas, percussa decorum
 Sæpe manu pectus, mediaq; in voce resistit
 Suspirans graviter: circum, longo ordine, Nympha
 Bis septem assistunt, lacrymisq; fluentibus ora
 Mœsta rigant, clamantq; Jovem: resonabilis Echo
 Pulsa Jovem ingeminat, & fœmineos ululatus.
 Ceu volucris, caram cui cura educere prolem,
 Dum legit ore cibos, parvisq; Quiritibus escam,
 Prenditur immani malè provida vulturis ore:
 Implumes miserè latebroso in pumice nati
 Exercent teneros questus, matremq; requirunt
 Funeris ignari, & modò si sonus impulit auras,

Ora

Ora tenent, frustra q̃ inhiant, iterantq̃ querelas.

*Terrigenis iterum redit in praeordia virtus,
Major & aßertis crescit fiducia rebus:*

Latitia exsultant pariter, plausuq̃ frementes,

Non diuturna fovent incertae gaudia palmae

*Jam revocare fugam, & certam sperare salutem
Incipiunt, animoq̃ polum & super ardua scandunt*

Sidera: quisque sibi Caelestium spondet honores.

Non secus ac hiemes perpeßa, gravesq̃ ruinas

Aetheris, infuso demittit amaracus imbre

Triste caput, pluviisq̃ comas turbata fatiscit.

At jucunda dies faciesq̃, innubila Phœbi

Si redeant, iterum cælo redi viva sereno

Explicat os vernum, & priscum meditatur honorem.

Ergo atrox Briareus, unaq̃ Phalacrius arma

Suscitat Eurymedon, & festa fronde revincti,

Tercentum statuunt aras, maternaq̃ sacris

Numina muneribus cumulant: pars thure litato

Aera Idea quatit: pars Oricia terebintho

Obloquitur digitis biforis discrimina cantus:

Tympana pars pulsat: tandem Phœacius heros

Concilium cogit sociorum, & talibus infit:

Nunc vos astra vocant data, nunc spes discite vestras

Juppiter auxilium eripuit, non tela vel ignes

Qui regat est quisquam: jam fulminis auctor ademptus,

Principium palma, victoria certa sequetur.

In manibus tellus nostris: tot millia gentis

Terrigena arma ferunt: tantum sublimia restant:

Hac quoque sunt olim nostros auctura triumphos.

Nil me fata movent, nil ferrea iussa Sororum.

E ij

Sat Parcis fatisq^{ue} datum, quòd regna, poli^{que}
 Rexerit imperium jam longo Juppiter ævo.
 Sunt etiam mea fata mihi, & si nulla fuissent
 Atropos ad nostrum sua ferret stamina nutum.
 Semideis hac pensa viris dominantur: at illis
 Inferiora, ardens quos vexit ad æthera virtus
 Militiæ haud Saturnus erit, pacisq^{ue} magister,
 Nec Latiis profugi condemur turpiter oris.
 Exsulat à nobis hoc probrum, & inertia furta
 Iâ petionidæ: non hîc Epimethea stultum
 Esse putent, decimum quem distulit acer in annum
 Cottus, & adjuncti fratres Briareûsq^{ue} Cygesq^{ue}.
 Nunc mutata loco cessit fortuna, Cygesq^{ue}
 Et Briareûs, cælum exosi, nostra arma sequuntur.
 Ergò animis juvenes prompti, officiisq^{ue} parati,
 Ætherios ferro atque igni circumdate muros:
 Fossarum superate moras: exscindite vallum
 Ensibus objectum, atque armis obsidite portas:
 Cuncta patent, nec Cœlestum vis ulla vetabit.
 Talia voce tonans verbis cælum omne replebat:
 Ingeminant sylvæ, & duplicata resultat imago.
 His furor exarsit, penitusq^{ue} efferbuit ira,
 Insanoq^{ue} iterum juvat indulgere labori.
 In via nulla putant cælo, & totum æthera mente
 Concipiunt, liquidoq^{ue} fruuntur nectare Divum.
 Pars sese accingunt operi, atque immania sylvis
 Robora, tarda moræ, ne obsint dispendia longæ,
 Infabricata ferunt: disjectam attollere molem
 Pars agitant, cæloq^{ue} altos educere montes.
 Theodamas rapit Othryn: atrox cum fratre Thoone

Astræus

*Astræus frondosum involvere Pelio Olympum.
 Vimagna aggreditur: congesta cacumina summas
 Exsuperant nubes, cæloq; minantur aperto.
 Tantis Atlas vix assurgit conterminus astris,
 Tantis inaccessis nec rupibus Indus Aërnos
 Erigitur, quem non volucres, non ipsa supremo
 Cara Jovi, sublime volans, supera verit ales.*

*Et jam, principium pugna, clypeata relictis
 Agmina procedunt castris, altumq; Typhoeüs
 Vociferans, Cæo Phæbiq; à sanguine Aloëo,
 Explorent aditus, cælumq; indagine cingant,
 Imperat: insidiis totidem post terga relinquit,
 Fraudibus insignem Enceladum, sociumq; Mæimanta,
 Ambo animis, ambo arte pares, nec Marte secundo
 Hic sit an ille prior res cognita. Cætera pubes
 Eurymedonta ducem sequitur, spiratq; cruentas
 Ore oculisq; minas, & plurima vulnera Divis.*

*Sedibus æthereis contrà supera alta tenentes
 Arma acies rapiunt pavidæ, rationis in armis
 Nec sat inest, tantus Cælestium pectora terror
 Horrificat, magnoq; foveat discrimine vitam
 Spemq; metumq; inter, dubii, num tendere contrà
 An celerare fugam, & deserto excedere cælo
 Expediat: Vætat hoc Titanum exercita fatis,
 Atque decennali bello spectata juvenus:
 Illud fama jubet gestarum maxima rerum,
 Calituumq; occurat honos, quos ultima Thyle,
 Ultima Taprobane, & sub utroque jacentia Phæbo
 Littora suspiciunt, Erebiq; reposta tremiscunt.
 Non patitur turpem virtus indicta repulsam,*

L ij

Exsuperatq; metus, hostemque relinquere inultum
 Ira pudorq; vetant: tum desperatio mentem
 Magnanimam inspirat, calcarq; ad fortia subdit:
 Quoq; magis metuunt, magis incrementa furori
 Adjiciunt. Veluti caelo densissimus Auster
 Cum fœdam glomerat tempestatem imbribus atris,
 Aut æstate nova, aut cum Sirius ardor anhelat,
 Quò magis insurgunt nubes, intensior intus
 Hoc magis æstus atrox feruet, luctatur & aura
 Liberiore frui, graviorq; immurmurat horror,
 Atque fragor longo perlabitur aëra tractu.
 Interea armipotens Superis instabat Aloëus,
 Egregio in vectus curru, cui Solis & omne
 Antiopes genus, atque insignia facta parentum
 Per tot ducta viros, insculpserat acer Omarus
 Artifices inter toto celeberrimus orbe.
 Frena Pelethronios cohibent aurata jugales,
 Insultare solo, & gressus glomerare superbos
 Assuetos, pedibusque leves prævertere ventos.
 Mox cæli ad portas & propugnacula prima
 Bellicus exoritur, vario certamine, clamor.
 Cælicolæ obsistunt ferro, atque angusta locorum
 Milite defendunt objecto, aditusq; coronant
 Ensis exsertis. Torvus media irruit arma
 Gradivus, non ille virum, non ille Gigantum
 Telorumque memor, crebrisq; exasperat iras
 Cornipedum plagis hinnitu complet acuto
 Armiger astra Phobos: Dimi per colla fluentes
 Ventilat aura jubas, & spuma exæstuat ore.
 Phæbigenam vidit Mars, Martem vidit Aloëus,
Concurrunt

Concurruntq; ab utraque equali parte furore.
 Mars, prior ausus equos venienti offerre, viriq;
 Tendere in ora: Gigas haud illo segnior, ense
 Lora ferit stricto, & primus retinacula solvit.
 Acrior hoc Mavors, humeris jam jamq; prehensis,
 Avellit clypeum: ille fuga versisq; quadrigis
 In diversa ruit, turpiq; elabitur astu.
 Vidit ut elapsum, gravior dolor ossibus ardet,
 Atque iterum à tergo reparatis instat habenis.
 Hinnitur strepituq; rotarum excitus Aloëus,
 Sistit equos dubius, veteresq; recolligit iras.
 Fit sonitus plausuq; Deum studiisq; faventum.
 Illi inter sese magnis conatibus urgent
 Quadrijuges, altè exseris in vulnera dextris.
 Non aliter, quàm si gemino de cardine mundi,
 Hinc Aquilo, indè Notus, diversis viribus ambo
 Incubuerè mari, & multa vi praelia miscent:
 Hac hiemes, Scythicaq; nives, septemq; Triones
 Desudant: illa Pagasæus parte Canopus
 Nymbisq; pluviisq;, & aquosis fulminat Austris.
 Indomiti transversa fremunt, pulsiq; sonorem.
 Dant scopuli, & vastos volvunt ad littora fluctus.
 Gradivus capit antè locum, gladiumq; recludit,
 Egregium Ignipotentis opus, quo compulit olim
 In cædem immanes Lapithas, Phlegyasq; bimembres.
 Longa manu contrà lucenti hastilia ferro
 Depromit, bigisq; ferox insistit Aloëus.
 Jamq; propinquantès spatii, magno acria motu
 Bella cient, auresq; cavas, & tempora circum
 Verbera crebra rotant: hostile insensus Aloëus.

Torquet, at in clypeum vires effundit inanes.
 Mars gladio melior propius descendit, & ictus
 Ictibus ingeminat, dumq; hostem ardentior urget,
 Collisæ crepuere rotæ, ulteriusq; coacti
 Succumbunt oneri currus, rimisq; fatiscunt.
 Ille rotis metuens, instantem haud prævidet ictum,
 Oraq; trajectus, strictum de gutture ferrum
 Exstat, & incanum trepidat sub cuspidè mentum,
 Auxiliumq; petens vocem molitur, at imis
 Faucibus infixum mandit sub dentibus ense.
 Stabat adhuc, Sed dum attonitis clamore quadrigæ
 Diripiuntur equis, curru resupinus inani
 Excutitur, lacero tamen ut penderet ab axe,
 Signaretq; suo vestigia trita cruore.
 Victori circum applaudit cælum omne, metumq;
 Excludunt Superi. Mavors spolia ampla recenset,
 Miraturq; ocreas læves, & pondera balteï,
 Insignemq; auro galeam cristasq; sed illis
 Emeritos exornat equos, setisq; jubarum
 Implicat inserras, ipsumq; hostilia circum
 Agmina raptatum, suspendit Aloëa curru.
 Horridus at turbas inter fremitumq; Ephialtes,
 Ut vidit genitorem indigna morte peremtum:
 Substitit attonitus primo, victusq; dolore
 Vix lacrymis caruere genæ, quas ira repressit.
 Tum super assistens, sædatos pulvere vultus
 Tollit humo, talesq; effundit ad æthera questus,
 Hac ego te, miserande parens, hac morte necatum
 Raptari bigis, factisq; indigna ferentem
 Aspicio? anne tibi, sub tanta pericula misso,

Adferre

Adferre auxilium geminis data copia natis?
 Sicne tuis iussis, terraq; mariq; sequuri?
 Heu mater, desolata, heu, mea cura, sorores,
 Heu frater germane, an sic tua cernere facta
 Care senex dabitur? sic te praeunte magistro
 Militiam & grave Martis opus tentabimus? omnis
 Spes tecum occubuit: tantum haec solatia restant,
 Quod diversa cadant licet omnia, vita negetur,
 Sit tamen ereptum pugna, dextraque redemptum
 Qui te mandet humo patriae, decoretque sepulcro.
 Talibus ingeminat, patriumque, iuvante Telone,
 Eripere accelerat, furtimque auferre cadaver.

Respicit exorto Maavors post terga tumultu,
 Raptoreque videns, animo indignatus acerbo,
 Quid tentatis, ait, quae tanta audacia vobis
 Surgit? non cineres, non seva piabitis ossa:
 Exsequiis bustum extremis, & honore carebit,
 Cocytique inhumatus aquas, regna in via virgis,
 Centum hiemes circum, & totidem volitabit aristas,
 Donec ad extremum variis erroribus actus,
 Expleto tenebris numero reddatur & umbris.
 Sic fatus, subito in verbo vestigia torquet,
 Ingentemq; Telona neci demittit, & hasta
 Urget Aloiden, sed nullum missa ferebat
 Vulnus, & in casum discussa in nubila fugit.

Tum demum juvenis furias exardet in acres,
 Non aliter quam si Lybicus immanis in oris
 Orba leaena furat catulis, factique requirat
 Auctorem, atque atro pandat, caede oblita, rictus.
 Accurritq; fremens, verbisque minantibus inst.

ℳ

Non sat erat letho excepisse, scelestæ parentem,
 Quin coneris idem facinus? manet ultio factis
 Certa tuis, modo me genitor miserandus Aloëus
 Magnanimum erudit, genitrix cum rapta, sororq;
 Pancratis hac dextra victo fuit hoste redempta.
 Unde genus ducō, vos æquora restor & umbras
 Defunctas, quencunque etiam fortuna minaris
 Eventum, patiar quid vis, modo dedecus armis
 Ulcisci illatum, dignasq; rependere penas
 Detur, & hostiles patris superaddere manes.
 Hoc animo fixum, aut eadem me fata manebunt,
 Aut moriēre simul dabitur, quod cæde petisti.
 Talibus effatus, saxum diuulsit, & ora
 Impulit in male fida Dei: sed nubila vulnus
 Excepere datum, & vacuas furit ictus in auras.
 Saxa cupit sumsisse alia, at dum nulla supersunt,
 Eripit ingentem ex adytis cratera, Cyclopum
 Arte laboratum, puero quem amplectitur auro
 Pampinus, atque omni diffusi parte corymbi,
 Cradivumq; scypho petit, & genua ima resolvit,
 Non tamen ægra labant, quidquàm aut tardatus, in hostem
 Fortior erigitur, motasq; resuscitat iras
 Atque iterum correpta solo carchesia facti
 Vertit in auctorem: ille, elapsus corpore, cedit.
 Inca sumq; poli per carula rapta feruntur
 Erigonen juxta squamisq; ingentibus Hydram.
 Juppiter at, facti ut superesset fama fidesq;
 Donavit cælo, & septem micat ignibus astrum.
 Felici exultat successu animosq; Ephialtes,
 Fortior atque hasta incumbens, petit alite telo

Nudatum

Nudatum obtectu clypei femur, intimaq̃ alto
 Vulnere perrumpit labefactis ossa medullis.
 Palluit attonitus Mavors, titubatq̃ labanti.
 Assimilis, tremuloq̃ legit vestigia gressu
 Et quantum ense potest hosti instat, & omnia tentat.

Vidit at hoc frater, fessoq̃ supervenit Otus,
 Otus Aloidēs, usquā quopulcrior alter
 Non erat Anguipedum, Phlegrea nec induit arma.
 Ille statim hostiles interritus excipit ictus,
 Opponitq̃ humeros latos, durataq̃ terga,
 Donec inaccessum prius occupat, & simul ambo
 Se velut amplexi, & pedibus permutua nexis
 Impediēre pedes: sicut Jovis alite raptus
 Anguis atrox cauda spaciātes implicat alas.
 Hic torvum videt, ille fremit. flammāq̃ cruentis
 Scintillant oculis, & ni natura negaret
 Quisque (nefas) vivos morsu depasceret artus:
 Dumq̃ pares hinc inde effusis viribus urgent,
 Procubūere solo, vasto cum pondere, ut olim
 Taygeti iuga, Menadibus bacchata Lacænis,
 In Lacedæmonios, mota tellure, ruebant.

Erexere animos Ephialtes atque Calaurus,
 Et properare necem strictis mucronibus ardent.
 At Bellonæ atro effervescit sanguine bilis,
 Exsurgitq̃ facem attollens, inq̃ ora Calauri
 Conjicit, & flamma vultum crepitante cremavit.
 Ille dolore amens, & lumine captus utroque,
 Quò ruat, ignorat, cæloq̃ ejectus, in æquor
 Turbatur, quā Nisa patris furata capillos
 Facta refertur avis, devicto invisa parenti,

M. ij

Ejus & Argolici retinet maris insula nomen.

*Viribus interea Gradiuo prævaler Otus,
Sublatumq; humeris per mille sequentiatela
Eripit, antiquos Curetum elapsus adoras,
Speluncamq; petit, vasto quæ cæca recessu,
Montis inaccessi præruptis undiquè saxis
Deprimitur tellurem infra, manesq; profundos.
Vidit ut hanc Maavors, animo crudele perosus
Supplicium, seruo quamvis superatus ab hoste,
Non tamen abstinuit, contraq; obnititur Oto,
Quantum humeris pedibusq; valet, sicq; ora resolvit.
Ne potius, me dede neci, quam carcere clausum
Conficias: in me strictum convertito ferrum:
Hoc ego, fors votis si non diversa fuisset,
Nostraq; sacrilego rubuisset dextra cruore.
Atque, utinam, possem, mutata sorte, vel iras
Explerem, & nostrum horreret, scelerate, furorem,
Sed non ille minis, verbisq; movetur acerbis,
Pæna statuta placet, claustrisq; juvante Nilino,
Desuper immittit, nequidquam sæva rudentem,
Spirantemq; iras: dein centum immane catenis
Obvolvit saxum, ferro quod & ære paratum
Fulcibat gravido munitos objice postes.
Terrigenum ruit ætutum vulgatus ad aures
Rumor, & erectos majoribus incitat ausis.
Obstat at Alcmena genitus, castrisq; paratum,
Ignarus quid agat tantis clamoribus hostis,
Prævenit auxilium: gravior sed nuntius aures
Vulnerat, exceptum insidiis & viribus Oti
Maavorrem, vinclisq; coactum carcere claudi.*

Ergo

Ergò omnes trepidant, mœstumq; in sidera luctum
 Territa solvuntur: primum circumspicit ipsum
 Auctorem Alcides, quem dum non invenit usquam,
 Fratrem ad supplicium magno clamore reposcit:
 Utq; sit exemplo reliquis, moriturus in hostem
 Fertur, & ora viri clava propè diffidit: ictum
 Cautus at Ascræus flexa cervice fefellit.
 Tum verò furis Tirythius horret, & ira
 Effervet, dextrumq; oculum, frontemq; superbam
 Evertit: cadit ante pedes sine lumine lumen,
 Perq; genas misto lacrymæ cum sanguine manant.
 Subvenit Arcitenens, nervoq; sonante sagittam
 Dirigit: illa volans magno stridore per auras,
 Casidis adversæ in conum deferitur, ibiq;
 Frangitur: eluso sed Phæbus alacrior ictu,
 Ecce, aliud jaculum adducto librabat ab arcu:
 Dum trepidat: mox tela sinistri luminis orbem
 Effodiunt, calidoq; hærent tepe facta cerebro.
 Cynthia diversum Phæbo molitur, & arcu
 Neglecto, in tergum venabula torquet, & uno
 Vulnere trajectis haurit præcordia costis.
 Volvitur Ascræus letho, multoq; cruentus
 Sanguine, cum gemitu vitam exspiravit in auras.
 Cælicolæ Diviq; omnes clamore sequuntur
 Sublato, pulcroq; artus, juveniliæque ora
 Mirantur primis nondum barbæ aspera signis.
 Tum satus Amphytrione sibi galeam armæque victi
 Vendicat, exuviis prædæque potitus opima:
 Phæbus Amazoniam pharetram Scythicâsque sagittas
 Victoris pro laude petit: lorica Dianæ.

ℳ ij

Auro intertexta, & triplici discrimine cedit.
 Et jam fama recens facti perfertur ad urbes
 Bœotas, totamq; implet rumoribus Arnen,
 Aëriamq; Eteōnon, & Orchamenum Minyëum:
 Quin etiam æquoream superans Anthedona, cadem
 Aōniis memorat crudelem Phocidos arvis:
 Interitum mœstæ lugent gnatiq; patrisq;
 Pierides, amplexæ aras, quas marmore nuper
 Mygdonio sacris primi statuere dicatis.
 Persepolim sed fata latent: ignara malorum
 Ipsa Midea toro, cantu solata laborem,
 Inserto raras densat subtegmine telas.
 Parjetibus circum: quot habet natura, colores
 Dispositi, sunt flava croco, sunt fulva virenti
 Tincta hyalo: referunt hæc grana rubentia cocci,
 Illa rigent auro: sunt hîc candentia miris
 Fila modis: illic villis nigrantibus atra.
 Major at ingenio subit admiratio Nymphæ.
 Tres opere in primo Musæ, præsentia vatū
 Numina, quas Thamyras vocat ad certamina cantus
 Thracius, Oechaliis primū delatus ab oris.
 Ira movet Divas, suffusaq; bile tumescunt
 Ora, pudet victo certasse, & lumine captum
 Demittunt: iter ille timet, cæcamq; videtur
 Explorare viam prætento stipite: juxtâ
 Dorion appingit, turres attollit in altum,
 Deprimit obscuras valles, quis ut ipse latere
 Dixisset veras pictas sub imagine formas.
 His raptus Boreæ addit Erichthidos igne calentis
 Threiciasq; hiemes, Nessumq; Hebrumq; nivalem
 Trudentes

Trudentes glaciem, & concretas frigore crustas.
 Hæmus habet lævam, dextram Rhodopeia arces,
 Quas nunquam radiis Oriens, nec Vespere sero
 Phæbus adire potest: animosi at flatibus Euri
 Assidue juga tunduntur, saltusq; profundi.
 Virginibus ô rapta æqualibus Orithyæ,
 Rapta focis patriis miserè amplexuq; tuorum,
 Te veniente dic, te decedente requirunt.
 Matres atque viri, pueri, innuptaq; puellæ,
 Torq; proci, toties quos dedignata maritos.
 Non, veluti quondam, studio gestire lavandi
 Hic cupies: ripaq; æstus viri dante levare,
 Nympharum comitata choris: sed frigore torpent
 Fluminaq; fontesq; geluq; innabilis unda.
 Non hîc strata leges sua quæque sub arbore poma:
 Non tereti carpes demessos pollice flores:
 Non juvenile latus molli fultus hyacintho,
 Aut dorso nemoris poteris jacuisse per herbam,
 Solariq; cava raptum testudine amorem.
 Ah frustra frondes, frustra circumspicis umbram,
 Gramineumq; torum, jam circumfusa pruinis:
 Membra rigent, totis dum solibus aëre ningit,
 Perpetuiq; crepant imbres: illa æmula flammis
 Lumina sideris horrent, pallefcit & oris
 Purpurei tam suave rubens decus, haud secus Indum
 Sanguineis quis pingat ebur vel lilia moris,
 Frustrà etiam Actæos, lacrymis suffusa, penates
 Respicias, erectas tendens ad sidera palmas:
 Dumq; times ablata solo casum, arctius ipsum
 Raptorem complexa tenes, nec fortè remittat.

Brachia conclamas: vanos leuat ille timores,
 Virgineosq; metus, simul oscula nunc data carpit,
 Nunc per vim raptā extorquet, potiturq; negatis:
 Nunc iterum, victus veluti, blanditur, & aptè
 Occurrit furiis, ut vivere fila putares.
 Ultima restabant: cæpit toto athere notos
 Martis Venerisq; dolos, sed nomine Martis
 Horruit infelix inceptaque fila remisit:
 Bis conata fuit, luctus præsaga futuri
 Bis cecidere manus: nec curis absuit omen,
 Fama puellares nam protinus impulit aures
 Tristia fata ferens: stupuit, ceu saxeæ, virgo:
 Stamina labuntur, radii, iuga, pecten, & ore
 Ingemit, heu miserum, verbisq; dolore retentis,
 Dicere non potuit, genitorem: voxq; reliquit
 Et color attonitam, gelidoque resecta liquore,
 Sauciat ungue genas, rectisq; elapsa, vagatur
 Urbe furens, nullosq; hominum tractabilis audit.
 Qualis ubi incaluit nocturnis barbara sacris
 Thyjas, & insolito poscit clangore Cytharon
 Orgia, & Ogygio celebranda triennia Baccho,
 Irrita funduntur solantia verba: medullas
 Est dolor, & tristes vivunt sub pectore curæ.
 Non oculis lacrymæ defunt, non luctibus humor:
 Fine carent gemitus, gemitu atria longa resultant.
 Imò etiam, nox cum terram intempesta teneret,
 Visa per obscuras morientis imago tenebras,
 Infelix simulacrum, atque ipsius umbra parentis,
 Lurida, terribilis, multum mutata cruore,
 Vulneraq; illa gerens, nuper quæ plurima cælo

Accepit:

Accepit: flens ipsa patrem retinere, manuq;
 Corripere effigiem conata, amplectitur auras.
 Excutitur stratis, specie turbata, daturq;
 Materies nova curarum, superesse dolori
 Amplius ut nequeat, mæstamque parentis in umbram,
 Candida correpto figens præcordia ferro,
 Sanguinolenta cadit: resonant plangoribus ædes:
 Collapsam, sparsasq; manus, vulnusq; cruentum
 Thespïades mæstæ aspiciunt, & pectora pugnis
 Contundunt: sed nè subinania Tartara mittant
 Inde plorata, cineri suprema ferebant
 Virgineum ad tumulum, quem circum frondibus aras
 Funereis statuunt mæstas, atraq; cupresso,
 Extremumq; cient manes cum voce sepultos:
 His calathos super injiciunt, muliebriaq; arma,
 Dantq; loco nomen, quod nunc quoque mœnia servant.
 Interea Anguipedes, cæsis custodibus arcis,
 Visuperant portas, & propugnacula ferro
 Ardua rescindunt: hinc alto culmine turris,
 Cui datus hærebat custos Vulcanius heros,
 Corruit, & subitis loca deformata ruinis.
 Illinc bellum agitur telis perq; æthera montes,
 Saxorumq; globus caligine volvitur atra.
 Parte alia horrendus visu audituq; Typhoeus
 Ore Jovis flammæ, strepitu haud imitabile fulmen
 Exprimit, ut quondam certamine nota curuli
 Arva per, Alpheasq; urbes tentaverat audax
 Lampade Salmonæus ignes imitatus Olympi.
 Diffugiunt Superi ex sanguis, & tuta capeßunt
 Mœnia: Terrigenum quos mox exercitus omnis

N

Subsequitur, pedibusq; pedum vestigia carpit.
 Besbicus armatis mediis Cœlestibus instat
 Permistus, magnoq; Deos clamore laceſcit:
 Addunt se comites Celadon, Rhoecusq; Thoönq;
 Bellator: duro rapit ex adamante secures
 Infrendens Adamaſtor, & arma, arma, inquit, in hostes
 Promite, nè profugum vis inclinata resurgat.
 Fundite, perditæ, sternite, claustra reuellite: nullus
 Effugiet: nullus scelera hac sine cæde piabit.
 Talibus effatus, cœli super ardua paſſim
 Dat stragem, & strictis mucronibus obvia tranat.
 Non aliter, quàm cum stabulis illapsus apertis
 Uimine asue super crates, aut iuncea recta
 Fortè lupus: si paſtor abest, somnoq; sepultæ
 Excubie, furit, arque ipsis sub matribus agnos
 Ubere direptos, lactantiaq; ora madentes
 Unguibus exercet crudelibus: improba tenvis
 Ora cruor lavat, & trepidant sub dentibus artus.

At Venus infelix ingentibus excita monſtris,
 Prorumpit, neglecta sinus, neglecta capillos
 Hisq; pharetratum dictis affatur Amorem.
 Gnate, quid hoc tanto ceſſamus cardine rerum,
 Quòve loci fugimus, quam tuti prendimus arcem?
 Exceſſere omnes timidi, cœloq; relicto,
 DI, quibus imperium hoc steterat, mundi q; potestas.
 Iuppiter ipse fuit, fuit alius Olympus, & ingens
 Gloria Divorum, Divisq; potentior ipsis
 Majestas Parcarum, & inexpugnabile fatum.
 Hanc ego num potuiſſem unquam metuiffe ruinam,
 Fortunamq; Deum? vidi ipsa miserrima, vidi

Transfixum

Transfixum femur, & fœdatus sanguine vultus
 Mævortis, quo non fuerat mihi carior alter,
 Tristior alter erit nunquàm. Si sidera dextris
 Defendi possent, illis defensa fuissent.
 Nunc sine honore cadunt, lucem visura supremam,
 Omnia cùm fatis retrò sublapsa ferantur.
 Nos quoque nè sævo circumveniamur ab hoste,
 Acceleremus iter: satis est vidisse labores,
 Et patriæ tristes cineres, lacrymosa que fata.
 Tu ceston, saturasq; auro, baccisq; rigentes
 (Idaliæ chlamydem, & picto velamen acantho,
 Matre laboratum quondam multa arte Diõne)
 Adfer gnate mihi vestes: currusq; rotasq;
 Cura mihi incumbit, Paphiasq; parare volucres.
 Dixerat: ad sonitum vocis circumspicit omne
 In latus, & motu Typhon tremefecit Olympum.
 Terrigenam illa videns, abitum molitur, & axes
 Occupat effusos comitata Cupidine parvo.
 Sensit, & hem meretrix, infamis, adultera, clamat,
 Siste gradum: nostros fugiens cur spernis amores?
 Diva volans hominem nequidquàm vana moratur
 Clamantem: rapitur cœli per cœrula currus
 Ocyor emissa. A Eoliis de montibus aura.
 Stat frendens, iræq; impos micat ore Tiphœus,
 Præcipitesq; datum haud currus æquare sequendo
 Mente dolet, statuitque alio transferre furorem.
 Tum Citherea Venus successu lata secundo,
 Jam super Idæum nemus, & vada salsa Scamandri,
 Phœbeum Simoënta videns, loca grata salutat:
 Sed timor urget edax: mentem fatalia terrent

N ij

Monstra, nec Iliacis audet confidere campis.
 Stat casus renovare igitur, perq̃ ardua Tmoli
 Sardibus incumbit, parvasq̃ inuisit Hypapas:
 Inde suam dextra Cyprum, quā thure Sabæo
 Centum illi spirant fertis redolentibus aræ,
 Cum gemitu aspiciens: quando mea tecta revisam.
 Quando aras, tripodes, lances, fulvosq̃ Lebetes?
 Sic memorat, curruq̃ sedens dat lora secundo,
 Perq̃ Palæstinam, Semeleia regna, vetustas
 Belidum sedes, & Achæ memiam Babylona
 Fessa petit, ripasq̃ legens Euphratis, ad amnem
 Territa descendit, penitusq̃ in valle reducta
 Segnatumq̃ simul frondosis saltibus abdit.
 Hic arcum & pharetram auratam, volucresq̃ sagittas
 Ponit Amor: juxta tunicasq̃ sinusq̃ crepantes,
 Illusaq̃ auro vestes, restantia flammis
 Dona recognoscit, cæliq̃ erepta ruinis.
 Illic lata Venus viridi se sternit in herbæ,
 Cespite fulta caput, quam propter nuda voluptas
 Delitiæq̃ errant, & amantum nocte susurri,
 Illecebræ, amplexus, dulciq̃ fluentia melle
 Verba, joci, rixæ, suspiria, gaudia, cura,
 Tristitiæq̃ sales, pugnansq̃ libido pudori.
 Secreti circum calles, arbustaq̃ celant
 Myrtea, & Assyrii frondescens mæsis amomi,
 Populeaq̃ coma denso sub tegmine obumbrant:
 Invitat somnos crepitantibus unda lapillis,
 Assuetæq̃ rubis volucres, ripisq̃ volantes
 Aethera permulcent grata dulcedine cantus.
 Vix paulum curæ emoræ, pulsusq̃ quiete

Tristi

Tristi corde dolor, cum tempestatibus actum
 Insonuit vento nemus, & vicina fragore
 Virgulta increpuere, & inhorruit unda tenebris.
 Obstupuere ambo, & labefacta per ossa cucurrit
 Terrificus metus, immanem post terga Typhoea
 Eßerati. Secus haud tenuis sine viribus umbra
 Intempesta volans, cum nox terrae incubat atra
 Sopitos falsa ludit formidine sensus.
 Et jam visa pedum pulsu tremere excita tellus,
 Armatumq; procul campo ingruere agmen aperto.
 Extimuit magis: & magis artus occupat horror,
 Unguibus ora Venus fœdans, tum vocibus hiscens
 Exiguus, longo vix tandem tempore fatur.
 Heu, quid nunc profugis superest, quid denique restat?
 Heu gnate, in quo solo omnis stat cura parentis,
 Quò ferimur? quam nunc aperit fortuna salutem?
 Speramusne fugam, an nos nostraq; spargimus undis,
 Precipitesq; damus, dum precipitare potestas?
 Ventum ad supremum est: turbato excludere cœlo,
 Et terris agitare datum est: hoc defuit unum,
 Ille Gigas nostra quò morte tropæa referret.
 Sic agimus vitam æternam, sic nomine Divûm
 Utimur, & nulla fatorum lege tenemur.
 Sed moritura Orcum, Dirisq; sacraria testor,
 Belli non ego causa fui istius inscia culpæ
 Nostrimens pueri: sola inclementia Vestæ
 Tanti causa mali, sternitq; à culmine cœlum.
 At nunc cedo equidem, vitamq; exosa relinquo:
 Posse mori juvat, & pallentes ire sub umbras,
 Sed decuit longè ante fugam, cum indigna meorum

N. ij

Funera conspexi: tunc, cum Martemq, Jovemq,
 Vidimus abreptos, memet super ipsa dedissem.
 Nunc inter deserta ferarum, & inhospita regna,
 Extorris cælo, complexu avulsa mariti,
 Fortè peregrinum tangam captiva cubile
 Victoris, nostroq, illudet, ut antè, pudori.
 Vos ô, vos Genios, & fluminis invoco fontes,
 Vos Nymphas, & si qua fides Euphrate sub imo est,
 Has audite preces, saltem vos parcite gentes,
 Parcite pinnigera, & muti miserescite pisces,
 Acceptisq, sinu auxilium DIs ferte duobus.
 Dixerat, & caput obducto velavit amictu,
 Involvitq, genas, unaq, Cupidine rapto,
 Se mediis projecit aquis: mox (mira, sed omni,
 Fama fide major) pisces subièrè gemelli,
 Atque oneri tergis se supposuèrè recurvis
 Acceptosq, sinu vasto misere sub amnem.
 Hinc pisces violare nefas, pulsoq, timore
 Non escam non ara timent, secura sed alto
 Ocia agunt lati fluvio, luduntq, per undas.
 Juppiter & Veneris parviq, Cupidinis illud
 Indulgens votis, hac pro pietate receptos
 Sideris in numerum, jussit succedere cælo.
 Ast Tellure sati, Divis jam Marte priores,
 Sedibus immissi Superùm, cæloq, potiti,
 Omnia confundunt, vulsumque à cardine mundum
 A Equoreis miscere plagis Ditiq, profundo
 Pro se quisque parant: trepidant hominesq, Dei
 Terrore insolito, cælum compage resolvi,
 Atque iterùm Phaëtonceos instare labores.

Audiit

*Audiit occasus, Tithonius audiit Eös,
Quanta per aetherios sævis effusa procella
Terrigenis ierit campos, quibus ætus uterque
Hinc terræ indè poli fatis concurrerit orbis.*

*Cœlicola aggeribus, vallorumq; obyce clausi
Prospectant inimicum altis de mœnibus hostem
Seq; timore cavis armati turribus abdunt.
Sicut apes, liquidos æther resolutus in imbres
Cum ruit, aut gravior sylvis immurmurat Auster,
Inter se trepida cœunt, campisq; relictis,
Hospitio irrumpunt, seq; intra septa domorum
Proripiunt, musantq; oras & limina circum.*

*Mox primam ante aciem, dum quæ se immittere possit
Non videt, atque aditus frustra Colophonius audax
Tentat, & incassum assultat, multa ore minatus
Tristia, in inclusos verbus insurgit acerbis.
Semidei imbellesq; viri, quid inertia corda
Defensi vallo, & septi circum aggere, portas
Objiciris? pateant vada fossarum alta, foresq;
Aut conferte manus, & aperto credite campo:
Aut nos (testis eris genitrix Berecynthia dictis.)
Turribus excussos planum effundemus in æquor.
Talia jactanti jam dudum intentus Apollo,
Coniunctisq; ferè diducens cornibus arcum,
Hac cum voce latus calamo transverberat acto.
Inunc, sterne acies, & turribus excute Divos,
Semidei hæc responsa viri, scelerate, remittunt.
Egregia ille solo lapsus super intonat arma,
Et fugientem avidis singultibus aëra captans,
Occidit, & volucris fit vita simillima vento.*

*His spes arrecta Cœlestum, impulsaq; corda,
 Nève iterum ignavi trepident, animosq; remittant
 Degeneres, agitant vario certamine pugnam,
 Excursusq; breves tentant, & mœnibus hostem
 Inuitant, pugnaq; cient simulacra frequentes.
 Concitus immani sed Lentescmophius ira,
 Uellere claustra parat, sociasque immittere turmas,
 Limina quâ vasta convulserat antè ruina.*

*Acrior at Marnas, structoque ex aggere Divi
 Obsistunt, lacerumque manus crudeliter ambas
 Deturbant, magna muri cum parte revulsum.*

*Emicat lēnos fraterni funeris ultor,
 Noliturque aditum, atque effracto cardine, vulsas
 Estatione fores torquet, multisq; suorum.*

Mœnibus immisissis, portis bipatientibus astat

*Horret Evamerion, tanto incumbente tumultu,
 Tela inimica videns, infusosq; arce potiri
 Terrigenas, magnoq; Deos clamore fatigat,
 Diversa in regione arcentes turribus hostem.*

Nec mora, Tyndarida gemini, Cepheusq;, generq;

Accelerant: pedibus piger Icarus applicat alas,

Magnus & adversos celerem furor urget in hostes

Non aliter, quàm st. Arfacida, Parthiq; fugaces

Immineant Argis, Agamemnoniusque Mycenis,

Jamq; forum immisciteneant, portisq; recepti,

Accipiant socios, passimque incendia volvant,

Imperium coit Argivum, virésque Pelasgæ,

Inclusumque hostem Inachio vix orbe revulsum,

Rursus agunt Euphratem ultra Nabathæaque regna.

Primus Amicleus digna atque indigna minantem

ibat in

Ibat in Iēnion, portaq̃ è limine raptum
 Fundit humi, impulso gemina inter tempora cæstu.
 Illic Castor eques, densata per agmina vectus,
 Egregium forma juvenem, pubentibus annis,
 Pheston agit, jam jamq̃ inhiat, similisq̃ tenenti
 Cernitur: at solers in gyrum flectere cursum,
 Indeprēnsus abit, dextramq̃ eludit avaram.
 Hoc magis effusus deservit Castor habenis,
 Dumq̃, ferox instat, strictis & anhela lupatis
 Ora quatit, frustra q̃ fodit calcaribus armos.
 Desilit in cælum, & sævum it pedes acer in hostem,
 Cum clamore ruens magno, tandemq̃ coactum
 Vestibulo in clauso dubiarum errore viarum
 Occupat, atque animam crudo simul eripit ense.

Armipotens jaculo premit Eumeroönta Boötes,
 Egregium Eumeroönta, pater quem miserat Alpheüs
 Telchium de stirpe satum divaq̃ Phenisēs,
 Nec potuit fugiens lethum evitare, nec hostem
 Fallere: nam stridens trans ilia venit arundo,
 Inq̃, solum multo spumantem sanguine fudit.
 Tum geminos fratres, Ideo Panthore cretos,
 Teuthrasen & Neleum includit, primumq̃ trucidat
 Teuthrasen, atque imis adigit pulmonibus ense.
 Vix Neleum elapsus asequitur, dextraq̃ sagittam
 Aure tenus jecit: trepidant in vertice criste
 Commotæ, resonantq̃ cavis anfractibus arma.
 His iterum conversa manus per castra Gigantum
 Terga dat: oclusis alii, facto agmine, portis
 Erumpunt: alii specubus seturpiter abdunt:
 Hos timor in præceps agit altis mœnibus: illis

Eripuit mors atra fugam, atque immobile fatum.

Interea fuscis cælum complectitur alis
 Humida nox, serpuntq; obscura crepuscula terris
 Magna Deum mater liquidum super æthera picto
 Invehitur curru, bijugisq; leonibus audet
 Jam cæli secura subire licentiùs oras:
 Luce sua cæcas incendia clara tenebras
 Exsuperant, totoq; furit Vulcanus Olympo.
 Tum sic aggreditur gnatos, verbisq; salutat.
 Sic decet egregiis virtutem extendere factis,
 Sic cælum super ire, Jovisq; retundere fastus:
 Nunc peccata luat: quæ causa coëgit in arma
 Terramq; cælumque, & fœdera solvere furto,
 Cur malè Titanas sua subjugamisit Adulter?
 Ne gravidam imperio tot cur exercuit iris.
 Atque maritales res ausus vertere fundo?
 Quid vetat ulcisci? positone ingloria bello,
 Externo aspicerem mea regna hærede teneri?
 Non mea, sed Jovis est hæc tanti injuria belli:
 Quidquid id est, motis meruisse fatebitur armis,
 Cum placuit, malè posthabita dextraq; fideq;
 Arripere imperium, & scelerato invadere ferro
 Progeniem immeritam, & veros de stirpe nepotes
 Titanis patris: elusam non justior ulla
 Pœna fidem sequitur: nunc expiet arma, suoq;
 Sistat inextinctas effuso sanguine flammæ,
 Nunc autem, noctis dum serior imminet hora,
 In statione vices servate, & cingite muros
 Obsidione viri, & pugnam sperate secundam.
 Sic ait: & gestis bene rebus, cura Typhoëa

Credita

Credita militiæ, & rerum delata potestas.

Jamq̃ optata quies hominum pecudumq̃ labores
Soluerat, alituumq̃ genus sopor altus habebat.

Curis sola Deum corda exercentur, & atræ
Terrorem ingeminant tenebræ, noctisq̃ per umbram

Aera Giganteis circumfulgentia castris.

Arcas erat portæ custos, acerrimus astu

Mercurius, vigilum excubiis præfectus, ad Austrum

Quæ ducunt bivii, diverso tramite, calles

Phylliriden juxta, Nymphaq̃ Coronide cretum.

Phæbus erat socius, curis ingentibus ager,

Communiq̃ viam cæli statione tenebat.

Frater, ait, primum tacito Cyllenius ore,

Quæ sit care vides rerum fortuna, quibusq̃

Auspiciis cælo immineant Telluris alumni,

Hos ego si potuissem unquam sperare furores,

Possem etiam exortis mentem submittere curis.

Quam vellem hac anima intercepti vita parentis

Posset emi, atque iterum desertis reddier astris:

Haud dubiam oppeterem mortem, per tela per hostes

Captivum eruerem: nec deessent pectora, talem

Titanum terrorem inter, cæliq̃ labores

Sublatum pater erudiit, virtute doloq̃

Magnanimum Saturnum & fata extrema sequutus.

Percipe porro, animo quæ nunc audacia surgat:

Undique nos circumfusus, at idonea furtis

Tempora cæca vides, & amica silentia Luna:

Subsidunt sirepitus, obscurasq̃ arma per umbras

Rara micant: Certè captum me posse parentem

Aserere hoc cælo sperarem, si modo necdum

O ij

*Arte Typhoëa crudelibus occubat umbris.
Fama sat est duri mihi cognita carceris: illum,
Si modò forsq; Deusq; juvent, reperire Cilisis
Posse reor terris, aut alii vertice Tauri.*

*Mercurii obstupuit dictis percussus Apollo,
Immotosq; tenens oculos, affatur amicè
Germanum. Deus hunc ardorem mentibus addit,
O penitus dilecte mihi, sequere omnia tanta
Quisquis ad illa vocat: felicibus utere cœptis:
Per te parta salus: in te cœlum omne recumbit:
Tu poteris, si fata velint, revocare parentem,
Et miseros tanta formidine solvere Divos.
Si visurus eum vivo, mihi si illius unquam
Ore frui coràm dabitur, iam lucis & auræ
Amplius usuram haud cœlestis degener optem,
Tum me nulla dies, dum spiritus hos reget artus,
Immemorem arguerit: vos alta silentia noctis
Conscia dictorum, & præsentia sidera testor:
Per Styga polliceor, per quam pater antè solebat,
Si datur immanes superare, parente recepto,
Terrigenas, & partiri spolia ampla Gigantum,
Uidisti quibus Eurymedon exsultet in armis,
Purpureis latus cristis, auroq; coruscus?
Ipsum illum thoraca tibi, conumq; rubentem
Insignis galeæ excipiam, tua munera, frater.
Insper à genitore bonis donabere quantis?
Qualis eris? semper laudem tua facta merebunt,
Gloria semper erit, nullo delebilis ævo.
Dum genus æternum Saturni immobile cœlum
Incolet, imperiumq; pater Dictæus habebit.*

Excipit

Excipit actutum Caducifer ales, & inquit
 Protrahimus fando tempus: peragenda moramur:
 Restat iter: locus insidiis trans ardua surgit,
 Quà patet in bivio Cygnus: mihi dexter eunti
 Pegasus ales erit, conjux Cepheüsq; sinistri:
 Hinc ad Erichthonium brevis est via. cuius ab arce
 Ad Cilicas, menti sic stat sententia, tendam,
 Sed quis Phœbe mihi succedet? tene cruentis
 Hostibus inclusum, & portæ statione relictum,
 Desero, cui semper comes indivulsus adhæsi,
 A latere aut tergo tua per vestigia raptus?
 Non tam longus erit labor, haud victoria tantam
 Nostra moram passura, adeo venti ocyor aura,
 Antè pererratis quàm mundi quibus Eös
 Prima luce diem obsessis Cœlestibus ortam
 Reddiderit: veris modò mentem Chæonis implet
 Ales, & augurium nuper patris arbore captum.

Sic factus, lateri Tegeæam accommodat harpen,
 Assumptisq; alis tacitus discedit, & umbris
 Tutus in obscuris, nocti se credidit atræ,
 Vota metu duplicat Phœbus, tristisq; profusis
 Ora rigat lacrymis, casum infelicitis amici
 Quem metuens: passim at curis belloq; soluti
 Terrigenæ toto proflabant pectore somnum,
 Laxabantq; animos. Volucer jam tuta tenebar,
 Hostibus elapsus, tenebrisq; silentibus Arcas
 Errabat. Primò Cydnum, limoq; fluentem
 Pyramon. & terram ingenti Sarpedone rectam
 Lustrat, Orontæas etiam digressus adoras:
 Indè Syros. linquens, perplexum iter omne revolvit,

O ij

Perq̃ Lycum Chlorumq̃ means, portasq̃ Cilissas,
 Inquiri genitorem: altum clamaſſe volebat,
 Quò pater audiret, ſonitusq̃ veniret ad aures.
 Sed nè fortè dolum, advertat custodia, patrem
 Prodere voce ſua, & certa ſe opponere morti
 Abſtinuit, Solymosq̃ petens errore locorum,
 Corycidas fortè in Nymphas, profugasq̃ Sorores
 Incidit: an caſu dubium, an ſic fata ferebant
 Anguipedum, patuitq̃ ſtatim Deus editus una
 Pleiadum: ſimul hæ referunt data damna ſuumq̃
 Exſilium, ſolumq̃ Jovem, cuſtode remoto,
 Coryciis miſerè clauſum à Typhone cavernis.

Vix Maja ſatus auditis ſua gaudia celat,
 Extemploq̃ ſpecum inquit: nondum antra marisq̃
 Attigerat portum, magnis clamoribus actus,
 Surge, agè, care pater, teq̃ his, ait, eripe vinclis.
 Juppiter attonitus viſis, ſibi ſomnia fingit.
 Sed non ſomnus erat: nam coràm agnoſcere vultus
 Mercurii poterat, præſentiaq̃ ora tueri.
 Tandem pauca refert: ò exſpectate parenti
 Gnate venis, cælo per aperta pericula vectus:
 Indole quid tanta dignum, quæ laudibus iſtis
 AEqua dabo? quid viſ pete, non patièrè repulſam.
 Per caput hoc juro, mortemq̃ enſesq̃ nefandos,
 Quos fugio te dante, fidelis præmia facti
 Digna feres: lacrymis ſic ore loquutus obortis,
 Oſcula libavit, collumq̃ amplexus, inhaſit.
 Mercurius contrà. Cervici imponere noſtræ
 Care pater, ſuccedam oneri, medioſq̃ per hoſtes
 Sedibus incolumen patrius, ſceptriſq̃ reducam,

Hæc

*Hæc fatus, sublatum humeris mox excipit alris,
Et cælum repetit, strepitum haud facientibus alis.*

*Océano interea surgens Aurora, cubile
Liquit, & exorto spargebat lumine terras,
Extremum visura diem, quo turba Gigantum
Imperio Jovis & devicto insulter Olympo.
Mercurius, jam tuta tenens, evaserat hostes,
Ardentesq; inter clypeos, per opaca locorum
Avia dum sequitur cursu, noctisq; per umbram
Observata prius vestigia cæca rerexit,
Porticibus subiit vacuis, solvitq; timorem.*

*Juppiter ut verò foribus sese intulit altis,
Cælestesq; inter divino effulsit honore:
Clamorem ingentem palmis ad sidera tollunt
Erectis, celeriq; immugit regia cæli
Latitia, plausuq; Deum præsentis ut ora,
Ora manusq; ambas immani vulnere victas,
Trajectosq; pedes lacrymis mirantur obortis.*

*Ante alios excita toro Saturnia Juno,
Flens graviter, dum res animos incognita turbat,
Obstupuit simul ipsa, simul perculsus Apollo,
Accurrit, dextraq; ardet conjungere dextram.
Ales ut è pastu rediens, multo imbre morata,
Cui domus, & dulcis pubescit in arbore fætus,
Excipitur, gnatiq; simul circum oribus ora
Jungentes, data grana legunt, trepidantibus alis
Latitia, magnisq; obstat conatibus atas.
Postquam introgressum cuncti clamore petentes
Excepere Dei: sensim se languidus agrum
Infemur attollit, cunctisq; stupentibus, insit.*

Cœlicola magni, coram, ceu cernitis, adsum
 Juppiter omnipotens, victore ereptus ab hoste.
 O jucunda dies meritò, quàm semper acerbam
 Semper honoratam (mala sic voluistis) habebo:
 Qua vos, reliquias Briarèi sævique Typhoèi,
 Omnibus exhaustos jam casibus, omnibus armis
 Jactatos, & nos extrema per omnia rapti
 Cernimus: ô anima egregia, quæ sanguine nobis
 Defendère suo hoc cælum: post multa meorum
 Fûnera, post varios Divûm cœliq; labores,
 Ut vos aspiciamus læti: quæ digna rependam
 Hac animi virtute, quibus vos laudibus ornem?
 En nostri reditus: dabit hoc terroris abundè,
 Præsentemq; feret præsentia nostra salutem.
 Nunc similis fortuna premit, commune periculum
 Nunc erit, & casus vos tandem amplector in omnes,
 Nec sine mente reor, fati aut sine numine factum,
 Pulsus in exsilium ut major mea regna viderem,
 Victoresq; Deos. Nam nunc ni redditus astris,
 Imperioq; forem cœli, nil certiùs, omnem
 Quàm Libiamq; Asiamq; horrendo ad sidera bello
 Venturam, & toto ausuros insurgere mundo.
 Nunc meliùs sperandum erit: hæc suprema manebunt
 Exitio positura modum discrimina nostro.
 Numina nulla obstant: solis sunt fulmina Divis,
 Atque immortales mortali urgemur ab hoste:
 Et trepidamus adhuc? Exhausta pericula testor
 Carceris, infernamq; Stygem. Si perdere gentem
 Titanum immanem valui, perdentur & ipsi
 Terrigenæ. sese licet in miracula rerum

Omnia

Omnia convertant, cælumque in Tartara solvant.
 Tu tantum per opem Rheæ, vosq; tenacia fata,
 Quæ Divum genus æternum servatis & astra,
 Nostros everso redivit succurrere sæclo
 Nè prohibete: satis jam pridem sanguine nostro
 Imperio profugum luimus pulsūque parentem.

Sic ait, & subito concursu accedere magno
 Alciden, Baccumq; videns, geminosq; Lacones,
 Cælestūq; alios, quos in diversa Gigantum
 Vis tulerat, penitusq; aliis distraxerat oris,
 Vulnere fesus adhuc media testudine cæli
 Se recipit, solioque animos speculatur ab alto.
 Atque sub ingenti dum lustrat singula turba,
 Navortem opperiens, currus sine corpore amici
 Agnoscit lacrymans, quem non virtutis egentem
 Victor Aloides, jam multa cæde cruentus,
 Exceptum, vasti concluderat objice montis.
 Tum verò ingentem gemitum dat pectore ab imo,
 Dum quo cuncta loco, quæ sit fortuna, quibusq;
 Pugnatum videt auspiciis, & plena laborum
 Omnia. Fert aliquam contrà bona fama salutem,
 Dissolvitque metum, gemina gnatumq; patrēque
 Sublatos nece conspiciens, pœnasq; receptas.

Atque oculos cæli partes dum volvit in omnes,
 Ocyus Ignipotens, alto delapsus Olympo,
 AÆoliam devenit, & exesa ignibus antra
 Cyclopum, cæptosque jubet removere labores
 Acmoniden: rapit ipse ocreas, currūsque, rotasq;
 Quæ nuper gnati inductus precibusque Minervæ,
 Fuderat electro, & liquido secreverat auro.

P

Ipsi etiam Brontésque Harpésque argentea linquunt
 Vasa, cavásque dapum lances, fulvósque lebetes,
 Craterásque Phrygis pueri jam parte politos.
 Majus opus Deus instituit, cunctisque laborem
 Sortitur, toto expediant ut fulmina cælo
 Materiam forragineus prius arte Pyragmon
 Præparat informem: hūic miscet pater ipse pavores,
 Terrificosq; metus, ad quos humana tremiscant
 Corda, Deūm pacem exposcant, arasq; frequentent.
 Pars operi incumbunt, multo sudore fluentes,
 Exercentq; rudem, magnoq; tenacibus igne
 Forcipibus versant massam: pars arida flammis
 Nutrimenta ferunt: hīc auras follibus Arges
 Egerit, ut latè fornacibus æstus anhelet
 Dissiliunt scintillæ, atque atras lumine sedes
 Percurrunt: Steropes illic candentia tingit
 Fulmina, ne correpta domus subsidat in ignes.
 Fervet opus studiis, tonitruq; operosa fatigant
 Brachia, & in numerum resonant incudibus ictus.

Nuntius intere à ingenti per castra tumultu
 Terrigenūm ruit, atque animos terroribus implet.
 Instructos acie Superos, ipsumq; reversum
 Arma parare Jovem, quem omnes cum stirpe putabant
 Procubuisse sua jam pridem, atque æthere cassum.
 Deficiunt subitò, magnúsque per ora timentūm
 Mæsta tremor currit, manifesto numine ferri
 Res Divūm, sua sed retrò sublapsa videntes
 Robora, quos prius in solido fortuna locarat.
 Rarus qui sumtis ultra spem ponat in armis,
 Aut pugnam paret aut speret, quos ante, triumphos.

Multri

Multi qui visas vellent multo ære redemptum
 Ætherias nunquàm sedes, versantq; futura
 Supplicia, & tumuli occurrunt ante ora recentes:
 Jamq; putant post terga Jovem fulmenq; minari,
 Tantus agit mentes terror, confusaq; toto,
 Dissensu vario, crebescunt murmura cælo.
 Non secus Eridani ripis, pratisq; Caystri,
 Dant sonitum rauci, complentes litora, cygni:
 Strymoniaeve grues, cælo cùm gentis adultos
 Educunt sætus, aut atram vallibus imis
 Surgentem aspiciunt, pluvia impendente, procellam,
 Effugiunt, magnisq; secant clangoribus auras.

At quibus arrectæ, stimulis non mollibus, iræ,
 Sunt quoque quorum animis eadem haud sententia surgat.
 Militiæ proceres primi, belliq; magister
 Eurymedon: omnes veluti virtute parati
 Stare Deos contra, & certæ se opponere morti,
 Sic etiam fremitu ingenti, magnoq; dolore
 Mercurii scelus indignantur, & unius arte,
 Unius ob fraudem belli turbata repente
 Consilia, atque incæpta ducum: nihil omnibus actum
 Tantorum impensis operum: tot lumina frustra
 Magnorum cecidisse virum, pubemq; timore
 Defecisse omnem. In primis altum ore Typhoëus
 Infrendet, tutaq; Jovem statione receptum
 Aspiciens. Sceleris fabricator sanguine pœnas
 Persolvat patris, inquit, & arrepto ense, nepotem
 Ibat in Atlantis: Socii quoque tela ferentes
 Accelerant, atque arma, quibus cælum omne petebant
 Arcadis unius in miseri conversa tulerunt

Exitium: timuit monstris exterritus Hermes,
 Moliturq; fugam, nec se celare latebris
 Amplius, aut hostem potuit perferre ruentem.
 Fit volucer: tandem quoque vera volucris, abitq;
 Ibidis in faciem, pennisq; nigrantibus alas
 Spargit, & adfusus septena per ostia Nilum
 Avolat: hinc odii manet insanabile vulnus,
 Deprensosq; ore exercet crudeliter angues,
 Progenitos sanie, fusoq; cruore Gigantum.

Sævit atrox Typhon, nec qua ratione nocere
 Possit, & extractos in planum effundere Divos,
 Invenit, atque iterum sese in sua castra recepit.
 Ceu lupo insidias explorat ovilia circum,
 Cum gregibus nocturnus obambulat, excitus antè
 E sylvis pecudum balatibus: acrior illum
 Cura domat, crescitq; fames jejuna, quod audit.
 Matris ab uberibus, turisq; cubilibus agnos
 Ludere, se elusum stabulis excludier altis.

Juppiter intus adhuc, hostiliq; aggere septus,
 Ingratas trahit arte moras, num posset iniquam
 Elicere ad pugnam, atque in apertum educere vallum.
 Terrigenas, nulloq; potiri sanguine victis.
 Arma sed apta operi desunt, quibus hostis ahenas
 Arjetet in portas, & fundamenta domorum
 Funditus exstirpet: fastigia vellere tecti
 Falcibus ignotum, atque acta restudine muros
 Quassare, erectasq; in mœnia tollere scalas.
 Ergo moræ impatiens, nè quem fortuna retardet.
 Tristior eventum, & post ad pejora reservet,
 Pauca refert. Satis haud Superi, quod distinet hostem

Perse

Per se tuta domus, nisi inundet sanguine cælum.
 Quos petimus, densi circumstant undiquè portas
 Nosq; vocant: cur indecores in limine primo
 Stamus, ut exsultans pavidus vos meq; timoris
 Arguat Eurymedon, & vanis territet armis?
 Ante pedes interq; manus sunt omnia nostras:
 Ibimus: hæc pleno superest lux una triumpho:
 Nos victoria certa vocat, labor ultimus illos.
 Sic ait, & dextra fulmen lævâq; prehensum
 Terrificus rotat, & circum immortalibus armis
 Cingitur, atque hortatur idem. Dicto ocyùs omnes
 Dîq; Deaq; adsunt. ipsi, quibus aspera quondâm
 Visa poli facies, & non tolerabile bellum,
 Ire volunt, Martisq; omnem perferre laborem.
 Tum circa Regem atque ipsa ad prætoria densi
 Miscentur, gladiis succincti insignibus omnes,
 Ingentesq; acuunt animos clamore secundo.
 Juppiter ipse præit, quem Dî latera omnia clausum
 Juxta convenère, fluuntq; ad regia plenis
 Castra viis, fidesq; obvertunt pectus in hostem.
 Ac veluti Europæ ad fines Tanaïmq; nivalem,
 Cum Scythicis bellum hostis atrox meditatatur in oris,
 Fæmineus rapit arma furor, contraq; ruentem
 In patriamq; domosq; hostem it, quas inter Amazon
 Regia, peltatus præstans virtute puellis,
 Eminent, atque virum muliebri in pectore versat.
 Eurymedon contrà propius jam urgente caterva,
 Adversus campo venit, & medio agmine ductor
 Arma parare jubet cunctos: tum vellere signa
 Enceladum vallo, turmasq; educere castris.

P ij.

Imperat, atque mora segnes procul ære canoro
 Increpat, cantuq; animos accendit in hostem.
 Sed frustra, subitoq; metu in contraria pubes
 Consternata Jovem fugit, exortuq; tumultu,
 Dirum execratur bellum cum gente Deorum,
 Heroisq; viris, quorum res semper acerbæ
 In melius recidant, damnisq; audacia crescat.
 Tunc etiam spem nullam armis, belloq; salutem
 Prospiciunt, mallentq; coire in fœdera dextras,
 Atque in signe manu prætendi pacis olivam.
 Hocq; volunt, unoq; omnes eadem ore requirunt.
 Acrior exarsit moti violentia Regis,
 Atque acies inter, medio flagrante tumultu,
 Ut motus animorum, & tanta incendia sistat,
 Increpat hærentes. Ubi nunc ingentia bello
 Facta viri, dextraq;, quibus sub Tartara missi
 Nille Deum? acquisita ubi nostræ gloria genti?
 Vicimus, & sola formidine vincimur, orto
 Ante tubam per corda metu? an tendemus inermes
 (Pro pudor atque nefas) dextras? an pace sequestra
 Velatiramis oleæ, veniamq; rogantes,
 Suppliciter culpam erroremq; agnoscimus? Atqui
 Spem veniæ nullam Jovis inclementia spondet.
 Sit durum patris exilium, sit ab æthere pulsus
 Filius Ignipotens testis, vaccaq; Pherææ,
 Tum soror & conjux leso suspensa marito,
 Hac illos, quæ nos hostes fortuna sequetur?
 At si quodcunque hoc regni, si sceptræ Jovemq;
 Concilient, populosq; simul, paribusq; regamus
 Auspiciis orbem immensum: Si denique gentem

Esse

Esse velit Superos unam Terrâq; creatos,
 Consortesque operum, sociiq; in regna vocemur:
 Quem penes omnis erit sed Divûm hominumq; potestas,
 Quis mundi imperium, & primos sibi poscit honores?
 Non alio restant terræ sub Sole jacentes:
 Non aliud superest, quàm, quod tegit omnia, cælum,
 Hoc armis petimus, dabiturq; petentibus armis.
 Anne semel victus, centum constrictus ahenis
 Post tergum nodis, antroq; repositus opaco,
 Deditit vinci in Venerem nocturna q; bella
 Aptior, ante viros segnis Deus? anne redibit
 Fortior ad pugnam, prius eruta dente sequentûm
 Cerva canum? semel Assyrio fucata veneno
 Uellera, quæ foliis depectunt candida Seres,
 Natiuam assument faciem, amissosq; colores?
 Vera semel virtus Jovis excidit, illa reponi
 Non poterit: tantûm simulatis provocat armis.
 Dixerat, & subito erecti per castra, Gigantes
 Assensere omnes scelcri, quantumq; timebant,
 Tantûm ardent Superûm adventu: fremit aquore toto
 Vis equitum, peditumq; furor, clangorq; tubarum,
 Conceptaq; nihil pro spe tentare recusant.
 Vos autem, major dum belli nascitur ordo,
 Pïerides trepidum regite, & date carmina Musæ:
 Vos acies Superûm, cunctosq; sub arma coactos
 Dicite Terrigenas, & quos obscura recondit
 Fama viros: nihil hîc vestro sine numine apertum.
 Jamq; propinquabant hinc indè, aciemq; movebant,
 Cum Bacchus procul antevolans, hastamq; reducta
 Protendens dextra, speculatus in agmine longè

*Antiphylum gradientem altè, atque indigna minantem
 Aggreditur, contraq; parantitela, sinistrum
 Perlatus exegit, mediamq; recondidit hastam.
 Ad terram cadit ille gemens, & frigidus horror
 Occupat os, somnusq; oculos supremus oberrat.
 At Rhœci, videt ut lapsantem in sanguine fratrem,
 Germanæ subiit mentem pietatis imago,
 Accurritq; fremens, terra simul elevat ipsum
 Singultantem, & adhuc auras cœli ore legentem.
 Tum factum increpiat verbis, & crimen acerbat.
 Vane Deus, frustraq; animis elate superbis,
 Quid terrere paras nos uno funere, multi
 Cùm superent virtute pares, pars maxima quorum
 Rhœcus ego, haud ulli Divorum Marte secundus?
 Hæcne necis nunc tela vides ultricia? magno,
 Magno equidem tibi constaret laus illa, statimq;
 Sontem animam tormenta quidem, mortesq; per omnes
 Eruerem: nullam sed habet victoria laudem,
 Imbuere invictam hanc imbelli sanguine dextram,
 Atque hoc turpe referre caput, muliebriaq; arma,
 Semivir, i, quò insana vocat te turba, novasq;
 Indixère dapes, & plenæ pocula mensæ:
 I, rege lymphatas mentes: tibi sumere thyrsos,
 Et lustrare choros sit cura sacrisq; vacare,
 Arma viri bellumq; gerant: tua castra corymbos
 Et foliis lentas intexant mollibus hastas.
 Quid cessas? an Titanum meminisse juvabit?
 Hic & erunt, vivosq; in frusta secabimus artus,
 Fixaq; versatis torrebimus exta verutis.
 His dictis dolor exarsit, circumq; cruentam*

Bacchus

Bacchus agens oculorum aciem, sic intonat ore.
 En, tu bella geres, mihi molles sumere thyrsos,
 Et lustrare choros sit cura, sacrisq; vacare?
 Respice adhuc: adsum tibi bella necemq; daturus.
 Sic effatus, in horrendam, mirabile visu,
 Se faciem transformat, & humana exiit ora:
 Fit fera, Getulique extemplò immane leonis
 Induitur tergum, villis atque unguibus atris
 Terrificum, funditq; juba cervice comantes.

Rhæcus ad aspectum obstupuit, vicinâque magno
 Fracta catterua metu retrò dare terga parabat:
 Vellet idem tentasse Gigas, sed ab agmine raptò
 Insiliit Deus, & collum complexus inhaesit,
 Unguibus hinc illinc nutantem agitansq; trahensq;
 Segnior haud Rhæcus, magna virtute repugnans,
 Sustinet à jugulo morsus, unguesq; revellit
 Vulneribus fixos altè, & vim viribus exit.
 Sed frustra, dum se hic evoluit, atrociùs illic
 Dentibus arripitur, duplicataq; damna resultant.
 Non aliter cymbam immanis rotat aquore turbo
 Syrtibus hærentem, vastiq; crepidine saxi:
 Nunc tanquàm subrepta malis, cum gurgite pontus
 Procurrens ruit ad terras, attollitur æstu:
 Nunc iterùm revoluta, vado, labentibus undis,
 Tunditur exhausto, & scopulis affligitur atris.

Non tulit inflammata moras violentia Bacchi,
 Excutiensq; toros, villisque horrentia colla,
 Rugit hians torvum, spirantiâque oribus ora
 Obstruxit rictu diducto, & cordis anhelu
 Interclusit iter, vitalique obstitit haustu,

2

Obsessasque diu fauces non antè remisit,
 Quàm prostratus humi exanimis, cervice reflexa,
 Explicuit se quantus erat, bis dena per agri
 Jugera porrectus: tunc impiger, hoste peremto,
 Gaudet ovans Deus, atque infixis dentibus heret
 Visceribus super accumbens: fluit ore cruenta
 Illuvies, albèntque asperso labra cerebro.

Excipiunt plausu Superi, gnatique triumpho
 Juppiter exsultat, geminatàque, Euhye, voce,
 Euhye, latitia ingenti conclamat: at illo
 Gaudet adhuc victor cognomine Bacchus, & omnes
 Transtulit ad populos morem, ut sua festa quotannis
 Cum reperunt, veteresq; ineunt proscenia ludi,
 Humanas ponant formas, stimulante furore,
 Oraq; corticibus sumant horrenda cavatis.

Sævus at Eurymedon furiis, fervente suorum
 Strage, ruit medias inter, magno impete, cædes,
 Quid portenta velint immissaq; monstra Deorum
 Subdubitans, cæptusq; animis nè longius horror
 Procedat, subito sese in sua colligit arma,
 Fraxineamq; hastam quassans, ferroq; crepantem
 Loricam, totus squamis ardebat ahenis,
 Magnum animo volvens, ut Divum in castra tumultu
 Irruat exorto, & simili terrore repressum
 Terrigenis Bacchum revocet, quem nulla Typhoei,
 Nulla Cygis Briarëiq; manu conjecta movebant
 Tela, nec electi procures de gente Gigantum.

Hunc procul aspiciens Silenos inter Iæon
 Nobilitate potens, generisq; insigne superbum
 Tertius à Jove denumerans, se fortiter aptat

Regis

Regis in adventum, captusq; cupidine palma,
 Occursare viro juvenili exarsit amore.
 Demens qui tantos animo conceperat ausus,
 Ut sibi deberi fato Eurymedonta putaret
 Regnatorem, & tot populis terrisq; superbum.
 Ille parat pugnam, & validis dum cingitur armis,
 Tempora nudus adhuc, nè quid sua fata moretur,
 Prosilat, & victum jam spe sibi præcipit hostem.
 Infelix nimium, atque impar congressus: apertam
 Nam galeæ obtectu frontem rimatus, inermem
 In caput Eurymedon hastili vulnus adegit,
 Altum equidem, pedibusq; statim super ora jacentis
 Cum fremitu stetit, atque inimico pectore fatur.
 Nunc quod habes cælum, ore premas, ignave, tuiq;
 Assimilis: sunt hæc audacis præmia facti.
 Atque, utinam, Rex ipse furore oblatu eodem
 Adforet, aut saltem lethi spectator adessem,
 Hanc si adversa mihi laudem fortuna negavit.
 Dixerat, actutumq; retrò vestigia vertens,
 Plurima Parrhasidum morientia corpora victor
 Sternit humi, magnumq; Phalantem, doctior alter
 Arcadas inter erat quo nemo volubile buxum
 Radere, & in miras traducere robora formas:
 Fagina calato vel vasa polire labore,
 Et facili lentas torno superaddere vites.



B E L L I

G I G A N T E I

LIBER Q V A R T U S.



Namq̃ acies inter varius se tollit ad auras
 Dissensu strepitus, cælumq̃ tumultibus implet:
 Diversi diversa fremunt, omnesq̃ Gigantes,
 Omnes Cælicolæ, Bessas, acerbq̃ Tuiſton,
 Occisorq̃ virūm Alcides, & Phæbus Apollo,
 Sidoniusq̃ Dagon, Silenūmq̃ Arcades alæ.
 Pro se quisque legit, quem luce carentibus umbris
 Inferias mactet, pallentiq̃ immolet Orco.
 Ceu duo, vere novo emissi præsepibus altis,
 Cornibus inter se obnixi certamina tauri
 Dura movent, animisq̃ acuunt discordibus iras
 Ingentes, certi non cedere, donec utrinque
 Spiritus intus agat, minimaq̃ in corpore vires.
 Terrigenū prior à tergo manus imminet ingens,
 Arripiuntq̃ locum, quo non erat aptior alter,
 Sive jugis cupias, seu plano occurrere pugna.
 Impiger hoc cernens arcum intendebat Apollo
 Ocyus, & ducto torquens stridentia nervo
 Tela Menephiari per tempus adegit utrumque,
 Turbavitq̃ globum, & conantes plurima frustra
 Reppulit Anguipedes. Non hoc tulit acer Orius,
 Atque agit at, quonam ingenio, quibus audeat armis
 Dedecus hoc pensare, simulq̃ hostile lacerto

Dirigit

Dirigit adducto. Phæbo, nil tale timenti,
 Intentare parans fatum crudele: sed Aji
 Se monitu letho eripuit, scelerisq; prehensum
 Auct. rem aggreditur ferro, multisq; cruentum
 Vulneribus jacet ante pedes, animamq; resolvit.
 Fellenus socium tantis se adungere rebus
 Ante alios parat, & spaciis propioribus urget
 Elapsum Ormiliū, fugientemq; impedit hasta,
 Et ternos clypei ferro transverberat orbes.
 Ille cedit, sanguisq; pedes descendit ad imos.
 Haud etiam optati metam pervenit ad ævi
 Lasius, innumeros sibi qui promiserat annos,
 Herculeaq; manu lethum oppetit: acer Abeltēs
 Quem prope, nē socia fraudetur morte, supinus
 Occubat, atque animam calido cum sanguine fundit.
 Hoc viso, indomiti convertunt robur in unum
 Terrigenæ, magnoq; ruunt in bella furore
 Gegenetes, Runeusq;, hic longis promptior hastis,
 Ille pedum melior cursu, levibusq; sagittis.
 Ponē sequens illos, annis jam tardior, Ismus,
 Increpitans clamat. Vos o, quibus integer ævi
 Sanguis inest, properate viri, me serior ætas
 Tarda gelu, cohibentq; effæta in corpore vires:
 Nunc si animo vigor ille foret, roburq; lacertis
 Quale fuit, cūm terribilem Calydonā sub ipsis
 Mæribus, & germanum Evenum ad Tartara misi,
 Ipsumq; auxilio subeuntem Thestion, omnes
 Marte satos, fronte haud equidem divellerer usquā:
 Ipse acies inter primas, stragemq; virorum
 Hoc caput objicerem, nec me plus laudis haberet

L ij

*Terrigenum ex numero quisquam, non ipse Typhoeus.
Talia vix spirans memorat, studioq, senili
Accurrit, comitem tardus sese addit Erethrus.*

*At juxta per aperta volans, ceu provocet auras,
Aequora, vix summa vestigia signat arena,
Cursibus insignis Tachys, & satus Ilade pulcra
Pulcer Alectorius, virgatis cui procul arma
Laevia tralucet sagulis: ceu noctis in umbra,
Undique cum totum cinxerunt aethera nymbi,
Luna tamen raris sua nubibus exserit ora.*

*Jamq, instant ferro ancipiti, gladiisq, reclusis
Decernunt, circumq, Alcidae immanibus armos
Verberibus quatiunt: Ast ille stat, arboris instar,
Undique quae vento pulsatur, & imbris atris,
Perq, minas caeli, tempestatumq, ruinas
Altior assurgens, Jovis acres despicit iras.
Nec procul auxilium castris effundit apertis
Amphitryoniade Taranis, si forsitan unus
Obniti nequeat contra, & se evolvere victor.
In primis nymbo effulgens & Gorgone saeva,
Bellatrix Diva incumbit, viq, agidis album
Mutat Alectorium in marmor, direptaq, sumit
Arma sibi, argento perfecta, atque aspera signis.*

*Viderat hoc, eademq, rotis inductus Echion
Monstra timens, compellat equos, jam certus eundi:
Sed non fata sinunt, capitiq, hic terminus haeret.
Nam subito riguere oculi, concretaq, adhæsit
Prodigiosa silex currû, frenisq, remissis,
Fertur equis gelidum, domini pro corpore, saxum.
Quisque, prout subit armatus, discrimen apertum*

Incurrit,

Incurrit, subitusq; omnes lapis occupat artus.
Tandem ubi jam nullo ingenio se evadere pugna
Posse, neque instantem cernunt avertere Divam,
Immanem, ecce, manu pluviis in saltibus hydram,
Servantem ripas, rarisq; loquacibus atram
Ingluviem explentem, rapiunt, quaq; instat, & urget,
Saxificam obiciens venientibus agida, Divæ
Ante pedes jaciunt, prohibentq; accedere monstro.
Ille notis longam maculosis explicat alvum,
Arrectisq; horret squamis, inimicaq; torquet
Lumina in adversam, & linguis micat ore trisulcis.
Ira movet mentem, & torvo Dea bellica vultu
Torquet agens hastam, dicitq; potentia verba,
Verba, quibus raptum sistat vestigia cælum,
Flamma gelurigeat concreta: humentibus undis
Sicca fluant: visu mirum, maria alta tumescant,
Et murata suos suspendant flumina cursus:
Frigidus in pratis coluber quibus occulit aures,
Atque fuga parvidum terra caput abdit, & altè
Defossus specubus magico timet ore susurros.
Tunc demùm spirantem, & sibila colla tumentem
Bis medium amplexa, ut nequeat dispergere virus,
Terq; quaterq; solo allidit: frustra ille reluctans.
Grandia distorquet linguis vibrantibus ora,
Frustrà sublato convolvit pectore terga,
Arduus in spiras, sinuatq; volumine caudam.
Vidit ut exhaustum, & suspiria longa trahentem,
Stridore ingenti liquidum super athera jecit,
Affixitq; polo: hinc subito, si credere dignum est,
Corporis obscenæ squamæ vertuntur in ignes

Ter denos, flexuq; obliquo labitur *Arctos*
 Circum perq; duas, specie remanente *Draconis*.
 Interea *Tachys*, & vix morti elapsus *Erethus*,
 More lupi effugiunt, qui facta cæde, repostis
 Egreditur latebris, depasta cubilia linquens.
 Ipse etiam sævas elludit *Palladis iras*
 Grajus homo *Gracion*, patria qui missus *Eleusi*.
 Uomeris argentæi dentem, trahensq; sequaces
 Matris *Eleusinae* clypeo gestabat ahenos:
 Triticeamq; comis, patriarum insigne jubarum,
 Addiderat segetem, flavasq; in vertice aristas.
 Insanus, qui vix victore ereptus ab hoste:
 Non tamen abstinuit furis: nam mente recepta
 Nulla reformidat sævi discrimina *Martis*:
 Depositaq; procul pharetra speculatus inermem
 Dictynnam, occisis erepta Gigantibus arma
 Servantem, & vacuo congestam in fornice prædam,
 Accedit propius furtim, limenq; sub ipsum
 Improvisus adest, & forti missile dextra
 Torquet agens: illud dubiis committitur auris,
 Gramineoq; hæret, sine vulnere, cespite fixum.
 Exardet Dea facta, & raptis tela pharetris
 Depromit, validisq; incurvans viribus arcum,
 Subductum leviter trajecit arundine mentum.
 Hoc *Gracion* ictu furit arduus, altaq; jaëtat,
 Vulneris impatiens, arrecto brachia telo,
 Conaturus idem: sed non contingere fatis
 Posse datum stricto cælestia corpora ferro.
 Dumq; dolore amens instat, cervice prehensa,
 In mare precipitem cælo deturbat ab alto,

Threicias

Threicias juxta fauces, ubi cornibus Iö
 Sublatis, primum implevit mugitibus agros,
 Informesq; bovis vultus in littore vidit,
 Obsita jam setis, colloque timebat aratrum.
 Hic etiam multos Euxina per aquora soles
 Circumagit profugum, nunc quä dignata superbo
 Conjugio Phœbi genitrix pulcerrima Syri:
 Nunc quä Colchis habet priscae vestigia laudis,
 Cum tentare Thetin ratibus, Tiphysq; magister
 Ausus ad ignotas aurati velleris oras
 Delectos vehere Heroäs, pubemq; Pelasgam.
 Errorum vix finis adest, nec jam amplius usquam
 Apparet tellus: tantum, diversa frementes,
 Unä Eurusq; Notusq; ruunt, & littora plangunt:
 Tum procul à tergo rutilo cum fulmine nymbus
 Insequitur, canisq; albescunt æquora spumis.
 Quò magis at surgunt, hoc undus altior exstans
 Infelix Cratien Neptunum faucibus arcet
 Non misero, prohibente Dea, semperq; sequente,
 Ulla quies, totumq; tremor pertentat, ut ambas
 Inter se obnixas vidit Symplegadas, atro
 Sapius ardentes, collisis cantibus, igne.
 Quid faceret, dubitat: viridis subit ostia Peuces,
 Riparumq; toris molli consedit in herba:
 Illicet hostis adest, braccataq; turba Getarum,
 Sauromataq; truces: iterum formidine turpi.
 Æquora tuta petit cursu. Sed fidere Divis
 Offensis nihil est: dum quò sit, nescit, eundum,
 Ignarus maris & Taurorum, in littus avarum
 Incidit, & fato crudelibus occidit aris.

R

Terra procul medio se pandit inhospita Ponto,
 Cymmerius vicina umbris, ubi lurida Mœorphei
 Regia, & obtenta densantur nocte tenebrae:
 Hinc rabies Euxini, atque illatibilis ora,
 Illinc stricta gelu hibernæ Mæotidos unda
 Aestuat, angustoque palus excluditur Isthmo.
 Huc se proVectus deserto in littore condit,
 Donec prima rubens stellas Aurora fugaret.
 Mane novo festis aderat lux sacra calendis,
 Cum Scythiæ prima de nobilitate sacerdos,
 Omnis quàm circum denso chorus ordine fusus,
 Procedit, festumq; parat de more diei.
 Stat vittata comas vates, sparsoque liquore,
 Tergeminam tonat ore Deam, carchesia libans
 Intemerata focis: nondum flagrantibus aris
 Ad sacra quæsitam cervam jugula verat, haudum
 Tincta cruore manus: Subito cum visa moveri
 Diva fuit (factum haud prius) atque aversa tueri,
 Sanguineam volvens aciem, ter tela pharetris
 Insonuere, hastamq; solo concussit, & imis
 Exaudita adytis vox horrida fertur ad aures.
 Qui novus hic nostris successit sedibus hospes,
 Has iras animûmque offensum morte piabit:
 Sanguine quærendus favor est, Græique cruore.
 Talibus ex adytis vox mira immugit, & ara,
 Liminaq; templumque Deæ clamore resultant.
 Illicet auguriis trepidi cœlestibus omnes
 Vestigant sylvas, terramque indagine cingunt.
 Hospitio pro polluto, pro numinis ira:
 Dumq; ruunt, ecce, ultro se quærentibus offert,

Nescius

Nescius exitium sibi certum, & sacra parari.
 Turba statim gavisâ omnis, tunduntq; trahuntq;
 Conantemq; loqui & pavitantem altaria juxta
 Deducunt Trivia, manibus post terga revinctum.
 Ille, metum spemq; inter, agit discrimine vitam,
 Eventumq; timet: tacitas immurmurat ore
 Virgo recincta preces, & templum thure vaporat,
 Desertasq; dapes, iterumq; instaurat honores
 Antefocis raptos, subito turbante tumultu.
 Tandem Hecaten, signumq; basi cœleste locatum
 Suppliciter venerans, tria virginis ora Dianæ
 Suspicit, erecta ad cœlum, & tria carmina dicit,
 Carmine sacrilegum quo offensis devovet aris.
 Hoc ritu de more loci festiq; peracto,
 Antefores raptum geminas Gratiæ trucidant,
 Iratæq; litant quæsita piacula Divæ.
 Erecta caput avulsum crudeliter orno
 Præfigunt, truncumq; alta de rupe volutant:
 Quæq; prius niveo de marmore fulserat, atra
 Decolor ara ruber sanie, affusoq; cruore.
 An Phœbe annuerit populus dubitabat: at illa
 Annuerat, Scythiæq; omnes tremefecerat urbes,
 Templaq; motarat saxo constructa vetusto.
 Ex illo hæc seri sacra serva vere minores,
 Atque Thoantea truculentior ora Dianæ
 Assidua de cæde mader, semperq; cruore
 Pingue solum & faciles humano in sanguine dextra,
 Nec quisquàm evasit ripam irremeabilis oræ.
 At Tellure sati adverso jam Marte videntes,
 Omnia qua rerum jaceant perculsa ruina,

R ij

Diuersi in cuneum coeunt: sublimibus hastis
 Ferreus horret ager, circumq; ardescit ab armis.
 Se lateri agglomerat primus, reliquosq; fatigat
 Eumythus, insignis facie, & ditissimus agri
 Aetolum, quem clarus Atrax, patruusq; Tomarus
 Ductorem Dolopum addiderant, populisq; Molossis.
 Nec minor insequitur, seq; hosti fortiter offert
 Impius Astorges, quo non sceleratior alter
 Orbe fuit toto, quàm Sol utrumq; recurrens
 Aspicit Oceānum, obuersiq; Aquilonibus Austri.
 Fama est hūic, grauida quando puer editus alvo,
 Praeuenisse pedes, capite in contraria verso:
 Quodq; magis mirere, hilari risu ore soluto,
 Non tener enixus fleuit, nec vagiit infans.
 Haud obscura dedit tempus natale futuri
 Signa mali: primos ortus rata signa sequantur.
 Nam furiis actus patrem obtruncavit ad aras
 Longævum, matremq; scelus nè proderet ore,
 Armentalis equi collo suspendit: at illam
 Liber equus vinclis, campoq; potitus aperto,
 Tesqua per & dumos, perq; invia saxa gementem,
 Tendentemq; trahit palmas, omnesq; vocantem
 In sua vota Deos, gnatiq; immania facta.
 Sed non vota precesq; ulli exaudira Deorum,
 Quamq; dedit gnato vitam, illo amisit ademptam.
 Nunc etiam ut sceleri scelus adderet, impia cælo
 Prælia molitus tentatis excidit ausis.
 Nam subito assurgens telum inter densa Deūm rex
 Agmina contorsit, solumq; per agmina vento
 Fulminis Astorgen afflatum contigit igni.

Deiectus

Deiectus cadit ille, animamq³ relinquit in astris,
 Dumq³ ruit, liquidis in nubibus ardet, & altum
 Aethera signavit flammis: ceu fulgura cælo
 Transcurrunt, rutiloq³ viam splendore coruscant.

Eumythus hoc viso, & casu perculsus amici,
 Terga dat: illum ardens infesto vulnere Phæbus
 Insequitur, calamumq³ repente per ærea terga
 Transadigit: ruit ille solo, celeremq³ ruinam
 Cum sonitu dedit, & pronus terram ore momordit.
 Fit gemitus morientum, eademq³ ad fata vocatos
 Fata tulere eadem: tum, qui Calydonidas omnes
 Torfit amore Deas, Naupacteus Philoparthes
 Tuistonis occisus dextra, securus amorum
 Oppetit: ô utinam sponsæ præcepta monentis
 Audisset, nec Cælestum venisset ad arma,
 Sæpius ille quidem Tanaræ genitoris ad ades
 Respexit: subeunt curæ, ingeminantq³ querelas
 Nox & amara vox ipsa Eraten & frigida lingua
 Conclamans, Eraten morienti immurmurat ore,
 Consonas oppositis Eraten convallibus Echo,
 Sola tot Aetolas inter celeberrima nymphas
 Quæ mentem inflexit, furtivo admissa cubili.
 Et tibi Perimedon casus evadere ferri
 Non licuit, dentesq³ inter supremaq³ labra
 Confixus, calidum læso vomis ore cruorem.
 Tu quoque Mnesiares, & tu simul occidis Actor,
 Teutonica fati dextera servatus iniquis.
 At quemcunque sua Tuiston pro laude laborem
 Magnanimus molitur, eo sese acrius omnes
 Terrigenæ expediunt, magnòque ululante tumultu,

R ii

Accendunt Martem, referuntq; in praelia pulsos.
Stat pugna fortuna diu, poteratq; videri
Hinc illinc certari animis, & viribus æquis.
Sed Deus armipotens, Superum cū summa potestas,
Ocyus occurrit furiis, densumq; per agmen
Fulmine limitem agit vastum, magnaq; ruina
Proxima quæque metit. Ceu flavis messor aristis
Falce instans, quocunque acies se verterit, altè
Procumbunt gravida segetes, & ducitur ingens
Sulcus agro, culmiq; audita strage suorum,
Dura reformidant tondentis & æris acuti
Imperia, & lassapassim cervice residunt.

Æmulus hoc cernens patriæ virtutis Apollo,
Nè quid ab antiqua bellator laude remittant,
Accelerat, vulsoq; immani pondere saxo,
Cephusum ferit: olli ocreis luxata refractis
Genua labant, pronaque solo cervice recumbit.
Tum gladium stringit, nudoq; interritus ense
Instat adhuc dextramq; abscindit Alastoris aurem,
Cumq; genis truncas, in honesto vulnere, nares:
Ille gemens procumbit humi, atque in terga supinus
Calce ferit terram, & sparsa luctatur arena.
Rarescunt acies, magna intervalla videntur
Non tam spissa viris, densaq; obsesta corona.
Pars etiam effugiunt timidi: nec tempore cædes
Acrior ullo illata fuit Cælestibus: illæ
Flos juvenum, virtusq; virum occubère sub armis.
Non hoc Eurymedon tulit, atra fervidus ira
Bellaq; dissimulans, primum cunctatur in omnes
Arte locos, nuncq; hos aditus, nunc improbus illos

Circuit:

Circuit: In campis veluti, cum subdolus auceps
 Insidias a vibus molitur, & arte repostus
 Ora bovis præfert simulati: aut acer equina
 Diffundit cervice iugas, graditurq; superbè
 Insultans campo, & miseris perdicibus instat
 Fraude nova, donec profugas in retia cogat.
 Non secus Eurymedon, sed spe frustratus inani,
 Arreptit, tandem irrumpens, gnatoq; patriq;
 Furtim fata parat, telisq; frequentibus instat:
 Ter conatus utrumque neci dare, ter pater hastas
 Reppulit omnipotens, immaniaq; arma repressit.

Sic ubi prima fides fortuna experta, secundo
 Sævit inops animi, haud quidquam tardante senecta,
 Occurrensq; Jovi, has imo de pectore voces
 Cum gemitu rumpit. Cur non procedis in æquor
 Nunc, cum bella manus poscant? cur, agmine septus
 Gentis bis victæ, nostris te subtrahis armis?
 Juppiter egregius: possit quid virvida virtus
 Experiare, veni: metuisne Typhoëa victor?
 Non ille, at vocat Eurymedon, hunc aspice contra,
 Si veræ nil laudis habes, hic laudis abundè.
 Vel si nostra times metuenda robora dextræ,
 Fulmine me demitte neci, tua dextera perdat.
 Sed tibi dextra dæ est, tibi fulmina nulla supersunt,
 Cælum, quod petimus, nostrum est: discedite victi,
 Exsilioq; necem prævertite: nulla manebunt.
 Signa pedum, toto aut Superùm vestigia Olympo.
 Talibus instabat, fixusq; manebat in unum
 Ense Jovem. At dictis genitor commotus acerbis
 Exsilit omnipotens, nec fulmine lenius arsit,

Libravitq; manum, nunquam, majoribus usus
 Viribus, infandum in caput & sævi ora Gigantis
 Sed, nimium dum præcipitant furor ira q; mentem,
 Non Erebi vivum potuit detrudere ad umbras,
 Subiectamq; Asiam, cæli per inane volutus,
 Attigit ex animis, quæ primo fonte Cayster,
 Tmoli intra Lathniq; vias, pulcherrimus exit.
 Hoc tamen è lapsu, tamq; alta turbine adactus,
 Respirat, torvosq; oculos ad sidera torquens,
 Nescio quæ Superis fanda atque nefanda minatus,
 Hæc, via cum voci laxata dolore, profatur.
 Hauriat has oculis pœnas crudelis Olympo
 Juppiter, & nostræ latetur imagine mortis.
 Sat Cestæ sociisq; datum: quæ bella parârim,
 Sensisti, atque equidem haud parvo tibi, perfide, constant.
 Pectora pectoribus objecimus, ensibus enses,
 Arma armis: damnis contraria damna rependi.
 Magna quidem, at cum mors anima secluserit artus,
 Major erit gelidas Erebi mihi fama per umbras:
 Me Superis fecisse metum mirabitur Orcus,
 Territaq; audaces excludent Tartara manes.
 Hæc victoria nostra, expectatiq; triumpho,
 Vincere si nequeo Superos, Acheronta movebo.
 Talia dum clamat, geminatus anhelitus haurit
 Pectora, & extremus super errat spiritus ora.
 Sed fera difficiles obitus, longumq; laborem
 Parca dat, ut nequeat curis imponere finem,
 Ultricesq; movent stimulos sub pectore Diræ.

Non tulit hanc speciem lacrymis Peribœa nitentes
 Interfusa genas, casum indignata parentis

Magna-

Magnanimi, atque imo ducens suspiria corde,
 Sapius æquorum Neptunum in vota vocavit.
 Omnipotens pelagi domitor, Saturnia proles,
 A Jove cū primum imperium est, & prima potestas,
 Si tibi grata mea cecidit, pater, hostia dextra,
 Sacraq; virgineis oneravi limina donis:
 Si te ritè tuas venerantur munere ad aras
 Tanaria Aoniaq; nurus, & Pitthejaq; Troezen,
 Has te per lacrymas per si quid dulce reliquit
 Exstinctus pudor, it furtivæ gaudia noctis
 Unum oro, quod fortè dabis: nam gratus honorem
 Saltem aliquem erepta pro virginitate reservas,
 Exue commotam, victus prece supplice, mentem
 Luctantemq; animam genitoris, & ægra resolve
 Pectora, supremaq; oculos in morte natantes,
 Ut tumultum statuam, & tumulto solennia mittam.

Talibus orantem dictis & plura volentem,
 Audit, ingemuitq; Deus, miseratus amantem,
 Tergeminamque Hecaten testatus, aquasq; silentes
 Ter frontem tetigit, ter singultantia corda
 Concuſsit, vacuasq; animam diffudit in auras,
 Contulisq; simul liquefactus in ossibus humor
 Solvitur & primum rivos parit, inq; paludes
 Diffluit, & tenera pratexit arundine ripas.
 Tandem etiam Lyciis fit maximus amnis arenis,
 Vixq; lacu, & pleno fluvii se continet alvæo,
 Tam subitæ vis fervet aquæ, postquam ipsa Tonantem
 Fata petit, cupiensq; iterum consurgere in altum
 Aggeribus ruptis, imo Pamphilia fundo
 Stagna ciet tumidus, veteresq; resuscitat iras:

Cùm tamen aërias sedes sit adire negatum,
 In populos urbesq; furit, sylvasq; volutans,
 Cum stabulis armenta rapit, natat agmine denso,
 Immersum pecus, & laxo bibit æquora hiatu.
 Umbra subit terras, & opaci limina Ditis,
 Non pice torrentes, atraque voragine ripas
 Horrescens, imisque Acheronta irridet Avernis.
 Navita quam Stygia ut primùm conspexit ab unda,
 Trajicit extemplo Cocytum, & rauca fluenta,
 Ingentemq; rati capit umbram: occupat alnum,
 Perq; foros, juga, transtra, & totum mole phaselum
 Porrigitur, quòd non Theseüs cum fratre, nec audax
 Fecerat Alcides, animæ non mille priores:
 Utq; latus movit, vasto sub pondere cymba
 Ingemuit, mediisq; Charon effusus in undis
 Exciderat puppi, ni pr. tinus antennarum
 Cornua rapta senem servassent funere nautam.
 Ille timens properabat iter, cursumq; tenebat
 Jam medium, avulsa tabulis cùm tegmina cera,
 Nudatque labant cunei: fluit undiquè rimis
 Tarda palus: latera obstruit ille, atque egerit undas,
 Festinatq; simul, superato gurgite regis
 Donec in adverso sceleratos litore manes
 Exposuit, nil Ditem & Tartara cæca timentes.
 Sed famis impatiens jejuno Cerberus ore
 Corripit, ambesis dapibus frustisq; relictis,
 Expositos, epulisq; vacat genialibus antro.
 Fit strepitus clamorq; Deum Eurymedonte peremto,
 Phæaco Eurymedonte, uno quò sospite nunquam
 Res equidem victæ cæli Terræq; fuissent.

Attoniti

Attoniti contrà percussa mente profundunt
 Terrigenæ lacrymas, & questibus omnia complent.
 Multa viri virtus, multo spectata labore
 Occursat, fixiq; hærent sub pectore vultus,
 Qualis erat, quantusq; armis, crudele Tonanti
 Cum strueret fatum, & rerum affectaret habenas.
 Quisque sua ducis interitum quàm morte redemptum,
 Veller, & ætherias revocari ad luminis auras:
 Omnibus unus amor lethum pro rege pacisci:
 Sic indignantes animos cum murmure magno
 Ira dolorq; coquunt: cernunt indigna suorum
 Funera, nec quidquàm, nisi pulcrum occurrit, in armis
 Aut cadere, aut hosti, sædum, dare terga sequenti:
 Concessamq; fuga cælo permittere palmam.
 Mens animosa sat est, & cedere nescia virtus,
 Attamen infractæ torpent ad prælia vires,
 Languescuntq; animi præsentis imagine lethi.
 Ollis ira modum supra est, majoraq; versant,
 Dum successus alit, dum fors virtusq; labori
 Aspirant, fervensq; calet sub pectore Mavors.
 Primus & Alcides casus audentior omnes
 Aggreditur, clavaq; Licrum ferit, aurea nudo
 Fibula quæ lateri discrimina parva reliquit:
 In faciem ruit ille solo, clausasq; sopore
 Nox æterna oculos tenebroso involvit amictu.
 Hunc adjungit Hylam, non hunc, quem fonte relictum
 Perdiderat, sed quem Pitheüs Salaminus alta
 Miserat Oenopia, quo non felicius alter
 Tela manu regere, & volucrem sub nube volantem
 Figere, vel certo sua ducere cornua puncto.

S ij

*Infelix puer, arboreum qui robur & hastam
 Tentaret, dextra non sufficiente, trabalem:
 Hic nil ingenio potuit, nil arte magistra,
 Hasta stetit tremebunda, cauoq; repulsa leonis
 Tegmine, deflexit laevum, nec pertulit ictum.
 Sic fato ereptus victor, tibi, magne tropaeum
 Juppiter, acclivis suspendit robore trunci
 Purpuream chlamydem, molli quam nevrat auro,
 Atque sui dederat monumentum & pignus amoris,
 Candida Cymodocea, operum haud dignara Minervæ.*

*Succedunt alii atque alii: Carmelus, & armis
 Clarus Anandanus, quorum prior ille Myconem
 Appetit, & magnis intorquet viribus hastam,
 Nutantemq; ferit, quâ baltheus ilia cingit.
 Hic Clanium sternit gladio, tum tempora utrinque
 Diffidit Eriolæ, simul uno eodemq; furore
 Sanguine adhuc madidum, sparsoq; cruore rubentem
 Vertit in Antellum, leviter cû primus. Apollo
 Strinxerat ense latus, vastamq; recluserat. alvum.
 Territus hoc cernens Dolopes, cursu avolat, omni
 Absq; mora, reliquumq; fugax aufertur ad agmen.
 Accelerat Deus, & tanta vi concitus ensẽ
 Fulmineum in tergum vibrat fugientis, in ipso
 Cernuus ut simul ictu, immunda stratus arena,
 Collapsi plantas Dolopæ conringeret ore.*

*Interea furtim Divûm se subtrahit iræ,
 Euboicisq; timens Polybotes errat in undis.
 Hunc pariter curru sævoq; tridente sequutus,
 Increpat his Deus. An Neptuni evadere demens
 Speraſti te poſſe manus? partone triumpho*

Ibis

Ibis Ielysum incolumis, patriumq³ Camirum
 Aspicias, scelerum & belli communis Erymis?
 Non ita, te phocis monstrisq³ natantibus escam
 Alitibusq³ dabo, mea testor sceptrā, marinis.
 Per freta vasta Cigas, quantum valet, effugit iras,
 Myrtoöq³ brevi spacio secluditur alto,
 Junonis jam parte Samo Dolicheq³ relictis.
 Hoc spes major alit vitam, spondetq³ salutem:
 Non scopuli, rupesq³ cavæ, non in via tardant,
 Adnixusq³ agitat spumas, & marmora verrit.
 Ille instat fugienti, & verberare terga fatigat
 Quadrupedum: solido graviter quatit ungula cornu
 AEgeum, magnaq³ volat vi fervidus axis.
 Verum, ubi nulla datur profundum affectare potestas,
 Infremuit Deus, & Cois allabatur oris,
 Concutiensq³ solum, duro labefacta tridente
 Saxa ciet, totoq³ innixus robore, partem
 Avellit, vulsamq³ jacet, præruptus aquæ mons.
 Insequitur jactum, sulvasq³ elidit arenas,
 Spumosaq³ simul Polyboten mergit in unda.
 Tantæ molis erit saxum, ut, licet occupet alvæum
 Carpathii immensum, & radice ad Tartara tendat,
 Fronte tamen summo Nisyros ab æquore surgat.
 Jamq³ Deæ triplices extrema hostilibus ausis
 Fila legunt, statuuntq³ armis imponere finem.
 Ipse quidem centum geminus post terga Typhoëus
 Horrorem immittit Superis, atrumq³ timorem,
 Palantesq³ iterum socios, incertaq³ cogit
 Agmina, jam abjectis miserè trepidantia signis.
 Sed frustra, namque ut primum via facta per hostes,

S ij

Obvius haud quisquam Divis se impunè tulisset,
 Aut virtute pari sese opposuisset in armis.
 Hic strepitus fugientium exaudiri, inde cadentium,
 Lapsantiumq; solo gemitus: subito undiquè plangor
 Erigitur lugubris ad auras, corporaq; alto
 Cesa cruore volutantur: pugna aspera surgit,
 Et calido exundat perfusum sanguine cælum.
 Hinc puer Oebalius mediis in cadibus, acri
 Ardet equo, nuncq; hos gladio, nunc excipit illos:
 Immanemq; dari, corda inter inertia, votis
 Enceladum, aut pulsum descendere ad arma Typhoëa
 Optat ovans, hosternq; vocat, nec se capit ultra.
 Omphitium Pollux: Abiasthum sternit Apollo:
 Iphidoonta soror: fugientem Asclepius Arnum,
 Arnum, cujus amor Nymphae Dodonides omnes.
 Occidit & Lycion, & jam longo obsitus ævo
 Terpandras, & vos, imperdita corpora ponto,
 Launus & Oriades, quos tempestatibus actos
 Penè simul præceps Neptuno immerserat Eurus.
 Multa virum, nimia cæde atque cupidine ferri,
 Corpora fusa solo relinquunt, nullaq; potiti
 Præda abeunt, potius cunctis hostile tropæis
 Ducentes jugulum, & caput à cervice recisum.
 Unus Achemenii vix telo elapsus Amani,
 Cæus adest lacrymans, obtestaturq; Typhoëa
 Rebus ut afflictis desperatisq; salutem
 Auxiliumq; ferat, cuncti quod & ore fremebant.
 Ille quidem, at multum prisca virtute remittens,
 Addere vim victis conatur, & agmine facto
 Sistere fortunas Divum: sed cogere in unum

Copia

Copia nulla datur, nec respirare potestas.
 Tum portenta verant. Pelias nam & tardus Oniscus,
 Arcadica pecudes, ambo terrore metuq;
 Horrificam intendunt vocem, qua tecta domusq;
 In sonuere cavæ, cælumq; remugit alrum.
 Hic Lelaps, illic latratu personat arces
 Ledæa Procyon recubans immanis in umbra.
 Terribili insequitur strepitu, procul ære canoro
 Ingeminans, totoq; sonat Deus æquore concha,
 Incenditq; animos Divûm in certamina Triton.
 Hoc magis Anguipedes concussi, auctusq; per omnes
 Horror it, atque ingens trepidos pavor occupat artus:
 Jam res fœda placet, pedibusq; fugacibus omnem
 Spem jaciunt, ea visa salus: & primus Acarnan
 Terga dat Alphestes, pariterq; excedere pugna
 Enceladus Cæusq; parant, unaq; juvenus,
 Quam necdum effætæ tardant in corpore vires.
 Consulturn sibi quisque cupit: non ulla cadentûm
 Lapsantûmq; cruore atro suspiria tardant.
 Immanis veluti pecora inter inertia tigris
 Cùm furit, & dispersa cavis armenta fatigat
 Sultibus: omne nemus mugitibus horret, & altum
 Disultat, rorantq; aspersi sanguine vepres.
 Territus ipse etiam sociorum sorte Typhoëus
 Extimuit, cœpitq; suis diffidere rebus:
 Nec se posse videns solum tot tendere contra,
 Desinit obniti Superis, ceditq; furori.
 Hoc Deus aspiciens scepra metuendus & igne.
 Ille fuga fidens, nostræne illu serit ira?
 Nec scelerum meritas expendet sanguine pœnas?

Dixit: & ardentes densa inter nubila flammæ
 Contorsit: sonuere auras, magnoq; fragore
 Intremuit Thasus, & Rhesi Mavortia tellus.
 Olli ingens rupit vulnus telum, ossaq; & artus
 Perfregit toro coniectum corpore fulmen.
 Voluitur in caput, & magno fluit agmine sanguis
 Vulneribus, manatq; actis cruor undique rivis,
 Quo fossæ implentur circum, & cava flumina crescunt.
 Tandem, ac si experrectus ab alto lumina somno
 Erigeret, gelidi se vallibus eripit Hæmi.
 Quam medium Rhodope cæli porrecta sub axem
 Excurrit, truditq; nives Oeagrius Hebrus,
 Teq; Propontiacis surgentem Cyzicon undis,
 Vicinasq; legit gentes, & mœnia quorum
 Hellepontiaci servat tutela Priapi.
 Indè, timore celer, trans Gargara, transq; sonantem
 Ascanium, & buxo undantem flavente Cytorum,
 Altaq; Cappadocis trans flumina Thermodontis
 Transit, ubi pictis bellantur Amazonæ armis.
 Undè, velut perhibent, toros ex ordine menses,
 Solus Hyperboreo septem subiecta Trioni
 Arva adiit, nunquam Scythicis viduata pruinis:
 Caucaseo, infelix, steriles in vertice sylvas
 Perlustrans, horrenda inter deserta, sine ullis
 Hospitiis: semper spirantes frigora Cauros
 Et Boreæ excipiens sub divo flabra, ubi nullæ
 Aut herbe campo apparent, aut montibus arbor,
 Quæ fessum exigua ramorum protegat umbra.
 Vertitur interea, sero jam vespere, cælum,
 Et nox atra cava terram circumvolat umbra.

Diffugiunt

Diffugiunt Tellure sati, totumq; per orbem
 Dispersi trepidant, & nocte teguntur opaca,
 Qui prius ingenti cælum obsidione premebant.
 Italiam pars magna petit, pars littora Cretæ,
 Otus ubi validis iterum se instruxerat armis,
 Auxilioq; omnes Curetum attraxerat urbes,
 Unus adhuc tenebris defensus, at ense Falacris
 Ante Gyges victus non uno vulnere, cæcis,
 Eccè, trahebatur latebris, quem Juppiter actum
 Desuper, igne gravi tremefacto excussit Olympo.
 Ille novem soles, totidemq; per æthera noctes
 Labitur: à terra spatio delapsus eodem,
 Ad Phlegetonta venit. Nam lucida quantus ad astra
 Suspectus, tantum in præceps patet ater Avernus.
 Increpuere fores scelerataq; limina, postquam
 Vivus ad infernas immani corpore sedes
 Venit, & attonita tenues sine sanguine vitæ,
 Elysiis arcere arvis, campisq; piorum
 Pro se quisque parant: ille umbras fortiter omnes
 Exsanguis solo removet, sine vulnere, flatu.
 Haud secus ac fragiles culmos, stipulasq; volantes
 Turbine verrit hiems, vacuas sublime per auras.
 Audiit hoc omnesq; erexit crinibus angues
 Tisiphone, ultriciq; Gigen accincta flagello
 Castigat, subigitq; hydri, vincitq; catenis.
 Et jam tempus erat, quo primo irrorat Eöus
 Tellurem nitidoq; retexit lumine mundum.
 Horror ubique animos, & plurima noctis imago
 Terræ adhuc cælum, nondum oblitum ante malorum.
 Vix reparare diem, seniori avula marito:

T

Audet, & obscuro Pallantias exit amictu:
 Lunaq₃ virgineo multum suffusa rubore
 Occulit aspersorantes sanguine bigas.
 Juppiter at primam terris albescere lucem
 Prospiciens, leviter semel intonat, & simul omnes
 Expediant, jubet, arma Dei, mox voce monentis
 Corripit è stratis sese cælum omne, ruuntq₃
 Quisque repentino sonitu, sociosq₃ fatigant
 Belli ad reliquias: tunc quos aurora morantes
 Attigit, ignaros passim terraq₃ lociq₃,
 Hos tulit orta dies, & inexorabile fatum.

Heroum in primis se matutinus agebat
 Alcides, plenus virtutum animiq₃, nec ullis
 Fractus adhuc damnis, seq₃ ipso major in armis
 Non aliter duris quàm tonsa bipennibus ilex
 Damna per & cædes, dextramq₃ secantis, ab ipso
 Ducit opes ferro, atque apicem intra nubila condit,
 Hunc circumstunt totoq₃ sequuntur Olympo
 Cælicolæ, galeis & ahena luce corusci.
 Prospectum ille petit speculis, si fortè Typhoeus,
 Aut quisquam occurrat medius de gente Gigantum:
 Hostem in conspectu nullum toto æquore campi
 Offendit, vacuosq₃ videt sine milite montes:
 Tantùm animæ viles, inhumata, infletaq₃ turba
 Strata jacer circum, nondumq₃ infossa sepulcris.
 Hanc tamen aspectat lacrymans, primoq₃ juventam
 Flore stupet fractam bello, fatisq₃ repulsam.
 Abruptos etiam montes, avulsaq₃ veris
 Saxa locis, terraq₃ specus miratur hiantes,
 In quibus argenti rivos, arisq₃ metalla

Invenisse

Invenisse ferunt homines, auriq̃, reposti
 Antè quidem venas primùm fluxisse reclusas,
 Et speciem misti electri, subito undè per orbem
 Tàm multæ scelerum facies, tàm tristis Erynnis,
 Et fas atque nefas versum prorupit, ut omnes
 Cogat avarus opes, defossoq̃, incubet auro:
 Undè iræ armorum, & clausæ compagibus arctis
 Bellorum verso referantur cardine portæ,
 Stricturæq̃, micant æris, silicesq̃, fluentes
 Vulsifico chalybe, ardenti fornace liquefcunt.

Eccè autem, socii meliùs dum singula lustrant,
 Accurrit, mediis Silentiùm elapsus ab armis
 Infelix Celadon, jam vulnere tardus & annis,
 Quem, dum victores Superi fugientibus instant,
 Terrigenæq̃, metu cælestia limina relinquunt,
 Immemores socii solum sub nocte silenti
 Deseruère, lacu hærentem, atque palustribus undis.
 Isq̃, ubi non longè venientia territus arma
 Conspectit, cecidère animi, gelidusq̃, cucurrit
 Ima per ossa tremor, veniamq̃, exposcere factis,
 Amplexus genua Alcideæ, molitur, & ignes
 Aetheris, & talem qui te genuère parentes
 Testor, ait, parce ex animi, miserere precantis:
 Ne bello ætherios fateor petiisse penates,
 Ausus triste nefas, Divùm at placabilis ira.
 Diluvio è tanto incolumem vivumq̃, reserva
 Elapsum: solus profuga cùm gente supersim,
 Fac precor, ô, superet, qui famam extendere facti
 Hanc possit, meritosq̃, aris indicare honores.

Sic fatur pavitans, faciemq̃, ostentat, & udo

T ij

Turpia membra fimo, Vestesq; paludē fluentes.
 Ignovisse quidem paterat tam multa precanti,
 Tendentiq; manus, si irati ignoscere scirent.
 Magnus enim Alcide placidas furor obstruit aures,
 Difficilisq; preces, & questus respuit omnes:
 Tum portenta vetant, nam dum se attollit ad auras,
 Altaq; suspexit cœli convexa, sereno
 Augurium prius ut captaret ab aethere, lævum
 Intonuit subito omnipotens pater, & simul ingens
 Visus ab Aurora cœlum transcurrere fulgor.
 Hoc animum arrectus monstro, tonitruq; sinistro,
 Affatur genitorem, & sanctum fulmen adorat,
 Visa sequor, quodcunque velint: hic poscitur aris.
 Hunc etiam tibi magne pater, gratumq; cruorem
 Mactō, sacra ferens: ira hoc satiata recumbat,
 His aras viridi erexit de cespite dictis,
 Librataq; viri perfregit tempora clava.
 Ceu bovis intentans fixam cervice securim.
 Concipit antè preces, Divisq; in vota vocatis,
 Dat flammis pecudes, tingitq; in sanguine cultros.
 Ille quidem silet, at dolor alta silentia cogit
 Rumpere, & infrendens ora indignantia solvit:
 Non Alcmena parens, generis non Juppiter auctor,
 Amphitryon iades: tibi nox satis una fuisset,
 Ut talem tamq; immitem, victisq; superbum
 Conciperet genitrix: ea fertur fabula vulgò:
 Saxa fretumq; tui auctores, genus omne ferarum
 Sævitiam dedit: hæc tibi sed monumenta relinquo,
 Non longum facto lataberis: imminet ultrix
 Oeta tuo sceleri, proprioq; ardebis ab igne,

Talibus

*Talibus ora impressa solo morientia condit,
Avertitq; oculos: ita in auras vitæ recessit.*

*Panditur interea oppugnantæ regia Olympi,
Obsessaq; domus: cælo juvat ire relicto,
Disiectosq; videre viros, molesq; Gigantum
Spirantes, & adhuc immani cæde tepentes,
Undiquè, visendi studio, ruit æthere ab alto
Divûm magna cohors: ingens concursus ad ipsa
Corpora, jam letho, & toro luctantia Averno.
Sed mentem expleri nequeunt: juvat usquè morari,
Et lustrare oculis confusæ stragis acervum.
Eumythus hîc jacer, atque suo se vulnere versat
Astorges: hic ora modis pallentia miris
Nescio quis tollit, proprioq; cruore volutat.
Nec pater AEgeus, non tanti expertia belli
Sunt maria: arva nova Neptunia cæde rubescunt,
Totq; virûm ingentes in littore fluctus acervos
Proluit, ut pelago motas innare putares
Cycladas, aut ceterum exstare immania terga.*

*Turba ingens animarum etiam, jam luce carentium,
Ditis ad obscuros nigra formidine lucos
Descendunt, Erebiq; domos atque intima lethi
Limina deveniunt, & Tartara murmure complent,
Expenduntq; suas pœnas, furisq; coactæ
Verbera sæva pati, fundo volvuntur in imo.
Plures, quos stagnum haud passus transire severus
Portitor objectum, hospitio prohibentur arena.
Nullia tot nunquàm Stygiam implevêre paludem
Exsequiarum inopes, & mortis honore carentes.
Ionio citius numeraveris æquore fluctus,*

T ij

Poma quod autumnus, quot flavas mæsis aristas,
 Aut quod Iapygiam sitientem examina vastant
 Muscarum, exiguas cum Titan contrahit umbras.
 Nec datur infernas miseris transmittere ripas,
 Hos dum pontus habet, ventiq; in litore versant,
 Illos mæsta parens nondum dignata sepulcro
 Donec ad extremum Alcides in humata sub unam
 Ossa tulit Myconem, & multa tumulavit arena.
 Tum demum admissi, remis vada livida verrunt,
 Cocytiq; secant tardas inamabilis undas.

Sic primum sors versa fidem, atque incepta sefellit
 Terrigenum, profugos eadem fortuna sequuta est.
 Errabantq; acti terris, maria omnia circum:
 Nunc ubi Pellæos aperit Candavia saltus,
 Nereidumq; fluit matri gratissimus AEas:
 Nunc ubi consurgunt vicina Ceraunia cælo,
 Et quondam medio venit vi pontus, & undis
 Phæacum Epiro diductas abscidit arces.
 Quidquid agant, successus abest, requiesq; negatur.
 Juppiter ipse instat pavidis, terretq; timentes,
 Multaq; per cæcam molitus fulmina noctem,
 Nititur Adriaco profugis se opponere ponto,
 Sed frustra vires Jovis exercentur & ira:
 Vincit iter durum metus, atque per invia ducit
 AEquora: non Scyllæ centum, non mille Charybdes
 Occlusisse viam poterant, aut vertere cursus.

Quarta dies aderat, stellisq; Aurora fugatis
 Orta rubescebat, prima cum luce per umbras
 Obscuri apparent colles, humilisq; propinquat
 Trinacris: à dextra se diva Lacina, & altum

Promit

Promit Iapygium cum navifrago Scylaceo.
 Cautus at Enceladus, Siculis allabimur oris,
 Exclamat, veterum decepti errore locorum,
 Excutimur cursu: Hesperiam Saturniaq̃ arva
 Est animus petere, & Latiis considerare terris.
 Flectite iter longè ad dextram, implacata Charybdis
 Hic habitat, latratq̃ informis Scylla profundo:
 Effugite ò socii, Oenotriiq̃ hanc littoris oram,
 Proxima quæ Hadriaci perfunditur æquoris æstu,
 Arripite, aut rapidis monstrorum immergimur undis.

Haud secus, ac iussi, faciunt: primusq̃ regressus
 Contorsit dextras cursum Periphatæ ad undas:
 Dextram cuncta cohors, magno clamore sequuntur.
 Effugit interea primùm vicina Calypsos,
 Caulonisq̃ arces: Aetnæ evanescit in auras
 Fumus, & Herculei rarescunt claustra Tarenti,
 Ioniumq̃ capax, contracto gurgite, longo
 Fit minus aspectu: propior sonat Ausfidus undis,
 Carganiq̃ jugum se majus ab æquore tollit,
 Altior & surgit pater Apenninus ad auras.
 Illum omnes procul admirati voce salutant,
 Illius auxilium & sanctum prece numen adorant,
 Defunctiq̃ errore viæ, tellure potiti
 Succedunt Itala, & gratæ advertuntur arenæ.

Tum prior Enceladus, passis de littore palmis,
 Divosq̃ Geniosq̃ loci, atque ignota precatur
 Numina suspirans. Vos tandem parcite genti
 Terrigenæ Hesperii, pluresq̃ avertite casus:
 Vos prohibete iras, Superùmq̃ arcete furorem:
 Reliquias servate: inopi succurrite turbæ.

Tuq³, ô, prima Deûm Tellus, sanctissima mater,
 Qui te cunque locus miserantem incommoda nostra
 Forcè tenet, quocunque solo, quibus orbis in oris
 Mæsta lates, nostraq³ coquit te injuria cædis,
 Huc ades, ô, tandem, & nostro succurre labori.
 Imperium non jam antiquum, promissaq³ sceptrâ
 Oramus: non ut careat pulcro hostis Olympo:
 Saltem hunc abjectum vitæ mortalis honorem
 Conserva, vitamq³ sequentibus eripe Divis.

Vix ea finierat, cum campo insurgere nubem
 Obscuram procul aspiciunt, & pulvere moto
 Visus adesse pedum sonitus, tractuq³ gementem
 Instrepere, & stridere gravi sub pondere currum.
 Ad sonitum arrecta mentes, subitoq³ per auras
 Maternos videre choros, ipsamq³ relictâ
 Antandro, Phrygiæ venientem montibus Ida.
 Hei mihi, qualis erat, vultu quàm tristis, ab illâ
 Quàm Cybele mutata, prius quæ immanibus ausis
 Terrarum domito imperium affectârat Olympo,
 Captivumq³ Jovem, vinclis & carcere clausum,
 Frenare, æternumq³ jugo submittere Divos.
 Quanta spe dejecta venit: non splendida luxu
 Regali, aut picto chlamydem circumdata lymbo.
 Textilibusve crepans domis, & torquibus aureis:
 Non rubor & niveæ subluet purpura fronti,
 Quiq³ fuit, longè est alius color: horrida vulum
 Deformat macies, & vix cutis ossibus hæret.
 Nec tantum dolor ille tuum Berecynthia pectus,
 Tangit & indomitas mentes, rationis egentes,
 Nesciaq³ humanis precibus mansuescere corda

Asueti

*Assueti imperiis domina visore leones
Ingemere, & querulas in fletum ducere voces:
Non sinuare pedes, non colla comantia pexi,
Fulvaq; compositis ornati tempora fertis,
Antè velut, plausæ sonitum cervicis amaræ.
Ut propius tandem ventum est, & cernere coràm
Gnatorum ora datum, mæstas expromere voces
Incipit illacrymans. Verus mihi nuntius ergò
Venerat, extinctam passamq; extrema trisulcis
Progeniem flammis? Est hæc promissa parenti
Gloria, de victo cælo hæc spolia ampla refertis?
Fortunati animi, qui, nè quid tale viderent,
Fortiter occubuerè: utinàm sublata fuisset
Iam pridem ipsa etiam, nec in hunc servata dolorem.
Vellem equidem gelidas gnatis comes ire sub umbras.
Imperio jam promisso diffidimus: astris
Affectamus iter frustra: speravimus illa,
Dum fortuna fuit: nunc spes nova lætat, & illa
Irrita forsan erit, cæptisq; simillima primis.
Si modò quem vestrum diræ subducere pugna,
Et bello incolumem superesse Typhoëa detur,
Quo decus & primæ stirpis revocentur honores,
Non equidem omninò Superis orbata viderer.
Sed frustra hæc, votis nil proficientibus, opto:
Non unquàm dabitur, fatis auctoribus illum
His superesse malis: periit cum matre Typhoëus,
Quem fore Titanum ultorem, casusq; levamen
Rebar, & hoc salvo me posse resurgere victam.
Ille mihi curas & bella peracta canebat,
Ille malis solamen erat post fata Meno et I*

Magnanimi, & patrua conspersum cæde Tonantem.
 Quis locus, heu fili, quæ te maria in via tardant?
 Te quibus errantem terris, quibus exsul in oris
 Ejectum inveniam? superâsne & vesceris aura,
 An procul ante diem, procul illa crymabilis Orco
 Victima prostratus, mediâq; inhumatus arena,
 Supplicia exhausti? vos, ô, mihi reddite gnatum,
 Reddite conspectum, ille erit hûic medicina furori.
 Si cælo Superi excludant, Erebusq; Chaosq;
 Vos capiant: ite egregii, factisq; celebres:
 Si Stygias tranavit aquas, tenebrisq; profundas,
 Imbelli fretus cithara, descendit ad umbras,
 Conjugis in lucem ut manes arcesceret Orpheûs,
 Ausus idem si, Pirithoö juratus amico,
 AEgides, raptamq; semel tentare maritam,
 Vos Phlegethon, tardat, vos interfusa coërcet
 Unda Stygis? longo curvus vos portitor ævo,
 Canitiesq; movet defessa, & sutilis alnus?
 Cedite degeneres, non defensoribus istis
 Me regere, atque armis Superûm defendere, nedûm
 Asserere imperium dabitur, cæloq; potiri.
 Talia cum gemitu mistoq; profata furore,
 Proripuit sese ex oculis, inimicaq; fugit
 In nemus Idaeum, hîc olî pulcerrimus Atys
 Respondet curis, & lenit amore dolorem.
 Nec minùs Enceladus, fugientem voce sequutus,
 Quò crudelis abis, clamat, quid surgis in iras?
 Siste gradum: dura quid inexorabilis aure?
 Nondûm omnis sublata salus. Sed torva tuentem
 Flectere non potuit, non emollire precando.

Indè

Indè iter infistunt, non lata fronte repulsi,
 Atque illaudato rectas Læstrygone terras
 Deveniunt, dictamq; ducis de nomine gentem.
 Diditur hic subito vicina per oppida rumor,
 Famaq; finitimas implevit nuntia terras,
 Ingentesq; viros, ignotæ stirpis & ortus,
 Advenisse ferunt sublimi in principis aula.
 Obstupuere omnes animis populiq; patresq;
 In primis Rex ipse: statimq; in tecta vocatos
 Imperat acciri, & folio sic fatur ab alto.
 Quis Deus aut error nostris vos applicat oris?
 Quid petitis profugi, Ausoniis quid queritis arvis,
 Gens peregrina virum, nostroq; incognita seculo?
 Dixerat: Enceladus contra sic reddidit ore.

Rex, genus egregium pelagi, Neptunia proles,
 Cui populos urbesq; datum frenare superbas,
 Non errore via, sed cæli numine laeso,
 Vi Superum profugi, terris jactamur & alto:
 Hæc est causa caputq; mali: tot adire labores,
 Volvere tot casus Cælestium impellimur ira.
 Terrigenas & tela vides inimica Tonanti,
 Hancq; actam Emathia, subjectiq; orbis habenis
 Centem magnanimam, vinclis nec legibus ullis
 Subjectam, & veteri pro libertatis amore
 Arma Jovi movisse, & Dis adversa tulisse
 Signa, sed infausto (dolor est meminisse laborum)
 Eventu, & regnis pulsos cessisse paternis.
 Nos igitur pauci vestris adnavimus oris,
 Exiliq; locum exiguum, auxiliumq; rogantes,
 Subvenias petimus rebus, non asper, egenis,

U y

Quò prisca virtute Jovem vel tendere contra
 Possimus, cœptumq; animis inhibere furorem.
 Non equidem extimui, æquorea quòd stirpis, avumq;
 Saturnum, patruumq; Jovem, Divosq; propinquos
 Sanguine denumeres, primaq; ab origine cælum:
 Hoc & Aloïdæ gemini, hoc Neptunius Almops,
 Hoc & Athos fecère, Tonanti scq; suosq;
 Objecère tamen: quod te per jura fidemq;
 Perq; parentem oro, atque indigna morte sepultas
 Fraternas animas, ultriciaq; arma rogantes.
 Dux fuit Eurymedon nobis, illustrior armis
 Quo vix alter erat, Phæacum è sanguine cretus:
 Hunc si fata viro, si Parcarum invida nostro
 Jussa pepercissent generi, haud aboleretur acti
 Cratia, & officio miseris certasse pigeret.
 Talibus Enceladus mulcet Læstrygona dictis.
 Obstupuit Rex auditis, terraq; moratus
 Paulum oculis, sic tandem ora admirantia solvit.
 Quid loquar, ô caræ gentis fortissime, vobis
 Dux fuit Eurymedon, quem magnanimò Ianira
 Alma dedit partu quondam compressa Phalacro?
 Ipsum equidem memini huc olim Phæacibus actum
 Cum genitore suo, nostros subiisse penates.
 Tunc maternus avus latissima regna domosq;
 Imperio, Caulona etiam, fortesq; Timavi,
 Et mare, quod supra Hesperiam alluit, omne tenebat.
 Præ reliquis unum insignitum laude ferebam,
 Caudebamq; puer puero, juvenilibus ambo
 Et studiis animisq;: & nunc, si viveret, atas
 Eßet par nobis, & idem quoque robur ab annis.

Illum

Illum at fata premunt inimica, effæta senectus
 Nec cogit: populi ingentes, opulentaq; regna
 Dissidiis distracta labant: hinc proximus arcto
 Limes agro positus, Thyrræno hinc claudimur alto.
 Cætera Tybris atrox, montis regnator Hetrusci,
 Laurentesq; tenent domini, sævusq; Ligystus.
 Quod tamen imperii vires patiuntur, opesq;
 Exiguæ, dabimus lituos & vulnera pubem
 Marte sub adverso expertam civilibus armis.
 Intere à nostris fessi succedite tectis,
 Speq; fovete animum, & tristes secludite curas.
 His dictis simul erecti, cunctisq; repente
 Latitæ improvisa oculis affulsit imago.
 Solvunt corde metum, & leti convivia curant.
 Fama fidem facit intere à, missiq; reportant
 Exploratores, armato milite terras
 Curetum obsessas circum, magnaq; virum vi
 Littus Aloiden Otum cinxisse, nec ullum
 Hoste vacare locum, et tota tellure poritum.
 Quin etiam primas urbes ipsumq; Milinum,
 Musæiq; manus ducis uno pectore bellum
 Conspirasse novum, & coisse in fœdera dextras.
 At nil omnipotens genitor, domitorq; Gigantum,
 Attonitus, timer infandi conatibus Oti,
 Et bellum more novi, sed sævior ardet
 Offenso ira animo: pœnas traxisse per omnes
 Reliquias placet, & profugos, atque ultima belli
 Auxilia euertiße, ut nil de gente relictum,
 Non cineres, nè signa quidem vel fama supersit.
 Omnibus idem animus Superis: hinc magna Læcones

U ij

Incrementa Jovis, Sancusq̃, & Carus Ogōas
 Certatim exciti circumstant recta Tonantis,
 Germanusq̃ pater lorica inducitur artus
 Aere gravi Tūstōn: fulgent cuncta arma, jubaq̃
 Quadruplici crinita regit galea aurea crines.
 Hinc ruit Alcides, hinc Perseus justus in hostem
 Fert dolor, & merita accensus Saturnius ira,
 Tela manu flammisq̃ rapit: solum omnia contra
 Fulmina Aloiden cælestiaq̃ expedit arma.

Tum circumspiciens quàm sese in bella sequantur.
 Præstantes virtute Dei, nè cedat honori,
 Talibus aggreditur dictis, cessante tumultu.
 Egregiam certè laudem, & memorabile nomen,
 Vos aeternæ animæ, & cæli omnipotentis alumni,
 Antè triumphato victoq̃ tulistis ab hoste:
 Idem hostis cū bello reposcat, at antè repulsus,
 Et sociūm desertor, easdem promite vires,
 Atque iras, quibus in Phlegræis montibus usi:
 Gloria vos eadem, majoris nescia laudis.
 Excitet antiquam in virtutem, animosq̃ viriles.
 Ipse ego me, gemino quoniam divellimur hoste,
 Hac cum parte Deūm, & Phæbo Phæliq̃ sorore,
 Ne me Oro objiciam: sint incunabula curæ
 Saltem nostra mihi: profugō ego prælia faxo
 Magna satis, licet ipse suat regnator Avernī,
 Tu sævum Enceladum Alcida contra obvius ito
 Cum reliquis, cælūque instantibus eripe fatis:
 Vertito tela manu sanguis meus: arripe castra,
 Turbatasq̃ acies: erit olim gratia facti
 Magna tui: patre me non indonatus abibis:

Debita

Debita cū vitæ complerint tempora Parcæ,
 Mortale m' eripiam formam, stellisq; locatum,
 Accipiam cælo, structisq; vocaberis aris.
 Si fors gnate tuos ardes cognoscere honores,
 Quà locus inter Avem labentem & Gnosia sarta
 Panditur, ecce, caput venienti Epidaurius anguis
 Contrahit, & vacua cæli in regione requirit:
 Ipse retrogressus, iusta plus parte relictæ
 Erigonem juxta Chelasq; Coronide cretus
 Indigeti assurgit, votisq; ad sidera poscit.
 His thalamos super addam, & nostri seminis Heben.
 Connubio jungam stabili, æternoq; Hymenæo:
 Hanc quoque perpetuæ donatam flore juventæ
 Præficiam cyathis, mihi quò Superisq; coronet
 Ambrosiæ succos, & odori nectaris haustus.
 Tu mihi testis eris, conjuxq; & maximus orbis,
 Qui simul illius templis indicet honorem,
 Communiq; agnos feriet cum matribus aræ.
 Sed quid, gnate, ultrà fando tua demoror arma?
 Vade agè, & egregium factis fer ad æthera nomen.
 Laudibus Alcides gaudet, versatq; futurum
 Conjugium, atque animum magno labefactus amore,
 Ardet in arma magis: sed non Junonia tantum
 Gnata movet, quantum in sacris cæloq; moratur
 Promisso, indigetisq; Dei latatur honore.
 Hæc volvens, magnus media consistit arena
 Induiturq; humeros tegmen, quassatq; trementem
 Vociferans clavam. Tu nostra incæpta secundes
 Summe pater: tu conatus frustrata nec unquam
 Clava meos, adsis, magnæ virtutis & artis.

*Dum bellum aggredimur: tua robora janitor Orci,
 Hylæusq̃, Pholusq̃, & Lerne exhorruit anguis,
 Atque anima terne Alcionæi, fortisq̃ Ephialtes:
 Tu raptorem Italam, spirantiaq̃ ignibus ora
 Semihominis Caci stravisti: en, maximus idem
 Te gerit Alcides, eadem te dextera vibrat:
 Perge eadem laude, & dubiis nè defice rebus.*

*Dixit, & inflexus se circumvertit in orbem,
 Protenditq̃ humeros latos, robustaq̃ jactat
 Brachia, & invictos diversis casibus armos.
 Ceu bellator equus, denso distendere pingui
 Quem prius aurigæ satagunt, & plausa laceßunt
 Pectora, ut assuescat blandis gaudere magistris.
 Olli corda tremens pavor exsultantia pulsar,
 Excutiensq̃ jubas pexa cervice comantes,
 Stare loco nescit, totoq̃ ardentis ab ore,
 Spiritus absistit, spumisq̃ humectat habenas,*

*Atque ita dissimili dum DI fervore morantur,
 Armaq̃ confusi rapiunt, Acheronte relicto,
 Invehitur niveis virgo Styge nata quadrigis,
 Indignata moras: victricem dextera palmam,
 Altera pacifera ramum prætendit olivæ:
 Latitiæ circumq̃, supraq̃, & clamor ovariantum,
 Plaususq̃ fremitusq̃ sonant, ludiq̃, triumphiq̃,
 Hinntusq̃, & iniqua capti sorte gementes.
 Ipse regens currum forticum fratre gravis Vis
 Sæva sedet super arma ducisq̃ insignia victi,
 Et letum pæana canit: pæana profunde
 Responsant sylvæ, & sonitum nemora alta remittunt.
 Jamq̃ triumphantes cæli convexa subibant:*

Cum

Cum strepitu, & portis curru Dea lata sub ipsis
Desiluit, coramque Jovem compellat, & inquit.
Quid pater omnipotens gelidis in nubibus haeres?
Qua spe captus agis, quonam trahis omine bellum?
Ulterius tentare times? quæ causa coëgit
Vincentes tardasse manus? si condere terra
Se potuere cava profugi, tellure repostos
Erueres, traheresq; inimica in praelia pulsos.
Scilicet expectas armisq; animisq; refecti
Dum redeant, iterumq; novis operata juventus
Connubiis, aliam (res non caret illa periclo)
Sufficiat prolem, & bello ad majora resurgat?
Pro cælo obtestor, pro maiestate tuorum,
Nacte animi virtute tua: nil triste timebis
Auspice me, nec habet sententia fixa regressum:
Do, quod vis, nec enim credo, fortissime Divum,
Sceptra aliena pati, & dominam dignabere Vestam.
Hæc ubi dicta dedit, se curru excelsa locavit,
Exuviisq; Jovem, spoliisq; recentibus omnes
Ornavit Superos. Ille implacabilis ultra
Fluctuat ira, oditq; moras, & fulmina versat
Sæva manu, majorque animo violentia surgit.
Circum omnis, quocunque abiit, stipata tegebat
Turba Deum, cunctis caput objectare periclis,
Et per aperta ducem discrimina ferre parata.

Primus in adversos missus cum milite Divos
Hyrtacides Musæus erat, quem matre creatum
Cypride nutrièrat sacra pater Hirtacus Ida,
Æquoreamque Cydona, & littora longa tenebat,
Creta Jovis magnitellus ubi Cycladas alto

X

Aspicit Aegæo, sparsasq; per aquora terras:
 Isq; ubi quadrupe dante pedum sonitu excitus, arma
 Persudum rutilare videt, fractumq; per auras
 Clangorem mugire tubæ contreritus hausit,
 Jamq; adsunt, portusq; tenent, propiusq; periclo est,
 Obstupuit, subito incumbētis imagine belli,
 Consilii quid caperet inops, veniā mne precari,
 Molirine fugam velit, & convertere cursus:
 Dum dubitat, celeres Austri celer anteit alas
 Juppiter, & positus circum stat in agmine castris.
 Sensit Aloides vicina movere propinquum
 Signa Jovem: primò accendit viresq; animumq;
 Nec torpere gravi passus sua castra veterno,
 Impiger in medium raptis legionibus, omnem
 Ordine lunato pubem instructasq; cohortes
 Explicuit, campoq; aciem direxit aperto,
 Compositam numero in turmas certoq; maniplos.
 At quorum melior menti sententia, agendum
 Marte vetant belli procures, verat ipse Nilinus,
 Hyrtacidesq;, dolos jam dudum pectore versans,
 Qua ratione queat sese discrimine tanto
 Subtrahere, hostilesq; sequi, vel rursus, ausus.
 At puer Ascræus lucis contemptor & hostis,
 Audendum dextra est animisq; audacibus, inquit,
 Dum fatum indulget, validaq; ad prælia vires.
 In me nulla mora est, nihil est quòd castra reducam,
 Ignavisq; fuga mentem Cœlestibus addam:
 Nunc cælum superire, nefasq; refellere certum est,
 Hoc & forsq; Deusque jubent, & conscia virtus.
 Talia vociferans, parvum celer instruit agmen,

Signaq;

Signaq³ ferre jubet frustra retinente Nilino.
 Interea Hyrtacida partes nutumq³ sequuti
 Cetera dum campis pubes instructa moratur,
 Et cedunt tacite, & lævo se tramite sensim
 Subducunt, Superisq³ parant sua jungere castra.
 Haud temerè est visum, extemplo nam fama furenti
 Detulit, arma retrò converti, abiturumq³ parari
 Musæo, & tacito socios se abscondere furto.
 Sævit inops animi, rumore accensus amaro,
 Otus, & antevolans, tali scelus increpat ore.
 Dissimulare fugam voluisti, perfide, tantam
 Hyrtacide, furtumq³ meis decedere castris
 Affectas? an sic dictis Musæe manebis
 Hancne finis spem ferre tui, hæc est maxima rerum
 Dictorumq³ fides? ubi sunt jurantia verba?
 Spiritus ille prius sese illo corpore solvet,
 Antefides quàm te violem, & tua jura resolvam.
 Sicne adversa cadens fortuna ingentibus ausis
 Degencrem arguerit? juratum deseris Otum,
 Quo sine nulla tuis quæsita est gloria rebus?
 Qui regno expulsum casus complexus in omnes
 Restituit sceptris? anne hæc, ingrate, ferenda
 Gratia pro meritis? terrorum & fraudis abundè
 Antè fuit castris, nunc hoc, quodcunque pericli est,
 Perfidia scelerate tua, auxilioq³ negato,
 Majus erit: patria agnosco perjuriam gentis,
 Quæ simili quondam potuit succumbere culpa.
 At, modò quæ pietas capiti tam fœda reservat,
 Hæc quoque teq³ tuumq³ genus, perjure manebunt.
 Vos autem, infidum exosi dominumq³ ducemq³,

X ij

State viri, immotas simili nè crimine mentes

Involvat, curaq; animos deludat inani.

Talibus insistit furiata mente per agmen,

Incusatq; viri mendacis jura fidemq;.

At nihil Hyrtacides, nihil illos dicta movebant,

Sed celerare dolos, recipiq; hostilibus ardent

Obsequiis, strictumq; in amicos vertere ferrum.

Interea magno cælum intonat omne fragore,

Fulguraq; ingeminant, quibus omnia visa repente

Corruere, inq; atras subsidere Creta favillas.

Ipse pater flammæ, telumq; haud debile dextra

Molitus, gladium stringentem, & dira minantem

Supplicia, aggreditur, clypeumq; everberat aura

Fulminis, instantemq; tamen sine fine Nilinum

Exsuperat vi magna: illum immedicabile vulnus

Sternit humi, clausosq; oculos nox ultima oberrat.

Ceu Boreas subito turbans nemus omne tumultu

Flatibus excelsam quercum ab radicibus imis

Eruit expulsam sublimè, omnesq; fragore

Excitat adjunctos colles: stridore profundæ

Increpitant sylvæ, & multum pluit ilice glandis.

Tum verò ingenti miscentur pectora motu

Bellantum, vulgiq; labant trepidantia corda,

Sublato Megaphatiade, magni agminis instar

Qui fuerat solus, nec pars postrema salutis.

Dux at Aloides illum increbrescere cernens

Rumorem, totus juvenili expalluit ore,

Tabentesq; genas solvit formidine torpor:

Quid faciat, qua vi Superum se evolvat ab armis,

Quò se proripiat, Cretæ quibus occulat oris.

Ira

Ira pudorq; fugam prohibent, virtusq; recursat
 Prisca animo: solus tamen haud se opponere Divis,
 Obnitiq; nequit Superis, & tendere contrà.
 Tum demùm variū vertuntur pectore sensus,
 Horrificatq; animum lethi timor, atque vocantem
 Protendens dextram, socios simul increpat omnes.
 Quò ruitis, solam hanc animam num proditis hosti?
 Ne me unum objicitis, nec tangit cura relictī?
 Hæc est illa fides, Otum sic fraude petistis
 Immeritum, quoniam Musæo a versa voluntas?
 Talia jactanti, telumq; instare trementi,
 Mens non læva fuit: nam adducto Delius arcu
 Fulminat, exclamatq;. Feres nunc quidquid acerbum est,
 Quæq; noverca diu sceleri Eëribœa paravit.
 Haudquaquàm ille, satum quo te mentiris, aquarum
 Eripiet Deus his telis, non verus Enipeüs,
 Non Saturnus avus: Mavors hoc missile, Mavors
 Librat, & hæc fatus, telum fatale coruscet,
 Fulgentemq; locis bis sex thoraca petiturum,
 Perfodit totidem, leviter tamen ære repulsum,
 Extremam mucrone cutem, sine sanguine, strinxit.
 Hoc animis cernens immanibus effera Phœbe
 Ingentem, arboream, atque ima de stirpe recisam
 Hastam intorquet: at illa auras certissima tranat,
 Atque viam molita cavi per tegmina scuti,
 Aëræque per ferriq; moras descendit in imum
 Pectus, & effregit costas: tum hærentia magno
 Vulnere tela trahens, animam cum sanguine fundit.
 Ille statim, taurus veluti media inter adactus
 Cornua, vastus humi prosternitur & tremit artus

X ij

Ardua^q ingenti concussa est pondere tellus.
 Mox circumfusi spoliant, & demta cruentis
 Arma humeris rapiunt: auratis cingula bullis
 Et clypeum Phœbus sumit, pallens^q comanti
 Cum galea caput abscindit, truncum^q tepentem
 Obruit immani subjectum mole Cadisci.

At socii exanimés passim in diversa timore
 Labuntur, vertunt^q dato vestigia tergo:
 Hi déserta petunt cursu spelæa ferarum,
 Hyrracida partes alii terrore sequuntur.
 Quos pater omnipotens certè nil tale merentes
 Prosequitur venia, parcitque precantibus ultrò.
 Sunt quoque Musæo sua dona, quod, hoste relicto,
 Se médium paci obtulerit, bellig^q sequestrum.
 Ergò spe citius magni confecta laboris
 Res fuit, atque omni Divûm sine sanguine tantæ
 Molis opus fractum, & sua gloria reddita cælo.

Olli sublimes in equis, discrimine tanto
 Defuncti, redeunti, hostilia^q arma ferentes,
 Italiam clamore petunt, vim^q addere fessis
 Accelerant: illic instructo Marte videres
 Fervere vim pugna, clypeis^q effulgere campos.
 Jam timor Enceladus Superûm alta conditus Aetna
 Ingemit, atque latus motat, glomerat^q sub auras
 Fumiferam noctem, & commistas igne favillas,
 Hinc illinc clausus tenebris & carcere cæco:
 Iäpetus^q cava Prochyta, duro^q cubili
 Subditus Inarimes, fremit horridus ore cruento.
 Ipse etiam Alcioneûs, quem jam demiserat Orco
 Sapius Alcides, injecti mole Uesevi

Obrutus

Obrutus, ore ciet flammās, ignesq; rebelles
 Faucibus eructans supera ad convexa volutat
 Terrificus, nebulaq; ingens mons aestuat atra.

Quis mihi nunc *Musa*, quis clades pandet *Apollo*,
 Totq; viros, longis quos fama obscurior annis
 Occulit ignotos? quis talia funera fando
 Explicet? an tanta superis *Cælestibus* ira
 Juppiter, atque omnes bellorum effundis habenas?

Sternitur omne solum morientibus, altus ad astra
 Lucida strage virum latè accumulatur acervus.
 Non secus ac si quando effusa grandine nimbis
 Præcipitat, densaq; operit nive tecta domosq;
 Vertitur ipse inter medios, *Martemq;* fatigat
 Castor equum domitor, *Mithrasq;* nitente tiara,
 Zosipolusq; *Eleus*, & immortalis *Eänus*.

Parte alia latis contrà deservit in arvis,
 Agmen agens peditumq; equitumq; *Volusus*, urbis
 Rector *Agyllinæ*: ceu credidit alma vetustas,
 Sylva pro satus, atque jugis enixus *Hetruscis*
Matre Thera, ingenti in luco, propè *Ceritis* amnem.
 Ponè duo subeunt juvenes, quorum alter *Alebas*,
 Alter *Amalthiades*, hic equo fidentior acri,
 Ille levi melior cursu, pugnaq; pedestri:
 Densa manus circum gressus comitatur heriles
 Servorum, magnoq; aciem glomerantur in unam.
 Murmure, velati setis. Ceu sæpè palustres
 In numerum coeunt fulicæ, cum *Laria* circum
 Dulcibus in stagnis rimantur prata fluentis
 Adduæ, & ingentes vertunt ad littora, prædas.

Hos contra egregiis ingens apparuit armis

Vera Jovis soboles, nympha Symethi decretus,
 Et forti innixus dextra, venientibus hastam
 Immittit, sonuere auræ, rectaq; gemellos,
 Aegialum atque Tragon, conjuncto vulnere fratres
 Fundit humi, quos mater Ilythia lacte caprino
 Nutriërat, tenensq; immulserat ubera labris:
 Fecit enim hoc quondam teneri inclementia dentis
 Quò minùs admòrit, mammisq; infixa cicatrix.
 Tum Tereo atque Pheastro incumbit, & eminùs hasta
 Conjecta, Tereum instantem transverberat: olli
 Ingeminat vulnus fugienti, atque altior ira
 Insurgens, perq; arma jacet perq; ossa Pheastri:
 Occubat & Terilas, genitum quem matre Liburna,
 Apforus Adriacis circumflua protulit undis.

Obvius ardenti sese offert Umber Amernus,
 Magnum aliquid dextra sperans, vimq; adfore telo
 Crediderat, longè at tremebunda supervolat hasta,
 Incassumq; furens discussas vulnerat auras.
 Tum verò implacati efferbuit ira Palici,
 Horrendumq; tuens, librato missile, utrinquè
 Tempora perfringit, cerebroq; undantia fuso
 Extemplo immani de vulnere tela receptat,
 Mox aliis latura necem, namque area scuti
 Tegmina per, triplicemq; auro thoraca, Nerani
 Pectus in oppositum stetit: olli frigida letho
 Solvuntur membra, atque omnes mors occupat artus:
 Pergit adhuc, magniq; Cleantis cominùs ense
 Occupat os, animaq; viam mucrone recludit.
 Ille quidem patrio nequidquàm elapsus ab hoste,
 Italiam fato profugus, Cumanaq; venit

Littora,

Littora, multa mari passus, furiisq^{ue} suorum
Pulsus ob invidiam solio, sceptrisq^{ue} Liburnis,
Exsilio scelus ut patris crudele piaret.

Ille etenim (memor horresco) matresq^{ue} virosq^{ue},
Illyricasq^{ue} nurus, mœstum & miserabile vulgus,
Urbis in excidium cum portas clauserat omnes,
Ad pœnam, ficta pro libertate, vocarat.
Triste nefas, nec quidquàm jura fidemq^{ue} Tyrannus
Ultoremq^{ue} Jovem erubuit, pœnasq^{ue} sequaces.

At procul ut quanto cuncta in discrimine rerum
Versentur, turbamq^{ue} metu conspexit inermem
Salus Imerodes, Hetrusco ductor ab Arno,
Increpat hærentes, dictisq^{ue} instigat acerbis.
Dedecus hoc prohibere viri, quos sorte suprema
Esse viæ comites voluit, sociosq^{ue} salutis
Alma parens: pudeat nostram sine vindice gentem
Occubuisse: satis, si vincere fortè negatum,
Non tamen imbelles sine cæde & sanguine Divùm
Has nostras fuisse animas, Orcumq^{ue} subisse.
Extremum hoc saltem, precor, & commune periculum
Nè grave sit victus, totisq^{ue} occurrere cælo
Viribus: ense viam sibi quisque recludat, & armis
Opperat egregiam mortem, virtutis & ortus
Magnarumq^{ue} memor laudum, quò sera nepotum
Venturorum atas aliquod nomenq^{ue} decusq^{ue}
Nos etiam gessisse sciat: nè nulla superstes
Gloria cum vita immemori simul occubet ævo
Interit haud, virtute sua qui vivit; & expers
Mortis agit, totum fama super æthara notus:

Y

Quem non illa movent laudumq; agnata cupido,
Jam perit, & aperta videt sua funera vivens.

Talia clamanti Tirynthius imminet heros,

A tergo contraq; parat non verba, sed arma:

Ille sonum agnovit, pedibusq; fugacibus atro

Se letho eripuit, sociumq; recepit ad agmen.

Cerva velut, latebris solitoq; egressa cubili,

Pascua nota petit, crudum si territa cernat

Fortè lupum, aut fulvum descendere monte leonem,

Occupat obscuras sylvas atque invia lustra,

Precipitiq; fuga densis se vepribus abdit.

Ingruit Alcides victor, magnamq; per omnes

Cede viros edit stragem: nec sufficit ultra,

Jam divulsa acies, tot se evolvere damnis.

Terrigenae attoniti monstros, deserta videntes

Agmina, turbatasq; immani cæde cohortes,

Qua dubitant virtute, quibus se fraudibus hosti

Eripiant: primus contra juvenilis Amyntor

Emicat, aërio quem Daunius Apennino

Miserat Etioneus Damala Sybaritide cretum:

Ille tuens crudele, truci procul omnia visu

Lustrat, & Alcide insultat, sic ore loquutus.

Quis Deus Italicis iterum te reddidit oris,

Pestis & atra lues mortalibus, orbe remenso?

Non sat erat semel Hesperio maduisse cruore,

Italiamq; implēse tuis terroribus omnem?

Non ultra nostris ditabere, sæve, tropæis,

Lucanasq; Lai Oenotrii penetrabis ad undas.

Cacus Aventinis iterum consurget in arvis,

Arma-

*Armabuntq; novum Junonia templa Lacinum.
 Credo equidem, mentem modo veris implet haruspex,
 Hæc suprema tuis quod lux affulserit actis.
 Sarne, tuos testor fontes, Silariq; fluentæ,
 Si concessa precor, prope vestras consita ripas
 Exuvius spoliisq; onerabitur arbor opimis.*

*Talia dicentem procul ut conspexit in armis
 Amphirryoniades, quamvis vix mora furore
 Ira moram patitur, sese his cum vocibus offert.
 Non odiis certare satis, vanasq; loquaci
 Ore movere neces, & tristia quæque minari:
 Viribus experiamur & ense, quid illius in te
 Si prisca virtutis inest: agè, consere dextram.
 At verò juvenis formidine captus Amyntor,
 Sanguineaq; oculorum acie, & sermone loquentis
 Consternatus, ad Hetrusci se proripit alas
 Agminis, & celerem cursu prævertitur Eurum.
 Qualis in arva volans ingentem Chaonis ales
 Dat tecto pennis strepitum, plausuq; superbo
 Ipsa sibi placet, & moras diverberat auras:
 Hos animos fastusq; alto si ex æthere raptor
 Cernat, & irruat, affectati oblita decoris,
 Tecta tremens petit, & timidas vix commover alas.*

*Ast illum Alcides fugientem in prælia poscit,
 Exprobratque metum puero virtutis egenti,
 Pauci obstant Italum, tantumq; imbellibus auras
 Nil silibus quatunt, & inertia tela fatigant.
 Quorum de numero, jam funera certa timentem,
 Cedentemq; loco vi magna robore adactò,*

Y ij

Immolat Alcathöum, quem gurgite Larius alto
 Edidit, in rota quo non jucundior alter
 Est lacus Hesperia: medionam profluit humor
 Dulcis, & ingratas celer Addua respuit undas:
 Hinc illinc stat iners liquor, atque virentia musco.
 Stagna ferunt gratas epulis Insubribus escas.
 Ingenti circum tractu, longo ordine, montes
 Perpetui cingunt, quorum iuga summa coronant
 Castaneæ, atque habitæ Crajis oracula quercus:
 Rara tamen, quocunque patet, latus arbor obumbrat,
 Sed frutices tantum & pingues nascuntur olivæ,
 Perq̃ ulmos lentæ texunt umbracula vites:
 Undè recens plenis spumat vindemia labris,
 Cola q̃ prælorum fundunt dulcissima vina,
 Qualia convivæ pateris libamus & auro,
 Grata Deum sacris, mensisq̃ accepta secundis.
 Radices nemora alta tenent, & lustra ferarum,
 Hospitiisq̃ invitat aves frondentibus arbos,
 Quas, silata juvent, aut lento fallere visco,
 Aut pedicis poteris, canibusve per avia missis
 Excutere auritos lepores, damasq̃ latentes.

Vix paulum belli furor, & clamosa quièrant
 Prælia, cum medium furiata mente per agmen,
 Ardentesq̃ oculos suffusus sanguine & igni,
 Irruit armipotens Tuiston, quo missile adactum
 Inquirens, clypei bonitas quod repulit atrèi:
 Dumq̃ amens teli auctorem vestigat, in ipsum
 Incidit AEnantem, antiqua de stirpe Falerni
 Progenitum Gauri Minturnensisq̃ Maricæ:

At tu,

At tu, nulla reum quoniam via ducit ad ipsum,
 Persolvas pœnam, exclamat, fortiq; catejam
 Corripuens dextra, per trina volumina scuti,
 Perq; rigentem auro tunicam, ferrum egit ad imum
 Cordis, & ingenti pectus dirupit hiatu:
 Ille cadit, caramq; vomens cum sanguine vitam,
 Cervicem inflectit moribundam, altoq; sopore
 Lumina clauduntur, lucem visura supremam.
 Tum pergit, Corytoq; cateja incumbit eadem:
 Illa volat stridens, summisq; cruenta pependit
 Ex humeris, raptiq; iterum de vulnere telo,
 Ocynoum petit, & vasti, magno impete, ventris
 Trajicit intestina, harentemq; ossibus hastam
 Urget adhuc, toto exstaret dum tergo ferrum.
 Vix Clivus elapsus, qui dum fulcire ruentem
 Germanum studet, acta cutem perstrinxit arundo.

At procul Ocynoi fatum lacrymabile cernens
 Horruit Imalion, dextramq; tetendit inermem,
 Suppliciter genua amplexurus: at irrita tentat
 Vota precesq;, ambas cum jam foret acta per aures,
 Orantis, cerebroq; viam patefecerat hasta.
 Non animo tantum potuit perferre dolorem,
 & contra Enialus vastum thoraca, novemq;
 Intextum clypei tauris opus objicit, hostem
 Magnanimum opperiens interritus: excipit illum
 Fortiter emisso hastili, & thoraca novemq;
 Terga boum ingenti perumpit vulnere: at ille
 Suspirans graviter, Saltem hoc sine posse precantem,
 Si lacrymis locus, inquit, adhuc votisq; relictus,

Y ii

Incolumemq₃ sinas Lebanta redire parentes
 Ad miseros, pœnæ luimus sat sanguine nostro.
 Quem contra Tuiston. Idem manet exitus illum,
 Fraternasq₃ unà frater comitabitur umbras.
 Audiit hoc Lebas, lacrymæq₃ per ora volutæ,
 Moxq₃ pedem retrò referens, molitur inanem
 Tesqua per alta fugam, atque hosti dat terga sequenti.
 Sed Deus & jaculis & cursu fervidus instat,
 Atque alias celer, atque alias superingerit hastas,
 Vixq₃ jacet raptas properanter, ut ocyùs actis
 Vulnere det telis, prius atram vulnere mortem
 Volvitur ille solo moriens, & calcibus auras
 Verberat exspirans, animamq₃ in sanguine ponit.
 Talia per campos felici Marte Tuiston
 Funera dat: letho elapsus vix unus Amodes,
 Et Zances, quorum melior pede cautus Amodes
 Effugit: infelix nutans per lubrica Zances
 Concidit, immunda totus revolutus arena:
 Collapsum rapit acer Adad, pedibusq₃ rotatum,
 Ter circum caput egit, & actum fortiter æquor
 In Siculum projecit: Iberus ut acer habenis
 Strueta circumagit Balearis verbera fundæ.
 Jamq₃ ut opes fractæ, fortunaq₃ tota recessit,
 Et quisque abiectis trepidans diffideret armis:
 Italus Alphestes parvis nutritus acerris,
 At magnis generatus avis de semine Divûm,
 Et comes Alcionei, dum res stetit integra bello,
 Multa animo secum volvens, cladesq₃ suorum
 Spemq₃ metumq₃ inter repetens, hæc pectore rumpit.
Infortunati

Infortunati quos non manus Herculis atrum
 Traxerit ad lethum, Nysæi aut ira leonis:
 Quò, maria emensi, ferimur? per inhospita saxa
 Fortunam sequimur fugientem, spesq; negatas,
 Et scelerum toto pœnas expendimus orbe.
 Felices anima, Phlegræ sub mœnibus altis
 Quis cecidisse datum, quæ tu, fortissime gentis
 Terrigenum, premis Oromedon: quæ maximus armis
 Nuper Athos gelidis riget imbribus atque pruinis:
 Quæ Cinnus Rhoecusq; jacent, telisq; Dianæ
 Alter Aloidum, quæ tot correpta sub undis
 Thermaicus rotat arma sinus: vos nobile lethum,
 Nos inhonesta fugæ comes ibit fama sub umbras.
 Talibus illacrymans, in curas vertitur omnes,
 Incertus quid agat, num correpto induat ense
 Pectus, & imbellem properet per vulnera mortem:
 An, quò fata ferant, & proxima meta salutis,
 Proripiat cursu sese, quò nulla sequatur
 Fama rei, ignotisq; erret peregrinus in oris:
 Hoc placet, hoc fixum est: nusquam tamen ille timore
 Tecta domus subiit, non mœnibus ullius urbis
 Successit, dumeta interq; horrentia lustra
 Solorum nemorum, solis in montibus ævum
 Exegit, vulsisq; aluit se stirpibus herbæ,
 Victu infelici, lectaq; sub ilice glande.
 Interea fugiens iterum de rupe Typhoëus
 Cauca sea, multum maris & telluris obruit,
 Usq; Asiam extremam ad digressus & ultima Bactra,
 Quæ se primus equis Oriens attollit anhelis.

Successum at fortuna negat, tum Juppiter hostis
 Dⁱq^{ue} Dea^{que} omnes terrent: ea cura recursat,
 Et pavidum in diversa animum sensusq^{ue} fatigar:
 Omnia prodigiis & cæco plena tumultu:
 Hinc portenta movent, intempesta^{que} volucres:
 Hinc diræ ultrices, & mens sibi conscia culpæ
 Horrificant: non ullam animo, non corde quietem
 Accipit, aut dulci declinant lumina somno.
 His furor accedit, mentemque insania mutat,
 Quæque sibi certam poterat sperare salutem,
 Deserit hanc iterum terram, erroresque retextit,
 Cæcus Achæmenium remeans Euphratis ad amnem,
 Quæque Palæstini Esseni, mirabile dictu,
 Gens æterna tori sine munere vivit, amoris
 Nescia, more feræ vitam sine crimine ducens.
 Exsilio ex illo diversum ad littus adactus,
 Totus inops Protei devenit ad usque columnas,
 Et Pelusiacam gentem nostro orbe remotam.

Sensit id omnipotens genitor, secumq^{ue} volutans
 Fortè novum Phariis, nè terris colligat agmen,
 Adventuque animis vires hostilibus addat:
 Concilium cogit Divûm, remq^{ue} ordine pandit,
 In commune ferant, ut qua ratione, quod instat
 Præveniant fatum, & majoris semina belli
 Avertant: quæ cuiq^{ue} animo sententia sedit,
 Proferat in medium jubet, illos occupat horror
 Nomine majoris belli, adventuq^{ue} Typhoëi.
 Quòq^{ue} ea res gravior visa est, impensius omnes
 Hoc etiam expendunt casus, metuuntq^{ue} futuro.

Tandem,

Tandem, nam mora longa trahit discrimen apertum,
 Decernunt simul, & venienti opponere monstro,
 Quò res cunquè cadet, quidquid fortuna minetur,
 Castra placet, totisq; occurrere viribus hosti.
 Reliquis Tibilenum Italis, Consumq; relinquunt
 Magnanimumq; Curim Latio comitante Falacro:
 Tu quoque Semideis te jungis Adrane Sicanis,
 Tuq; Beles, qui numine lapidis arva Timavi
 Aeterno, & totam Illyrici regis æquoris oram:
 Hos Razenna, amboq; pari virtute sequuntur
 Alter Evamerion, Saturnius alter Abadir.
 At quibus incumbit sævo se offerre Typhoeo,
 Auroramq; sequi, & septemplex ostia Nili,
 Cœlituum jubare exorta delecta juventus
 Se pugnae parat, atque armis inducitur artus:
 Pars pedes incedit: celeres pars corpora saltu
 Subjiciunt in equos: pars pictis curribus adsunt.
 O genus ante alios, unaq; Laphystius ira
 Aestuât, & lateri fulgentem subligat ense:
 Germanumq; pater Tuiston, non ultima Divum
 Gloria, per medios graditur, præterq; catejas
 Teutonicas, geminos immani pondere contos
 Versat ovans, quondam quibus, acer in arma Menæti,
 Moliri incautis bellum patruelibus ausus.
 Indè Tenes, & Enenthius, atque Tholephorus augur,
 Grajus & Eudanemus, & Persicus Oromagdas.
 Cælestusq; Psaphonq; ruunt, Niloq; creatus
 Palmytus, rostroq; Deus metuendus adunco,
 In raptoris avis faciem collectus Epiës,

Membraq; quò similis deformia velet amictus,
 Tigridis exuviae pendent à vertice ad imos
 Usquè pedes, auresq; cavas & tempora circum
 Ora ferae inclusere caput cum dentibus albis.
 Ipse Deum genitor, quo non praestantius ullum,
 Telum immane manu magna numero eligit omni.
 Heu quas in terras, quas illud vibret in oras,
 Utitur haud unquam, ni magnas territet urbes,
 Aut mare sollicitet, totumq; tremoribus orbem.
 Tum Belum atque Sabin, pariter duo fulmina belli
 Praemittit, latè quò terram indagine cingant,
 Vestigentq; virum, circumq; infanda furentem
 Insidiis subigant, nè quò elabatur ab armis.
 Olli iussa parant, similesq; volucris Euris
 Effusi, celeres antebant cursibus auras:
 Quaq; pharetrata vicinia Persidis urget.
 Milite circundant Arabum ditissima regna,
 Angustasq; vias, & rubri littoris oras,
 Quà deserta sui, & plaga torrida semper ab igne,
 AEstuat Aethiopum calido sub sidere Cancri.
 AEquora Neptunus, tempestatumq; potentes,
 Et pater Oceānus claudunt, & Glaucus, & omnes,
 Imperium quibus est pelagi, saviq; tridentis.
 Utq; dato signo castris prorupit apertis
 Divum animosa phalanx, magno gemit excita pulsus
 Quadrupedante pedum tellus, atque arma coruscis
 Solis inardescunt radiis, longeque resurgens.
 Tum flammæ assiliunt, vibratumq; aethere fulgur,
 Eliduntq; oculos, & lumina luce fatigant.

Terrigenae,

Terrigena, nè, quò se verteret, aut quibus armis
 Eßet opus sciret, fatoq; resistere posset.
 Non ruit hibernum tam densa grandine cælum,
 Tot nec Achemeniis funduntur Medica Parthis
 Spicula, victorum cùm castra sequentia tardant.
 Quot pater omnipotens, dextra lævaq; coruscans,
 Europa atque Asia pulsum profugumq; Typhoea
 Versat agens telis, omniq; ex parte cruentat.
 Ille furens animi, atque ingenti turbine raptus,
 Occursat, telum ira facit, quodcunque repertum,
 Antiquasq; domos avium, cum stirpibus imis
 Eruit, exclamansq; immani voce, supinas
 Torquet in instantes, & crebris jactibus alti
 Eripit aspectum cœli: sed nulla salutem
 Vis aperit, nulla ars virtusq; obsistere Divis
 Sufficit, & dubitans quæ prima pericula vitet,
 Clamorem horrendum tollit, quo Nilus & Atlas
 Ultimus intremuit, penitusq; exterrita Memphis.
 Illum ut Cælicolæ telisq; armisq; carentem,
 Cedentemq; loco vidère, hinc cominus, atque hinc
 Nox circumglomerati omnes rapiuntq; feruntq;
 Vulnera nec capiunt immania membra, locusq;
 Missilibus defit, sic toto corpore densa
 Telorum seges infixis mucronibus haret.
 Horret atrox sævitq; Gigas, iterumq; dolorem
 Testatus clamore, gemit, quo maxima rerum
 Astra tremunt, reboatq; cavis convallibus orbis:
 Seq; videns circum extrema jam in morte teneri,
 Tigris ut hinc illinc venantium indagine septa,

Z ij

Fixa super fertur venabula, & ara Moloſſum
Sæva per, instantis securus vulneris exit.

Haud aliter, Divum quæ se denſiſſimus ordo
Objecit, per tela ruit perq̃ arma Typhoeus,
Elapſusq̃, tribus Strophadum prope paſſibus oras
Aſſequitur, longè Superis poſt terga relictis.

Jamq̃ in conſpectum Siculae telluris & Aetnae
Venerat, in gentem maris, anguſt. q̃ Pelori
Cum gemitum horreſcens, canibusq̃ ſonantia ſaxa,
Eluſumq̃ vadum, & rorantia fluctibus aſtra,
Pantagæ portus, & longo læva petiit
Aequora circuitu Megaræ, Tapſiq̃ jacentis,
Ortygiæq̃ tremens devenit, & Eudis amnem,
Quæ grave Plemmyrii motis ſonat æſtus arenis,
Felicemq̃ trahens limum ſtagnantis Elori
Alveus: objicibus ruptis, ſuperinnatat agris.

Hic quoque vindictam molitur, & alta Pachini
Saxa ciet, toto connixus corpore, & omni
Robore: diſſultant Erycino in vertice ſedes
Idalia, atque ipſis nutant cum mœnibus urbes:
Scylla ferox procul horriſicum tonat, atque ruinis
Ingeminat, raucos timore ad ſidera fluctus
Eructat latratu, & arenas commovet imas.

Juppiter accelerans non hoc tulit, atque revulſas,
Vertit in auctorem moles, ſubigitq̃ coactum
Vi magna horrendum, informem, ingentemq̃ Typhoea.
Quo ſe præcipuè Tellus jactabat alumno.
Si duo prætereà tales enixa tuliffet
Terra viros, iterum nova gens invicta moveret.

Arma

LIBER IIII.

Arma Jovi, & versis lugerent sidera fatis.
Quidquid enim tanto cessatum est tempore belli,
Illius Enceladiq; manu victoria cæli
Hæsit, & antè datum haud inimicam tollere gentem.
Sapiùs ille quidem immanes attollere rupes
Nititur obnixus, sed totis viribus usus
Deficit, injectumque coërcet robora pondus.
Tum super assistens Divum pater atque hominum rex,
His onerat dictis. Hic nunc metuende Typhoëu,
Hic hostis metuende jace, nil guttura centum,
Nil centum juvère manus, genitrixq; Cybele.
Hæc certè ex illo tibi jam speranda fuerunt
Tempore, non meliora, tuis cum viribus ausi
Sunt conjurati cælum rescindere fratres.
Nunc morere, & meritas, scelerate, expendito pœnas.
Talibus effatus, moles superaddidit omnes,
Atque indignantem, magno cum murmure, circum
Montibus inclusit, speluncisque abdidit atris.

F I N I S.

